

თამაზ გოგიბედაშვილი

ქართული ქიდაობა  
(ხალხური)

თბილისი, 2017

საქართველო მსოფლიოს უხრან მხარისა და აღმოსავლეთის შპს „ზარა-  
ჯანი“. რას მის ბელომ მოვსახერხებს სხვადასხვა (ბელო) თანხები იძებს,  
სხვადასხვა, ცნობილი წარმოქმნილი თანხები და სხვადასხვა სხვადასხვა  
ყოველწლიურ თანხებს მონიტორინგისათვის რას დაჭერა მოქმედ-  
ება თანხებს „სლოლო-2015“.

კორექტორი: ნიკა გოგიბედაშვილი

ISBN 978-9941-27-485-5

## ავტორისაზან

4-5 წლისა ვიყავი, როდესაც პირველად სპორტს მაყურებლის რანგში ვეზიარე. ჩემს გაკვირვებას საზღვარი არ ჰქონდა, როცა დავინახე, რომ ჩემი ტოლი ბიჭები შეჯიბრის მონაწილეები იყვნენ. ასპარეზობა საჭიდაო არენაზე სწორედ ამ ასაკის ბავშვებმა დაიწყეს. ზაფხულის არდადეგებზე თვეობით “მიცილებდა” ოჯახი სოფელში ბებიასთან, ერთი სული მქონდა, როდის წამიყვანდა პაპა უფროს ძმებთან ერთად საჭიდაოზე. ცოტა რომ წამოვიზარდე, მივხვდი, რომ სწორედ პაპაჩემი, ლადო გოგიბედაშვილი იყო ჩემს სოფელში (ზემო ხანდაკი, კასპის რაიონი) ქართული ჭიდაობის მომწყობი-ორგანიზატორი, სპონსორი, მთავარი მსაჯი, ასპრეზობის დასრულების შემდეგ კი - მასპინძელი. პურ-მარილი მუდამ ჩვენი სახლის მარანში იშლებოდა ოჯახის უფროსის, ლადო გოგიბედაშვილის თამადაობით. მრავალრიცხოვან სტუმრებში არა მარტო ტიტულოვანი ვეტერანი ან მომქმედი მოჭიდავე ფალავნები იყვნენ, არამედ სხვა პროფესიის ძალიან საპატივცემულო, კოლორიტული ხალხი: პოეტები, აკადემიკოსები, მსახიობები, ექიმები, რეჟისორები და სხვა. სწორედ ჩემს პაპას - ლადო გოგიბედაშვილს, ჭიდაობის დიდ ოჯახში დაფასებულ, ავტორიტეტულ კაცს, ქართული ჭიდაობის უდიდეს მოამაგეს ვუძღვნი ამ წიგნს მადლობის ნიშნად, მან მაზიარა პირველმა სპორტს, თანაც უშუალოდ ქართულ ჭიდაობას, რომელსაც ვფიქრობ, რომ ბადალი არ მოეძებნება დედამიწაზე, თუნდაც იმ კუთხით, რომ იგი არის სპორტის უძველესი სახეობა მსოფლიოში, სადაც მუსიკისა და სპორტის ასეთი შესანიშნავი შერწყმა, სინთეზი ხდება. მუსიკისა, რომლის გაგონებაზეც, არ დავმაღავ, დღესაც სისხლი მიდულს, ჩემდაუნებურად რითმს ვცვები და სხეული მითამაშებს.



არსენ მეკოკიშვილის 105 წლის მემორიალური ტურნირი ქართულ ჭიდაობაში. შეჯიბრების წამყვანი თ. გოგიბედაშვილი

## წინათქმა (პროლოგი)

ქართველი კაცი უხსოვარი დროიდან ჭიდაობდა. ვინაიდან ისტორია არ გახლავთ ზუსტი მეცნიერება, რთულია იმის თქმა და მტკიცება, რომ ამ და ამ წელს, ამა თუ იმ საუკუნეში ჩამოყალიბდა ქართული ჭიდაობა თავისი ნორმებით, დოგმებით, წესებითა ან რაიმე რეგულაციებით, როგორც ასეთი. თავიდან ქართული ჭიდაობა სამხედრო მომზადების საფუძველი გახლდათ და საბრძოლო ხელოვნების ფუნქციის მატარებელი იყო, თანაც ამ საპასუხისმგებლო მისიას დიდი წარმატებითაც ასრულებდა. ხმა-მაღალი ნათქვამი არ გამოვა, ცოტაოდენ შორს თუ წავალთ და ვიტყვი, რომ თუ ჩვენი თვითმყოფადობა დღემდე შევინარჩუნეთ ურიცხვ მტერთან და უამრავ მომხდურთან უთანასწორო ბრძოლაში, უპირველესად ეს სწორედ ქართული ჭიდაობის დამსახურებაა! ჰაგიოგრაფიული, მითოლოგიური, ლიტერატურული ნაწარმოებების კარნახით შეგვიძლია ვივარაუდოთ, რომ ქართულ ჭიდაობას სპორტულ-საშეჯიბრო, კულტურულ-სანახაობრივი ხასიათი შუა საუკუნეებში, ჩვენი აღზევების - რენესანსის ხანაში ჩამოუყალიბდა. ეს ნათლად ჩანს შემდეგ კულტურულ ძეგლებში: “ცხოვრება სვიმონ მესვეტისა” (IX ს.); მოსე ხონელის საფალავნო ისტორია “ამირან-დარეჯნიანი”; იოანე შავთელის “აბდულმესიანი”(XII ს.); მეფე ლაშაგიორგის მემათიანის ორთაბრძოლის აღწერა (ქართლელი ხიზანბარელი - კახელი ბებურიშვილი - XIII ს.); ნიშანდობლივია ალავერდის ტაძრის ბარელიეფი (XV ს.); “ქართლის ცხოვრებაში” აღწერილია მზეჭაბუკის გამარჯვება თათართა გოლიათ ფალავან ძალანთან (XVI ს.).

ეს და სხვა ისტორიული წყარო სწორედ იმას მიუთითებენ, რომ ქართული ჭიდაობის სპორტულ აქტივობად გარდაქმნა ნაყოფია ქართველი ერის მნიშვნელოვანი კულტურული განვითარებისა. ქართულმა ჭიდაობამ ღირსეულად გაუძლო დროის გამოწვევებს, ქარტეხილებს საუკუნეების, ათასწლეულების განმავლობაში, დრო და დრო იხვეწებოდა, მდიდრდებოდა, სხვა ფუნქციებს ითავსებდა, ის გახდა ქართველი ადამიანის სახალხო დღესასწაული, ნომერ პირველი სპორტული, სარიტუალო, სანახაობრივი მონაპოვარი. არ არსებობდა რელიგიური დღესასწაული - ქრისტესშობა, მარიამობა, გიორგობა, ნინობა, აღდგომა, ნათლისღება - რომლის შემადგენელი ნაწილიც ქართული ჭიდაობა არ ყოფილიყოს. აკი ყველა დიდ თუ პატარა ქართული ეკლესიისა და ტაძრის ეზოში ქართული ჭიდაობის არენები იყო მოწყობილი. ასევე იყო საერო დღესასწაულებზეც.

გამომდინარე მისი პოპულარობიდან და სახალხო სიყვარულიდან შეითავსა ქართულმა ჭიდაობამ კულტურულ-სანახაობრივი, სარიტუალო ფუნქცია, თორემ უმთავრესი როლი, ქვეყნის თავდაცვა, რაღა თქმა უნდა, კიდევ მრავალი საუკუნის განმავლობაში ჰქონდა ნაკისრი. ამიტომ ვთვლი, რომ ყველა ქართველი ხალხი ვალში ვართ ქართულ ჭიდაობის წინაშე. წიგნის დაწერის უმთავრესი მიზნებიც ეს გახლავთ, რათა მცირედით მაინც დაგუბრუნოთ ვალი ჩვენს მამა-პაპას, ხშირ შემთხვევაში ჩვენს უსახელო გმირ წინაპრებს, რომლებმაც რუდუნებით, ქართული ჭიდაობის უზადო ცოდნითა და უშუალოდ ბრძოლის ველზე მისი გამოყენებითა და თავგანწირვით შემოგვინახეს ის, რაც ერისათვის ყველაზე ღირებულია და ძვირფასი, რასაც ჩვენი დედა-სამშობლო, საქართველო ჰქვია!

## **წიდაობის სახეობების მოკლე ქრისტობათია.**

მე-19 საუკუნიდან მოყოლებული მე-20 საუკუნის დასაწყისის ჩათვლით ხდება სპორტის სახეობების ჩამოყალიბების, წესების შემუშავების, მათი დახვეწისა და დამკვიდრების პროცესი. ზოგადად, ეს ის პერიოდია, როდესაც სპორტის სახეობების ჩამოყალიბება მიმდინარეობს მთელ მსოფლიოში, ძირითად კი - ბებერ კონტინენტზე. მაგალითისთვის, ამ პერიოდში ჩამოყალიბდა ისეთი პოპულარული სპორტული სახეობები, როგორებიცაა: ფეხბურთი, კალათბურთი, ძიუდო, ხელბურთი, სათხილამურო სპორტი, ფრენბურთი და სხვა. ამ დროისთვის “ქართული ჭიდაობა” უკვე მრავალ საუკუნეს ითვლის, თუმცა დროის მოთხოვნიდან გამომდინარე, სწორედ ამ პერიოდში ხდება საჭიროება მისი მკაცრად სპორტის სახეობად გამოიჭენისა, ჩამოყალიბებისა. მათთვის, ვინც არ იცის, საინტერესო იქნება თავად სიტყვა “სპორტის” განმარტება და ეტიმოლოგია. “სპორტი” ძველფრანგული სიტყვაა (“DE SPORT”) და თავისუფალ დროს, უფრო ზუსტად თავისუფალი დროის გამოყენებას, გატარებას გულისხმობს. ძველი ბერძნები სპორტსმენს “ათლეთს” ეძახდნენ, ეს სიტყვა დღესაც ფართოდ გამოიყენება, თუმცა დიდწილად სპორტმა ჩაანაცვლა. შუა საუკუნეების პერიოდში ქართველები სპორტსმენს “მემლერს” ეძახდნენ, რადგან ანტიკური ოლიმპიური თამაშების მსგავსად შუა საუკუნეების საქართველოშიც იმართებოდა მასშტაბური თამაშები, რომლებშიც არა მარტო სპორტულ სახეობებში ტარდებოდა შეჯიბრება, არამედ ცეკვაში, სხვადასხვა ინსტრუმენტზე დაკვრაში, სიმღერაში, ლექსისა და ლეგენდის თქმასა და ა. შ. ამ მხრივ, ეს ქართული თამაშები ანტიკური ოლიმპიური თამაშების ზუსტი ანალოგია.

რაც შეეხება ჭიდაობის დღევანდელ საერთაშორისოდ აღიარებულ, პოპულარულ, სახეობებს, ქრონოლოგიურად რომ მივყვეთ, პირველმა დღევანდელმა ბერძულ-რომაულმა ჭიდაობამ მოიპოვა საერთაშორისო პოპულარობა.

## **ბერძულ-რომაული ჭიდაობა**

ბერძულ-რომაული ჭიდაობა შეიქმნა ძველ საბერძნეთში, შემდეგ პოლურალობა მოიპოვა ძველ რომში. ეს სახეობა ანტიკურ ოლიმპიურ სახეობებში ერთ-ერთი პირველი დამკვიდრდა. ძველ საბერძნეთში ანტიკურ ოლიმპიურ თამაშებზე თავიდან მხოლოდ სირბილი იყო ერთ სტადიაზე (192 მ.), სიტყვა “სტადიონი” სწორედ აქედან მომდინარეობს. შემდეგ მას დაემატა ასევე მძლეოსნობის სხვადასხვა დისციპლინა და ძველი წელთაღრიცხვით 708 წელს დაემატა ჭიდაობა, ამიტომ ბერძულ-რომაულს დღესაც ზოგჯერ ანტიკურსაც უწოდებენ. არ შეიძლება, არ ვახსენოთ გამორჩეული გმირი ანტიკური ჭიდაობისა - “მილონი კროტონელი”, რომელსაც 6 ოლიმპიადა ჰქონდა მოგებული, უზარმაზარი ავტორიტეტით სარგებლობდა და ძველ ბერძნებს “ნახევარღმერთადაც” კი ჰყავდათ შერაცხული! ჯერ კიდევ 1539 წელს “ხელნართული ორთაბრძოლების” გერმანელმა მკვლევარმა და პედაგოგმა ფაბიან ფონ აუერსვალდმა შეადგინა პირვე-

ლი სასწავლო სახელმძღვანელო - "ჭიდაობის ხელოვნება". XIX საუკუნის 40-იან წლებში პარიზის ცნობილ ბაზრობებზე გამართულმა მოჭიდავეთა სახელდახელო ტურნირებმა მაყურებლებისა და პრესის დიდი ინტერესი გამოიწვია. 1848 წელს პარიზში, მონტესკიეს ქუჩაზე, მოეწყო პროფესიონალ ათლეტთა დიდი არენა. აქ გაიმართა ე.წ. გასტროლიორ მოჭიდავეთა პირველი ჩემპიონატი. ასე რომ, XVIII და XIX საუკუნეთა მიჯნაზე დაიწყო თანამედროვე "კლასიკური" ჭიდაობის ფორმირება, 1880 წელს შეიმუშავეს ახალი წესები, რაც ბერძნულ-რომაული ჭიდაობის ერთიანი სისტემის შექმნით დასრულდა. თანამედროვე სახით ფორმულირება და ჩამოყალიბება საფრანგეთში მოხდა, ამიტომაც მას იმ ხანად ფრანგულ ჭიდაობას უწოდებდნენ. ალბათ ამ მრავალსაუკუნოვან პოპულარობას უნდა მივაწეროთ ის, რომ სწორედ კლასიკურმა, ფრანგულმა ჭიდაობამ მე-19 საუკუნის ბოლოს, თანამედროვე ჭიდაობის სახეობათაგან პირველმა მოიპოვა საერთაშორისო აღიარება. პირველივე თანამედროვე ოლიმპიურ თამაშებზე, 1896 წელს, ათენში ცხრა სპორტის სახეობიდან ერთი-ერთი სწორედ იგი შეიტანეს ოლიმპიურ დისციპლინაში. 1898 წლიდან ტარდება ევრო-პირველობები, 1904 წლიდან კი მსოფლიო ჩემპიონატების ჩატარება დაიწყო. 1905 წელს შეიქმნა საერთაშორისო ფედერაცია (Federation Internationale des Luttes Associees – FILA), ფრანგულმა ჭიდაობამ დიდი პოპულარობა მოიხვეჭა ამ პერიოდში ევროპის ქვეყნებში და საქართველოშიც დაიმკვიდრა ადგილი. ჩვენმა ქართულის მოჭიდავეებმაც მშვენივრად აუღეს ალღო, სწრაფადვე გადაეწყვიტა ამ უკვე გათანამედროვეებულ ანტიკურ, ან უკვე ფრანგულად წოდებულ ჭიდაობაზე და დიდი წარმატებითაც გამოდიოდნენ საერთაშორისო არენებზე (ქვარიანი, გლდანელი, ესებუა, მაისურაძე, აბულაძე, კანდელაკი და მრავალი სხვა). ამ პლეადის ფალავნებზე, ქვემოთ გვექნება უფრო ვრცლად საუბარი.

ქართველები ოლიმპიურ თამაშებზე, მოგეხსენებათ, ჰელსინკის მე-15 თამაშებზე გამოჩნდნენ 1952 წელს, რაღა თქმა უნდა, მაშინდელი სსრკ-ს შემადგენლობაში. თავიდანვე გამორჩეულნი, მოწინავენი ვიყავით "მოძმე" 15 რესპუბლიკის სპორტსმენებში, განსაკუთრებით საჭიდაო სახეობებში, მათ შორის ბერძნულ-რომაულში. მართო იმ პირდაპირი და გადატანითი მნიშვნელობით "კლასიკოსების" ხსენება რად ღირს: გივი კარტოზიასა და რომან რურუას. პირველი ქართველი მსოფლიო ჩემპიონი საჭიდაო სახეობებში სწორედ გივი კარტოზიაა. ზოგადად, ამ თავში ვეცდები, რომ პერსონალიებისგან თავი შევიკავო, მაგრამ ამ და კიდევ სხვა ბუმბერაზი სახელების ხსენება მაინც მომიწევს.

**ოლიმპიური ჩემპიონები:** გივი კარტოზია (1956), ავთანდილ ქორიძე (1960), რომან რურუა (1968), ვახტანგ ბლაგიძე (1980), მანუჩარ კვიციანი (2008).

**მსოფლიოს ჩემპიონები:** გივი კარტოზია (1953, 1955, 1958), როსტომ აბაშიძე (1958, 1962-1963), ავთანდილ ქორიძე (1961), რომან რურუა (1966-1967, 1969, 1970), ვახტანგ ბლაგიძე (1978, 1981), მიხეილ სალაძე (1981), თეიმურაზ აფხაზავა (1982-1983), თემო ყაზარაშვილი (1982), გურამ გედეხაური (1987), მუხრან ვახტანგაძე (2001), მანუჩარ კვიციანი (2003), დავით ბედიანიძე (2007), რამაზ ნოზაძე (2007).

## თავისუფალი ჭიდაობა

ასე რომ, ქრონოლოგიას მივყვით და „კლასიკურიდან“ თავისუფალ ჭიდაობაზე გადავიდეთ, რომელიც ინგლისში ჩაისახა და აშშ-ში ჩამოყალიბდა და გახდა პოპულარული. სწორედ ამერიკის შეერთებული შტატების კოლეჯებსა და სხვა სასწავლო დაწესებულებებში მოხდა მისი კლასიფიკაცია და სენტ ლუისის (1904 წ.) მე-3 ოლიმპიურ თამაშებზე, აშშ-მ გამოიყენა მასპინძლისათვის მინიჭებული უფლება და “თავისუფალი ჭიდაობა” შეიყვანა ოლიმპიურ სპორტულ სახეობათა ოჯახში. პირველი საერთაშორისო ორგანიზაცია 1920 წელს (“IAWF” - International Amateur Wrestling Federation) შეიქმნა. 1951 წელს კი ბერძნულ-რომაული და თავისუფალი სტილის ჭიდაობები “ფილას” ეგიდით ერთ ოჯახად გაერთიანდნენ (“FILA” - ფრანგულად, “Fédération Internationale des Luttes Associées”), 2014 წლიდან გაერთიანებულ ჭიდაობის ფედერაციას სახელი შეეცვალა, ფრანგულიდან ინგლისურზე გადავიდა და “UWW”-ს (United World Wrestling) სახელს ატარებს.

ამავე 1951 წლიდან ტარდება მსოფლიოს ჩემპიონატები, ევროპის პირველობები კი 1929 წლიდან იღებს სათავეს. ისევე როგორც ბერძნულ-რომაული ჭიდაობა, ქართველებმა თავისუფალიც სწრაფადვე აითვისეს, რაღა თქმა უნდა, ქართული ჭიდაობის ცოდნის წყალობით და შედეგებმაც არ დააყოვნა, პირველივე ოლიმპიურ თამაშებზე ჰელსინკიში (1952 წ.), მაშინდელი საბჭოთა კავშირის ნაკრებიდან სწორედ ჩვენი დავით (ამური) ციმპკურიძე გახდა ოლიმპიური ჩემპიონი, ყველას კარგად მოგვეხსენება, რომ იგი შესანიშნავად ფლობდა ქართულ ჭიდაობას და მისი მამაც სახელგანთქმული ქართულის მოჭიდავე, ასევე “ფრანგულის” კარგი ოსტატი - მიხეილ მანაბელი გახლდათ. აქვე არ შეიძლება, არ გამოვყოთ მირიან ცალქალამანიძე, რომელმაც ფაქტიურად წარმოუდგენელი რამ მოახერხა, 24 წლის ასაკში პირველად ეზიარა პროფესიონალურ სპორტს - თავისუფალ ჭიდაობას და 5 წელიწადში 29 წლისამ უკვე მელბურნის (1956 წ.) ოლიმპიური თამაშები მოიგო. მისი ეს ფენომენალური შედეგი არა მარტო მას, არამედ ქართულ ჭიდაობას უნდა მივაწეროთ, რადგან ბატონი მირიანი დიდ სპორტთან ზიარებამდე სწორედ ქართულ ჭიდაობას ფლობდა საუცხოოდ და მისი ბაზისიც მხოლოდ და მხოლოდ ქართული ჭიდაობა გახლდათ!

განსაკუთრებული აღნიშვნის ღირსია არსენ მეკოკიშვილი, რომელსაც მე დაუფიქრებლად დავასახელებდი მსოფლიოს ყველა დროის საუკეთესო მოჭიდავედ ყველა სახეობიდან. აბსოლუტურად ფენომენალური სპორტსმენი, რომელმაც მოიგო უამრავი უმაღლესი ტიტული, დაამარცხა ყველა და ყველაფერი, მათ შორის დროც: ოლიმპიური ჩემპიონი გახდა 40 წლის ასაკში (ჰელსინკი, 1952 წ.), მსოფლიოს ჩემპიონი - 42 წლის ასაკში, ბოლო ტიტული - სსრკ სპარტაკიანა კი 44 წლისამ მოიგო. მეკოკიშვილი იყო უნივერსალური ფალავანი, რადგან მის ტიტულებში შედის როგორც ჩოხის გარეშე ჭიდაობის სახეობები, ასევე ჩოხიანიც. სამბოში 7-ჯერ იყო სსრკ-ს ჩემპიონი, თავისუფალ ჭიდაობაში სსრკ-ს 9-გზის ჩემპიონი, ვერცხლის მედალს ფლობდა ბერძნულ-რომაულ ჭიდაობაშიც. ეს ტიტულები, სამწუხაროდ, ჩვენ აქტივში არ გვეწერება (ბერიას “თხოვნით” რუსეთის

სახელით ასპარეზობდა), რომ იტყვიან, „დე იურე“, თუმცა „დე ფაქტოდ“, რაღა თქმა უნდა, მისი რეგალიები ჩვენია. აკი საგარეჯოს რაიონ სოფელ გიორგიწმინდაში გაზრდილ-დაბადებული არსენ მეკოკიშვილი ქართულ ჭიდაობაში საქართველოს 3-გზის აბსოლუტური ფალავანი გახლავთ! დარწმუნებული ვარ, ასეთივე წრმატება ექნებოდა მას ძიუდოში, მაგრამ მაშინ, როდესაც იგი ასპარეზობდა, ძიუდოს არ ჰქონდა საერთაშორისო აღიარება და მხოლოდ 1964 წელს (ტოკიო) შევიდა ოლიმპიურ დიდ ოჯახში. აქაც, როგორც თავისუფალ ჭიდაობაში, იაპონელებმა მასპინძლის სტატუსით ისარგებლეს.

ზოგადად სპორტის სახეობებზე თუ ვიმსჯელებთ, მეტწილად მათი პოპულარობის განმსაზღვრელი ოლიმპიური თამაშებია და სწორედ ოლიმპიურ სპორტულ სახეობათა ოჯახში ყოფნა განაპირობებს სახეობის პოპულარიზაციას. უამრავი გამოჩენილი მოჭიდავე, კაშკაშა ვარსკვლავი ჰყავს აღზრდილი ჩვენს პატარა ქვეყანას - საქართველოს, თუმცა დანაშაული იქნებოდა მსოფლიოს საჭიდაო სამყაროს კიდევ ერთი უდიდესი მონაპოვარი - ლევან თედიაშვილი არ ვახსენოთ. თედიაშვილი, რომელიც ასევე ქართული ჭიდაობის წიაღიდანაა გამოსული, თავისი უნიკალური ქართული ჭიდაობის სტილით ყველა განაცვიფრა და წარუშლელი კვალი დატოვა მთლიანად ჭიდაობის სამყაროში. თავად თედიაშვილის ნათქვამს გავიმეორებ, მისი მიბადვისა და შთაგონების წყარო სწორედ არსენ მეკოკიშვილი იყო, სპორტის, მოჭიდავის პროფესიაც სწორედ მის გამო აირჩია, პირველი მწვრთნელი თედიაშვილისა არსენის ბიძაშვილი, ვანო მეკოკიშვილი იყო. არსენს ლევანის ნიჭი არ გამოჰპარვია, მფარველობდა ლევანს და მისი თბილისში ვახტანგ ბალავაძესთან სავარჯიშოდ გადმოყვანა, დაოსტატებაც სწორედ მეკოკიშვილის ინიციატივა იყო. საფეხბურთო ენით, ცოტა ხატოვნად რომ ვთქვათ, პელესა და მარადონას ფენომენზე გვაქვს ახლა საუბარი. ლევან თედიაშვილს უამრავი უმაღლესი ჯილდოს მიწოდებია: 2-გზის ოლიმპიურ ჩემპიონი, 4-გზის მსოფლიო ჩემპიონი თავისუფალ ჭიდაობაში, მსოფლიო ჩემპიონი სამბოში. თავად ყველაზე მეტად იმაზე სწყდება გული, რომ ქართული ჭიდაობით დაიწყო მისი საჭიდაო კარიერა, მაგრამ აბსოლუტური ფალავნობა არ უჭიდავია და შესაბამისად ვერც მოიპოვა აბსოლუტური ფალავნის ტიტული და დღემდე მიუღწეველ ოცნებად დარჩა.

ასევე არ შეიძლება გამოგვრჩეს ვახტანგ ბალავაძე, რომელსაც უდიდესი ამაგი აქვს ქართული ჭიდაობის განვითარებაში შეტანილი. სხვათა შორის, როგორც თავად იხსენებს, ილო თომაშვილის სახელმძღვანელო წიგნით შეისწავლა მან ქართული ჭიდაობა, მისი ჭიდაობის სტილიც სწორედ რომ ქართული ჭიდაობისა იყო, ამ სტილით დაიპყრო ყველა უმაღლესი სპორტული მწვერვალი და სწორედ ამ საჭიდაო ინტელექტიდან გამომდინარე მას მსოფლიო ჭიდაობის სამყარომ “ჭიდაობის პროფესორი” შეარქვა.

**ოლიმპიური ჩემპიონები:** დავით ციმაკურიძე (1952), მირიან ცალქაღამანიძე (1956), ლევან თედიაშვილი (1972, 1976), დავით გობეჯიშვილი (1988), ლერი ხაბელოვი (1992), რევაზ მინდორაშვილი (2008), ვლადიმერ ხინჩეგაშვილი (2016).

**მსოფლიოს ჩემპიონები:** ვახტანგ ბალავაძე (1954, 1957), გიორგი სხირ-ტლაძე (1959), ვლადიმერ რუბაშვილი (1961), გურამ საღარაძე (1963, 1965), ზარბეგ ბერიაშვილი (1969), შოთა ლომიძე (1969, 1971), ლევან თედიაშვილი (1971, 1973-1975), დავით გობეჯიშვილი (1985, 1990), ლერი ხაბელოვი (1985, 1987, 1990-1991), ელდარ (ლუკა) კურტანიძე (2002-2003), რევაზ მინდორაშვილი (2005), ვლადიმერ ხინჩეგაშვილი (2015), ზურაბ იაკობიშვილი (2017), გენო პეტრიაშვილი (2017)

## ძიუდო

ზემოთ ძიუდო ვახსენეთ და საჭიდაო სახეობების ლოგიკურ ბმაში სწორედ ძიუდოს ჯერი დადგა. ძიუდოც ამავე პერიოდში შეიქმნა (განსხვავებით ჩვენი უძველესი ქართული ჭიდაობისა), მისი შექმნის თარიღად 1882 წელი ითვლება, როდესაც მისმა ფუძემდებელმა ჯიგორო კანომ პირველი სკოლა (კოდოკონი) დააფუძნა უკვე არსებული საბძოლო ხელოვნების “ჯიუ ჯიცოს” საწყისებზე, რომელიც თავისმხრივ შუა საუკუნეებში ჩამოყალიბდა (1552 წ.) ხისამორი ტაკენურის მიერ და ითვლებოდა ხელჩართული ბრძოლის ხელოვნებად. ჯიუ ჯიცოს იაპონელები, ჩვენი ქართული ჭიდაობისა არ იყო, საომარ მოქმედებებში აქტიურად იყენებდნენ. ძიუდო დღევანდელი ჭიდაობის სახეობებიდან, შეიძლება ითქვას, ყველაზე პოპულარულია, უფრო მეტიც, არამართო ჭიდაობის სახეობებში, არამედ ზოგადად სპორტის სახეობებშიც ბევრს გადაასწრო და სწრაფად პროგრესირებს. თუმცა, როგორც ზემოთ მოგახსენეთ, თავიდან პოპულარობა სხვა ჭიდაობის სახეობებმა მოიხვეჭეს. საგულისხმოა ისიც, რომ ოლიმპიადაზე მხოლოდ ტოკიოში (1964 წ.) გამოჩნდა, ისიც მასპინძელთა დიდი ძალისხმევითა და მოხერხებულობის წყალობით. საერთაშორისო ფედერაცია “IJF” (International Judo Federation) შეიქმნა 1951 წელს, ამავე წლიდან ტარდება ევროპის პირველობები, მსოფლიოს ჩემპიონატები 1956 წლიდან დაიწყო. როგორც ვთქვით, სპორტის ნებისმიერ სახეობას დიდწილად ოლიმპიურ სახეობათა ოჯახში ჩართვა სძენს პოპულარობას (სწორედ ამის გამო ვერ პროგრესირებს, მაგალითად, სამბო, რომლის ერთ-ერთი საწყისი ქართული ჭიდაობაა).

საბჭოთა კავშირის ძიუდოისტთა ნაკრების მთავარი მწვრთნელი, ანდრეი ანდრეევი ნაკრებში ქართველ ძიუდოისტებს ყოველთვის დიდ ნდობას უცხადებდა და მუდამ აღნიშნავდა, რომ „ქართველ ძიუდოისტთა წარმატებათა პირველწყარო სწორედ ქართული ჭიდაობაა. საბჭოთა კავშირის მოჭიდავეთა ნაკრების ხერხემალს ხომ ქართველი მოჭიდავეები შეადგენდნენ. ოლიმპიური და მსოფლიო ჩემპიონი იაპონელი ისანო ინაკუმა ხშირად ამბობდა: „როცა ყველა არაიაპონელისათვის ძიუდო უცხო ხილი იყო, მიკვირდა რომ ქართველებთან ჭიდაობა გაცილებით რთული იყო. მერე, როცა მათ დავუახლოვდი და დავუმეგობრდი კიდევ, ბევრი რამ ნათელი გახდა. გავიგე, რომ ქართველებს ჭიდაობის თავიანთი ეროვნული სახეობა აქვთ, პირადად მე ქართული ჭიდაობისგან მრავალი ფანდი ვისესხე“. ასევე მსოფლიოსა და ოლიმპიური თამაშების ჩემპიონი (თავისუფალ ჭიდაობაში) - შოძის სასახარას, რომელიც საქართველო-

ში სტუმრობისას სოფელ მეჯვრისხევში მიუწვევიათ და უნახავს, თუ როგორ ჭიდაობდნენ პატარა ბავშვები ყოველგვარი მწვრთნელის გარეშე, განუცხადებია: „ამის შემდეგ გასაგებია, თუ რატომ არიან ქართველი ფალავნები ასე ძლიერები. ქართველი ჭიდაობისა და ანბანის შესწავლას ალბათ ერთდროულად იწყებს“.

ასე რომ, ქართველებმა ძიუდოსაც მყისიერად აუღეს ალღო და შეისის-ლხორცეს. ზოგადად ვთვლი და ჩემი დევიზიც, სლოგანიც, ასეთია: “ჭიდაობა ჩვენი სპორტია, ქართული ჭიდაობა კი - ჩვენი სპორტის ფუნდამენტი!”

ქართული ძიუდოს პიონერებად, მესაძირკვლეებად, მოჭიდავეთა ის პლეადა უნდა მივიჩნიოთ, რომელთა საწყისიც, ბაზისიც, ქართული ჭიდაობა გახლდათ, რომლებიც ამ დროისთვის ადგილობრივ ასპარეზზე უკვე წარმატებულნი იყვნენ, როგორც ქართულში, ასევე სამბოშიც. ვისაც ახლა ჩამოვთვლი, ყველა მათგანი ქართული ჭიდაობის აკვანშია გამოზრდილი, ესენი არაიან: ფარნაოზ ჩიკვილაძე და ანზორ კიკნაძე, რომლებმაც პირველივე ოლიმპიურ თამაშებზე, რომელზეც ძიუდო გამოჩნდა, კერძოდ ტოკიოში, ბრინჯაოს მედლები აიღეს ერთსა და იმავე მძიმე წონაში; ასევე ქართულის მოჭიდავე, ევროპის ჩემპიონი ანზორ ქიბრონაშვილი, სწორედ იგი და ანზორ კიკნაძე გახდნენ პირველი ევროპის ჩემპიონები, როგორც საქართველოდან, ისე მთლიანად საბჭოთა კავშირიდან, ოლიმპიურ მედალზეც ხომ მოგახსენეთ და რაც ყველაზე ნიშანდობლივია, ანზორ კიკნაძე საქართველოს 5-გზის აბსოლუტური ფალავანი გახლდათ; ოლიმპიური ჩემპიონი შოთა ჩოჩიშვილი (1972 წ. მიუნხენი), იგივე პირველი იყო მთლიანად საბჭოთა კავშირიდან ამ ტიტულის მომპოვებელი, აქვე 93კგ.-ში ვერცხლის ოლიმპიურ მედალს დაეუფლა ასევე ქართულის საუცხოო მოჭიდავე გივი ონაშვილი; ოლიმპიური ჩემპიონი შოთა ხაბარელი (1980 წ. მოსკოვი); თემურ ხუბულური აქვე, მოსკოვში ვერცხლის პრიზიორი გახდა.

საერთოდ ძიუდოში საბჭოთა კავშირს არსებობის მანძილზე სულ ხუთი ოლიმპიური ჩემპიონი ჰყავდა: ნოვიკოვი, ნეგზოროვი, სოლოდუხინი და ორი შოთა - ჩოჩიშვილი და ხაბარელი, რომლებიც თავის მხრივ (და ასევე თემურ ხუბულურიც) საქართველოს აბსოლუტური ფალავნები იყვნენ ქართულ ჭიდაობაში!

**ოლიმპიური ჩემპიონები:** შოთა ჩოჩიშვილი (1972), შოთა ხაბარელი (1980), დავით ხახალეიშვილი (1992), ზურაბ ზვიადაური (2004), ირაკლი ცირეკიძე (2008), ლაშა შავდათუაშვილი (2012).

**მსოფლიოს ჩემპიონები:** თემურ ხუბულური (1979, 1981), ამირან ტოტიკაშვილი (1989), კობა კურტანიძე (1989), ირაკლი ცირეკიძე (2007), ავთანდილ ჭრიკიშვილი (2014).

## სამბო

ახლა სამბოზეც ვთქვათ ორიოდე სიტყვა. სამბო - თავდაცვა იარაღის გარეშე, ასე იშიფრება მისი აბრევიატურა. რუსები მას თავიანთ ჭიდაობის სახეობად მიიჩნევენ, თუმცა იგი წარმოიქმნა საბჭოთა კავშირში, მაშინდელი სსრკ-ში შემავალი სხვადასხვა ხალხების ნაციონალური ჭიდაობ-

ებებიდან ამოიკრიფა სხვადასხვა საჭიდაო ელემენტები, მათ შორის ჩვენი ქართული ჭიდაობიდან ყველაზე მეტი კომპონენტი, ილეთი შეიყვანეს. ამას მოწმობს 1938 წლის 16 ნოემბერს გამოცემული საკავშირო ბრძანებულება N633 “ჭიდაობის განვითარების შესახებ”, რომელშიც ჩამოთვლილია ჭიდაობის ის სახეობები, რომლებიდანაც ამოკრიბეს სამბოს ილეთები. დგომიდან ჩატარებული ფანდების თითქმის 80 პროცენტი სწორედ ჩვენი ქართული ჭიდაობიდანაა მოხვედრილი სამბოში.

საქართველოში სამბოს პირველი სკოლა 1933 წელს თბილისის ფიზკულტურის ტექნიკუმში გაიხსნა ილო თომაშვილის მეთაურობით. სამბოს უმთავრეს დამაარსებლად ანატოლი ხარლამპიევი ითვლება, რომელმაც, როგორც ზემოთ მოგახსენეთ, სხვადასხვა ეროვნული ჭიდაობის სახეობების შესწავლისას ყველაზე დიდი დრო სწორედ ქართულ ჭიდაობას დაუთმო, ყველაზე დიდი პერიოდიც საქართველოში დაჰყო, შესაბამისად ყველაზე მეტი ხერხი, ილეთი თუ კონტრილეთიც სწორედ ჩვენი ეროვნული ჭიდაობიდან წაიღო და მიიტანა “ახალგამომცხვარ” ჭიდაობის სახეობა სამბოში, რომლის ოფიციალურ დაბადების დღედ რუსები 1938 წელს მიიჩნევენ, 1939 წელს ჩატარდა პირველად საბჭოთა კავშირის ჩემპიონატი, სადაც 87 კილოგრამ წონით კატეგორიაში კონსტანტინე კობერიძემ გაიმარჯვა. სხვათა შორის, იმავე ტიტულს ფლობდა იგი ბერძნულ-რომაულ ჭიდაობაშიც. საერთაშორისო ფედერაცია (International Sambo Federation) 1966 წელს ჩამოყალიბდა, პირველი მსოფლიო ჩემპიონატი 1973 წელს თეირანში ჩატარდა. პირველი ჩემპიონები გახდნენ გენადი გიორგაძე (48 კგ.) და ლევან თედიაშვილი (90 კგ.), რა გასაკვირია, რომ აქაც ქართველები თავიდანვე ტონის მიმცემნი ვიყავით და ასე ვრჩებით დღემდე. კარგა ხანია, რუსები მის ოლიმპიურ სახეობად გადაქცევას ლამობენ, რასაც, რა თქმა უნდა, ორივე ხელით უნდა მივესალმეთ, თუ ეს მოხერხდა, ჩვენი ოლიმპიელების რიცხვიც საგრძნობლად გაიზრდება. რაც შეეხება სამბოს ყველაზე დიდ და უმთავრეს ფორუმს, მსოფლიო ჩემპიონატს, მრავალი ჩემპიონი გვყავს და უამრავი გვეყოლება კიდევ.

**მსოფლიოს ჩემპიონები:** გენადი გიორგაძე, ლევან თედიაშვილი (1973), იოსებ მაღალაშვილი (1974), სერგეი ტერნოვიჩი (1984-1985), ჯემალ მჭედლიშვილი (1987, 1989), მალხაზ ბერუაშვილიც(1990), ვალერი პარუაშვილი (1991), არჩილ ჩოხელი (1993), ჯონდო მუზაშვილი (1995-1997), დავით ხახალეიშვილი(96-97), ბადრი ჯანიაშვილი (1997), მამუკა კურდღელაშვილი (1997-1998), იოსებ ახალბედაშვილი (1997), აკაკი ხანიაშვილი (2002), მინდია ბოდაველი (2006), უშანგი კუზანაშვილი (2007), მირიან პავლიაშვილი (2007), ავთანდილ ცინცაძე (2011), გიორგი ბაინდუროვი (2012), ვახტანგ ჩიდრაშვილი (2013-2016), ლევან ნახუცრიშვილი (2013), გენადი ჩირგაძე (2014), დავით ლორიაშვილი (2015), პაატა ღვინიაშვილი (2016).

და ბოლოს, ნიშანდობლივია, რომ არა მარტო საქართველოდან, არამედ ზოგადად საბჭოთა კავშირიდან, პირველი ოლიმპიური ჩემპიონი გახდა ქართული ჭიდაობის კარგი მცოდნე და საჭირო დროს მისი გამოყენებელი დავით ციმაკურიძე (თავისუფალი ჭიდაობა), ოლიმპიური თამაშების პირველი საბჭოთა ჩემპიონი ძიუდოში შოთა ჩოჩიშვილი სუფთა ქართულის მოჭიდავე გახლდათ. ანუ რა გამოდის, პირველი ქართველი

სპორტსმენი ოლიმპიური ჩემპიონი დავით ციმაკურიძე ქართული ჭიდაობის წიაღიდან იყო გამოსული, ისევე როგორც დამოუკიდებელი საქართველოს პირველი ოლიმპიური ჩემპიონი ზურაბ ზვიადაური. აი, რამხელა ძალა გააჩნია ჩვენს დალოცვილ ქართულ ჭიდაობას!

ამ მოკლე ქრონოლოგიით ის ჭიდაობის სახეობები მიმოვიხილეთ, რომლებიც დღეს მსოფლიოში ყველაზე პოპულარული არიან. რაც შეეხება ჩვენს ეროვნულ საუნჯეს, ქართულ ჭიდაობას, მასზე, რაღა თქმა უნდა, შემდეგ თავებში უფრო სიღრმისეულად, საფუძვლიანად უნდა ვისაუბროთ.

## **ქართული ჭიდაობა!**

თუ ზემოთ ჩამოთვლილ ჭიდაობის სახეობებს სხვადასხვა ავტორები და ფუძემდებლები ჰყავს, ქართული ჭიდაობა მათგან განსხვავებით ხალხის შექმნილია და აბსოლუტურად ხალხური “პროდუქტია”, რაც ხალხურია, კი თითქმის ყველაფერი - უაღრესად ბრძნული: მითი იქნება ეს, ეპოსი, შარადა, ზღაპარი, იგავი, არაკი თუ სხვა რამ. ყველაზე საუკეთესო ფილტრი რაც საზოგადოებას, ხალხს შეუქმნია, ისევე ხალხია. სწორედ უბრალო ხალხში, ძირითადად სოფლად, იბრძმებდებოდა, დულაბდებოდა საუკენიდან საუკუნემდე, თაობიდან თაობას გადაეცემოდა, იხვეწებოდა, მდიდრდებოდა სხვადასხვა ხერხით, იღეთითა და კონტრიღეთით ქართული ჭიდაობა.

ქართული ჭიდაობა ქართული სოფლის წიაღში დაიბადა, მეტწილად ქართლსა და კახეთში. მართალია სხვა ქართულ ეთნოსებს ჰქონდათ თავიანთი ჭიდაობები, მაგალითად იმერეთში - საბეჭურიდან ჭიდაობა და გიმრაობა; რაჭაში - ლოჭური, ხაცური; ხევსურეთში - მუქასრისა, მოშ და მოშ; გურიაში - ქედობა და ტეკობა; სამეგრელოში - რკინება; მთიულეთში - ილლი ღორა; საინგილოში - ქამარ-ქამარ; ქართლ-კახეთში იყო ასევე მაჭურა, თვალახვეული მკერდობა; სვანეთში - ლიბრგიელი და ლიბურძგალი; აჭარაში - მატეკვრობა; არსებობდა ასევე მესხური ჭიდაობა და სხვა.

ქართული ჭიდაობის ფუნდამენტი, როგორც ვთქვით, ქართლ-კახურია, თუმცა ამ ზემოთ ჩამოთვლილ ჭიდაობებსაც თავისი წვლილი მიუძღვით და მათგან ბევრი ელემენტი შესული ქართულ ჭიდაობაში. იმის გარდა, რომ თაობიდან თაობებს გადაეცემოდა ეს ფანდები და ხერხები, ასევე ნიშანდობლივია ისიც, რომ გარდა სპორტული თუ საბრძოლო უნარ-ჩვევებისა, ქართული ჭიდაობის ძირითადი ფუნქცია იყო ქართველი მოზარდის რაინდულად აღზრდა და მცირე ასაკიდანვე ეროვნულ-პატრიოტული სულისკვეთების ჩამოყალიბება. ასე მოჰქონდა ქართველ კაცს მრავალი საუკუნის მანძილზე, რომ იტყვიან, ადადან და ბაბადან, თავისი ზურგით, მხრებით, ეს ჩვენი ეროვნული საუნჯე - ქართული ჭიდაობა!

რაც შეეხება შედარებით თანამედროვე პერიოდს, ახლო წარსულს, მე-19 საუკუნის შუაწელიდან იწყება ქართული ჭიდაობის სოფლიდან ქალაქში აღზევება და სწრაფადვე ხდება სპორტის ყველაზე პოპულარული, ხალხისთვის ყველაზე საყვარელი ეროვნული სახეობა. ქალაქად ქართული ჭიდაობის სწრაფი პოპულარიზაცია იმუამინდელმა დრომაც მოიტანა, რადგან მიდიოდა ქალაქის მოსახლეობის სწრაფი ტემპით ზრდა, ინდუსტრიალიზაცია.

თუმცა ქალაქებში ქართული ჭიდაობა ბოლომდე უცხო ხილი არც მანამდე იყო, აკი ყველა მეფესა და დიდგვაროვან თავად-აზნაურს თავად ჰყავდა თავის მხედრობაში “ჭილა” ფალავანი, რომლებსაც დიდ პატივში ამყოფებდნენ. ამაზე ერთი საგულისხმო ისტორიაც გავიხსენოთ, როდესაც მეფე ერეკლემ თავისი რჩეული ფალავანი დააჭიდა ყიზილბაშთა “ყორ-ფალავანს”, ამ ბრძოლაში ჩვენმა “ჭილამ” იმარჯვა და სირცხვილი აჭამა მეტოქეს. მეფე ერეკლეს უბრძანებია და “ფირმანი” უბოძებია თავისი რჩეულისათვის, რომელშიც ეწერა, დღეის ამას იქით „ჩემს ფალავანს (თიკუნი ან გვარ-სახელი არ არის შემონახული) სადაც პურის ქამა მოუნდეს, მისი დაპურება უფასოდ იყოსო“, ნებისმიერი მაშინდელ საკვებ დაწესებულებაში. თუმცა ქართული ჭიდაობის ორთაბრძოლებს თბილისსა და სხვა ქალაქებში სისტემატური, ორგანიზებული შეჯიბრის ხასიათი არ ჰქონდა.

მე-19 საუკუნის შუიდან ჭიდაობის ჩატარებას, უკვე თავისი გარკვეული წესი და რიგი ჩამოუყალიბდა. იმართებოდა უმთავრესად უქმე დღეებში. ერთმანეთს “ერკინებოდნენ” (რკენა - “კაცი კაცს რომ ეჭიდება, რკენა ეწოდება” - სულხან-საბა, “სიტყვის კონა”) სხვადასხვა უბნის მოჭიდავეები, მათ გარდა ასევე ახლომახლო სოფლებიდან ჩამოსული მოხალისე ფალავნები. ქალაქის მოსახლეობას ამა თუ იმ უბანში აფიშებითა და ხალხმრავალ ადგილებში ცოცხალი შეძახილებით ამცნობდნენ ენთუზიასტები ჭიდაობის ჩატარების დროსა და ადგილს. ჭიდაობის საცქერლად მოსული ხალხიდან ირჩეოდნენ არენაზე წესრიგის დამამყარებელი ყორალი ბიჭები, რომლებიც აუცილებლად კოხტად უნდა ყოფილიყვნენ გამოწკეპილნი, წკეპლით ან სახრით ხელში “შეიარაღებულნი”, მათ “განის გამშლელები” ეწოდებოდათ. მათი ფუნქციაში შედიოდა ასევე დამკვრელებისთვის გასამრჯელოს აკრეფვა არენაზე მყოფ მაყურებლებში.



12753. Мухрашъ. Борьба. 1060.



მსატყვის შერჩევაც მაცურებელთაგან ხდებოდა, ინიშნებოდა ყველაზე დამსახურებული ხალხი. ამ ყველაფერს ორგანიზაციას თავობდა ერთი რომელიმე ავტორიტეტული და შეძლებული კაცი, რომელსაც “ჩოხის შემნახველსაც” უწოდებდნენ. აუცილებელი არ იყო, რომ მას აქედან ფულადი გამორჩენა ენახა, პირიქით - იყვნენ ისეთები, რომლებიც იქეთ იხარტებოდნენ გვარიანად კარგი ჭიდაობის ჩასატარებლად. დამთავრების მერე კი მიდიოდა „პურის ჭამა“ და დილაზე ქეიფი. ასეთი ავტორიტეტული პიროვნება იყო იმ ხანად, მაგალითად, დიდვაჭარი ზურაბ ჩოფურაშვილი, ასევე დუქნების მფლობელი გოლა ლეჟავა (ბაბაჭუა).

თბილისის თითქმის ყველა უბანში არსებობდა საჭიდაო არენა, ასევე იყო სხვა დიდ ქალაქებშიც: მცხეთაში, გორში, თელავში, ქუთაისში, ბათუმში, ფოთსა და სხვაში. თბილისში განსაკუთრებით პრესტიჟული არენები იყო დიდუბეში ეკლესიასთან - “კნიაზების კრუგი”, მუშტაიდთან - “იტალიელების ბაღი”, ვერაზე - “ფიქრის გორა”, კარგი ჭიდაობები იმართებოდა ასევე იმდროინდელ „პლუხანოვზე“, ავლაბარში, ხუდადოვზე, ორთაჭალაში, ელიაზე, ნაძალადევში და ა. შ. ვინაიდან მაცურებელი, გულშემატკივა-

რი სულ უფრო და უფრო ემატებოდა ქართულ ჭიდაობას, გაჩნდა მოთხოვნა უფრო მაშტაბური, მეტად კეთილმოწყობილი არენების აშენებისა. ამ პერიოდში აშენდა “სეზონური ცირკის” შენობა რუსთაველზე, პირველი პრიმიტიული ცირკის მსგავსი არენა ააშენა ვინმე ეფიმოვმა (1908 წელს) დღევანდელი “კიდობნის” ბაზრობად წოდებულ ადგილას ბორის ჰაიჭაძის სახელობის სტადიონთან, ვინმე ესიკოვსკიმ ყოფილი ვერის დაღმართზე, დღევანდელი ელბაქიძეზე ააგო ცირკის შენობა (1913 წელს). ხალხი კვირიდან კვირამდე უქმეებს სულმოუთქმელად ელოდებოდა, რათა ქართული ჭიდაობა ეხილა. სანახაობის გარდა აქ იყო ქალაქური ჯანსაღი ურთიერთობები, ხოლო თავად ჭიდაობები უმაღლესი კლასისა და რანგისა. როგორც დღეს ფეხბურთელებზე - მესისა და რონალდოზე მსჯელობენ და კამათობენ ახალგაზრდები, მაშინ ყმაწვილი თუ მხცოვანი მხოლოდ იმაზე საუბრობდა, სად, რომელ საჭიდაოზე წასულიყო უკეთესი ჭიდაობის საცქერლად და კულამ უფრო კარგი გარეკაური იცის თუ შაშომო, ან მიტრო უკეთეს ბრუნს აკეთებს თუ დათამ უკეთესი იცოდაო. ერთი სიტყვით იმ ხანად თბილისში ქართული ჭიდაობა სახალხო ზეიმად იქცა!



შუაში დგას სანდრო კანდელაკი, მარჯვნივ ზის შაშო ვერელი.



შუაში საჭიდაო ჩოხებით გოგლა რამაზაშვილი, ლადო გარაყანიძე

## იმ დროის გამოჩენილი ფალავნები, ისტორიები.

თბილისი გახდა კავკასიის რეგიონის საჭიდაო დედაქალაქი და ქართველი ფალავნების გვერდიგვერდ უცხო ქვეყნის ბევრი სახელმოხვეჭილი ფალავანი, ე. წ. “გასტროლიორიც”, ჩამოდიოდა საჭიდაოდ: პეტერსონი, შავი ნილაბი, პავლოვი, ვასილ სკონკა, იანოშ ნაჭი, ამინ ჩაფალოვი, წითელი ნილაბი და ბევრი სხვა იმ დროის თავგამოჩენილი ფალავანი. ქართველთაგან კი იმ დროს თბილისში პირველი დათა ხიზანბარელი გახდა ყველაზე პოპულარული და უძლეველი ფალავნის სახელი გაითქვა.

## დათა ხიზანბარელი

დათა ხიზანბარელი დაიბადა კასპის რაიონ სოფელ ნოსტეში (1848-1873 წწ.), ხიზანბარელს რკინასავით ძლიერი დაკუნთული სხეული ჰქონდა, იყო საშუალო ტანისა, წელში მოხრილი, მოკლე კიდურებით. გამოირჩეოდა ქართული ილეთების მდიდარი არსენალითა და მათი განსაკუთრებული სილამაზით შესრულებით, განსაკუთრებით ჰყვარებია “ზეზელა კისრული”. ჭიდაობას არასდროს არავისთან თაკილობდა, არენაზე გააფთრებული გამოვარდნა ჰყვარებია თურმე, რაც მაყურებელს ძალიან მოსწონდა. დათაზე თხზავდნენ ლექსებს, პორტრეტებს ხატავდნენ მხატვრები, პიესას კი მიუძღვნეს. სრულიად ახალგაზრდამ მოიხვეჭა სახელი და ხალხის სიყვარული და ახალგაზრდა ასაკშივე წავიდა სააქაოდან.

ერთნი იძახდნენ ლოთობამ გადაიყოლაო, ზოგნიც სხვა ვერსიებს ამ-

ბობდნენ. მისი გარდაცვალების ასეთი ტრაგიკული ისტორიაც არსებობს. ერთ-ერთ დღესასწაულზე ქართულ ჭიდაობასთან ერთად სხვა შეჯიბრებებიც ყოფილა. მას მერე, რაც ჭიდაობაში ყველა დაუმარცხებია, მისულა იქ, სადაც ცხენი თამაშდებოდა. რაში იმის ხვედრი იყო, ვინც უნაგირს ზემოდან უმძიმეს ლოდს გადასტყორცნიდა. ცხენის მსურველი მრავლად ყოფილა, მაგრამ ამოცანის შემსრულებელი - ვერავინ. მისულა ჭიდაობით დაღლილ დაქანცული დათა, დასჭიდებია უზარმაზარ ლოდს გაჭირვებით, მაგრამ მაინც გადაუგდია თურმე ცხენს ზემოდან. ულამაზესი ცხენი ყოფილა, გახარებული ფალავანი მყისვე შემოახტა ნადავლს და შინისკენ გააქენა, მშობელ დედას გავახარებ პრიზითა და გამარჯვებითო. მისულა, დედას ჩახუტებია, თავისი ამბავი უცნობებია და იქვე ჩაკეცილა, სული განუტევა თურმე. ასე ტრაგიკულად ძალიან ახალგაზრდა ასაკში წავიდა სამხედროდან და მიებარა უფალს, თორემ ვინ მოთვლის, რამდენ უძლეველ ფალავანს გაამწარებდა საჭიდაო არენაზე პროფესიით მეტივე სოფელ ნოსტედან - დათა ხიზანბარელი. დათას მთელი საქართველო იცნობდა და პატივს სცემდა, როგორც უძლეველ ფალავანს, უბრალოებით გამორჩეულ კაცურ კაცსა და კეთილ ადამიანს.

“მწარედ მოსთქვამდა ნიკალა,

რომ არ გააჩნდა მფარველი,

გამოდოდა გრიგალად

მხარგრძელი ხიზანბარელი”,

**- აკადემიკოსი გიორგი (გოგლა) ლეონიძე.**

რაც შეეხება სხვა ფალავნებსა და საფალავნო ისტორიებს, სამწუხაროდ ყველაზე ვერ მოვყვებით, იმდენად მრავლად იყვნენ, მაგრამ იმათზე უნდა ვთქვათ, რომლებიც ყველაზე პოპულარულნი იყვნენ ამ პერიოდში. ბევრმა მათგანმა მწვრთნელობაც გააგრძელა, საკუთარი საჭიდაო წრე (“კრუგი”) ჩამოაყალიბა, ასე უწოდებდნენ მაშინ საჭიდაო სკოლებს. ამ მხრივ რჩეულთა შორის რჩეული იყო კულა გლდანელი (ყირიმელაშვილი).

## კულა გლდანელი

კულა ყირიმელაშვილი დაიბადა 1885 წელს სოფელ გლდანში, ღარიბი გლეხის ოჯახში. იგი გახლდათ იმ დროში ყველაზე ავტორიტეტული სათაყვანებელი ფალავანი. კარგა ხანს ასპარეზობდა და უამრავი ბრძოლა აქვს ჩატარებული, თითქმის არ დარჩენილა იმ დროის ცნობილ ფალავანთა შორის შინ თუ გარეთ ვინმე, ვისაც კულა არ შერკინებია. იგი იყო, შეიძლება ეს სიტყვა ვიხმართ, პირველი “პროფესიონალი” მოჭიდავე. ორთაბრძოლების უდიდეს ნაწილში, რალა თქმა უნდა, გამარჯვებული გამოდოდა. საკუთარი, ყველასგან განსხვავებული რიტუალი ჰქონია არენაზე გამოსვლისა, ჭიდაობის დაწყებისას თავისებურად ხტოდა არენაზე, ეს “საფირმო” გამოსვლა მაყურებელს დიდად ხიბლავდა თურმე. ასევე, უშუალოდ ჭიდაობის დროსაც გარკვეულწილად “შოუს”, სანახაობას დგამდა, მაგალითისთვის ერთი-ორი ორთაბრძოლის გახსენება ღირს.

1906 წელს ბაქოში კულა, დაბლიშვილი და ოდიშვილი მიუწვევია იქაურ

მილიონერ თიგიევს, რომელსაც თავის “ჯილა” ფალავანი - “ხუშტურ-ბეგი” გამოუყვანია კულასთან საბრძოლველად. თიგიევს კარგად სცოდნია კულას შესაძლებლობები და შერკინებამდე შუაკაცის მეშვეობით 50 თუმანი შეუძღვევიათ დანებების სანაცვლოდ. კულას ცივი უარი უთქვამს. დიდი ვნებათაღელვა ყოფილა თურმე ამ ჭიდაობის დროს დარბაზში. ქალაქი ბაქოს “თავი” თბილისელი თავადი ნაკაშიძე ყოფილა იმ ხანად. ძლივს დაუშოშმინებია ეგზალტირებული მაყურებელი ნაკაშიძეს, მაშინდელი ჟანდარმის “პლასტუნების” მეშვეობით. ხმამაღლა განუცხადებია, რომელი გულშემატკივრის მხრიდანაც იარაღის ხმას გავიგონებ, იმ მხარეს საპასუხო ზალპს მივცემო. ბეჭდაუდებელი ფალავნის იმიჯის მქონე ხუშტურ-ბეგსაც თავისებური ჭიდაობის სტილი ჰქონია, არენაზე ნაბიჯ-ნაბიჯ კი არ გადაადგილდებოდა, არამედ ხტუნვა-ხტუნვით ინაცვლებდა ადგილმდებარეობას. კულაც აყოლია კუნტრუშში მეტოქეს, ოღონდ ეგ იყო უკან-უკან იხევდა თავადაც ხტუნვა-ხტუნვით. ქალაქის თავ ნაკაშიძეს იმედი დაუკარგავს, შეშინდაო, უფიქრია და ხმამაღლა შემოუძახებია ქართულად: “კულავ საქართველოს სახელი არ შეარცხვინო”. კულას უპასუხია: “ნუ გეშინიან, კნიაზკან, ზედ ფეხებთან უნდა დაგიხეთქო”. მართლაც, სადაც ნაკაშიძე მჯდარა, საპატიო ადგილას, იქვე ისხდნენ თიგიევიცა და მთელი ბაქოს მაშინდელი ნაღები საზოგადოება, ხუშტურ-ბეგის “ფან-კლუბი”, ზუსტად მათკენ შეტყუებულ ხუშტურ-ბეგს მოულოდნელი ზეზელა კისრული “აჯახა” და ზედ იმათ ფეხებთან დაანწყობა ისე, რომ წამოდგომაც კი ძლივს მოახერხა ბეჭებით დანარცხებულმა ამ ახოვანმა, ახმახმა, დევივით კაცმა ხუშტურ-ბეგმა.


ნიშანდობლივია ისიც, რომ 1909 წელს ბაქოს ცირკში ჩაატარეს “ქართული ჭიდაობა”, რადგან “ფრანგული” ისეთ შემოსავალს ვერ იძლეოდა თურმე. კულას ასეთივე დღეში ჩაუგდია სპარსეთიდან სპეციალურად მოწვეული ასევე ბაქოელი მილიონერების მიერ, უძღვევლი ფალავანი მურშუდი, რომელსაც, პატივისცემის ნიშნად ბაქოელები სასულე ორკესტრის თანხლებით დახვედრიან და ასე “ცამპა-ცუმპათი” მოუცილებიათ საჭიდაო არენამდე. ისიც კულასთან დასაჭიდებლად გამოიყვანეს და კულასვე სალუკმო გახდა. “კულა ერთი დატრიალდა და ეს ამოდენა დევივით კაცი ჰაერში ჩალის კონასავით ატრიალა და ზუსტად იქ გაადენინა ზღართანი, სადაც მისი დამქაშები ისხდნენო”, -იგონებდა თვითმხილველი, ჭიდაობის მედოლე, გარუნ თბილელი, -“ამ მომენტში მეც დოღს გამეტებით დავცხეო”. ამასვე წერს თავის წიგნში ალექსი ბარნოვი.

კულა გლდანელზე სხვა უამრავი თვალსასეირო ინფორმაცია არსებობს, ამდენი არცერთ იმდროინდელ ფალავანზე არ თქმულა და დაწერილა, ლექსი და სიმღერაც მრავალი მიუძღვნიათ, რომლებიც დღესაც შემოგვრჩა, მასზე ცალკე წიგნიც კი შეიძლება დაიწეროს. ერთი კი აუცილებლად უნდა ითქვას, რომ ამ თავის ნაშრომ, ნაოფლარ ფულს კულა გლდანელი აქტიურად ხარჯავდა ქველმოქმედებაში, ჭიდაობის განვითარებაში. მან გახსნა პირველი საჭიდაო წრე, სკოლა-“კრუგი”, რომელშიც არაერთი კარგი მოჭიდავე გამოზარდა. მართო ის ისტორია რად ღირს, როდესაც თავის კარგი მეგობრისთვის, დიდი ვაჟა-ფშაველასთვის გრანდიოზული ჭიდაობა მოაწყო თიანეთში, მრავალი უძლიერესი ფალავანი ჩამოიყვანა, როგორც ქართველი, ასევე უცხოელი, სოლიდური თანხა ააგროვა და

მთლიანად ვაჟას გადასცა, რათა მთის მგოსანს სწავლა გაეგრძელებინა პეტერბურგში. ქართველ ხალხს მისი ამაგი ქართული სპორტის განვითარებასა და საზოგადოებრივ მოღვაწეობაში სათანადოდ დაუფასებია და 1925 წ. თბილისში, ესიკოვსკის ცირკში დიდი იუბილე გადაუხადა უსაყვარლეს ფალავანს!

“ფალავნების ბაირახტარს  
გმირთა ქუდი თავს ეხურა,  
ნახევარი საუკუნე საქართველოს ემსახურა.”

**იეთიმ გურტი – კულა გლდანელი.**



კულა გლდანელი

## ნესტორ ესებუა

ნესტორ ესებუა დაიბადა 1886 წ. სოფელ სორტაში, სენაკის რაიონში. იგიც ღარიბი ოჯახიდან გამოსული იყო, სიღარიბის გამო მიატოვა სკოლა და სარჩო-საბადებლის საძიებლად ბათუმში გადავიდა, სადაც “როგშილდცის” ქარხანაში მტვირთავად მუშაობდა. აღნაგობით მაღალი, ხმელ-ხმელი, ძალიან მარდი და სწრაფი. არ ჰქონდა მაინდამინც მოჭიდავის ტანი. თუმცა ძლიერი ჯანით გამოირჩეოდა, მისი კობირი ძირითადად მაინც ტექნიკა გახლდათ. უზადოდ ფლობდა „ჩოქელა კისრულს“, უყვარდა „სარმა“ და „გარეკაური“. სწრაფი პოპულარობა მას სწორედ კულა გლდანელის ძლევამ მოუტანა, რომელიც ბათუმში დაიწყო 1885 წელს და წელიწად-ნახევრის განმავლობაში რამდენიმე რაუნდად გაგრძელდა. მათი საბოლოო და ყველაზე რეზონანსული შეხვედრა 1886 წლის 1 აგვისტოს გამართულა “იტალიელების ბაღში”, ორთაბრძოლის ერთ-ერთი ინიციატორი თავად ილია ქავჭავაძე ყოფილა. ამ შერკინებაზე საუბრობდა დიდიან-პატარიანად ყველა მთელ საქართველოში. აკაკი წერეთელმა ამ ორთაბრძოლას პოემა “საჭიდაო” მიუძღვნა. გაზეთ “დროებაში” ორთაბრძოლა დეტალურად იყო აღწერილი.

პირველი კულა დაწინაურებულა, კარგი კისრული შეუსრულებია, მეორეც კისრული აგემა კიდევ უფრო უკეთესად შესრულებული, მაგრამ ნესტორი არ შეეპუა და გარეკაურით ორივე ბეჭზე დასცა თურმე კულა გლდანელი. მიუხედავად მრავალჯერ მეტოქეობისა არენაზე, ცხოვრებაში ეს ორი მაშინდელი ყველაზე თვალსაჩინო ფალავანი ერთმანეთს პატივს სცემდა და მეგობრობდა. როგორც კულა და სხვა ძლიერი ქართველი ფალავნები, ნესტორ ესებუაც დადიოდა უცხოეთში სხვადასხვა ტურნირებზე, მათგან ყველაზე პრესტიჟული საფრანგეთში მოუგია, რომელშიც 300-მდე უძლიერესი ფალავანი ასპარეზობდა მსოფლიოს სხვადასხვა ქვეყნიდან, ნესტორს 10 შეხვედრაში დამაჯერებლად გაუმარჯვია და სახლში სოლიდური ფულადი ჯილდოთი და ოქროს ქამრით დამშვენებული ჩამოსულა.

ნესტორ ესებუამ აქტიური სპორტიდან წასვლამდე სამწვრთნელო საქმიანობასაც მიჰყო ხელი, მანაც კულას მსგავსად საჭიდაო წრე გახსნა თბილისში, რომელსაც სახელად „სამეგრელო“ დაარქვა. ესებუა ატარებდა ჭიდაობებს სხვადასხვა ქალაქებში: ჭიათურაში, ქუთაისში, ზესტაფონში, სენაკში. ეს განსაკუთრებით ნიშანდობლივია და დიდია მისი ღვაწლი



ნესტორ ესებუა

დასავლეთ საქართველოს ქალაქებში ქართული ჭიდაობის პოპულარიზაციაში. მოგეხსენებათ, არა თუ იმ დროს, დღესაც ნაკლებ პოპულარულია ქართული ჭიდაობა დასავლეთ საქართველოს ზოგიერთ კუთხეში, მით უფრო აღმოსავლეთის ქალაქებთან და რაიონულ ცენტრებთან შედარებით.

ნესტორ ესებუაც გამოირჩეოდა ქველმოქმედებით, ჭიდაობიდან შემოსული თანხით მშობლიურ სოფელში საგანმანათლებლო სკოლაც აუშენებია. თავის სოფელთან ახლოს, სოფელ ახალ სენაკში ააგო კეთილმოწყობილი საჭიდაო არენაც. ძალიან ახლოს მეგობრობდნენ თურმე ნესტორი და უძლიერესი ქართველი ფალავანი კოსტა მაისურაძე (რაჭველი რკინისმკვნიტელი), კოსტას გრანდიოზული იუბილეც ესებუას სწორედ ამ არენაზე ჩაუტარებია. სახელოვანი ფალავანი მუდმივად აფინანსებდა წითელი ჯვრის საერთაშორისო ორგანიზაციას. ჭიდაობიდან შემოსული თანხით ეხმარებოდა შეჭირვებულ ქართველ სტუდენტებს. ნესტორ ესებუა გარდაიცვალა 1931

წელს ტრაგიკული შემთხვევის შედეგად მიღებული ტრამვის გამო 67 წლის ასაკში. მისი ანდერძის თანახმად, დაკრძალეს მშობლიურ სოფელ სორტაში დიდი პატივით.

“ეს ქუთაისში შეიტყვეს, შუბლში იტკლიცეს ხელია, ნუთუ ქართლსა და კახეთსა ვაუკაცი შემოელია, აქ რალაც ცბიერობაა უთუოდ საეჭველია. უნდა უშველოთ როგორმე, თუ სადმე მისაშველია. როგორ თუ მთელი ქვეყანა მან ასე აიბუაო? მოდი, გავგზავნოთ აქედან მეგრელი ესებუაო.”

- აკაკი წერეთელი, 1888წ.

## იაკობ ეგნატაშვილი

ზოგადად ნებისმიერ სფეროში და ასევე სპორტშიც ტრადიციას უდიდესი ძალა გააჩნია და დღეს თუ ქალაქ გორს ჭიდაობის “მექას” უწოდებენ, ეს სწორედ იმ ტრადიციის გაგრძელებაა, რომელის ფუნდამენტის ერთ-ერთი ჩამყრელი და არქიტექტორი იაკობ ეგნატაშვილი და მისი გვარი გახლავთ.

სპორტული ტრადიციის სიძლიერებზე ერთ მაგალითს მოვიყვან საილუსტრაციოდ, როდესაც ქალბატონმა ნონა გაფრინდაშვილმა ჭადრაკში მსოფლიო პირველობა პირველად მოიგო 1962 წელს, მას შემდეგ თითქმის ყველა ქართულ ოჯახში ჭადრაკის დაფა აუცილებელი ატრიბუტად იქცა. ტრადიციაც კი დაწესდა, როდესაც ქართველი ქალი თხოვდებოდა, მზითვად „ვეფხისტყაოსანთან“ ერთად აუცილებლად ჭადრაკსაც ატანდნენ. ნონა გაფრინდაშვილმა კიდევ ოთხჯერ მოახერხა მსოფლიოს ჩემპიონის ტიტულის დაცვა, მისი მიზანძვით მთელ საქართველოში ჭადრაკის ბუმი შეიქმნა და მას შემდეგაც ქართველმა ქალებმა გააგრძელეს მსოფლიო საჭადრაკო ჰეგემონია და ასეა დღემდეც. აკი მეოთხედი საუკუნის მანძილზე ჭადრაკის დედოფლის მსოფლიო გვირგვინს ქართველები არავის ვუთმობდით!

ახლა დავგუბრუნდეთ იაკობ ეგნატაშვილს და გორელ ფალავნებს. იაკობ ეგნატაშვილი ახოვანი, ჯანიანი, წარმოსადეგი, ვაჟკაცური აღნაგობის ბრვე კაცი იყო სოფელი რუისიდან (დღეს ეს სოფელი ქარელის რაიონს ეკუთვნის, თუმცა მაშინ გორის მაზრაში შედიოდა). მწერალი და საზოგადო მოღვაწე ანტონ ფურცელაძე წერდა: “იაკობს მკლავი მუხის ტოტს მიუგავს, ცერი კიდე მაჭას”.

იაკობ ეგნატაშვილი ყოფილა ქართულ ჭიდაობაზე უზომოდ შეყვარებული, მისი ყველა წვრილმანი ნიუანსის, ყველა ხერხის უზადოდ მცოდნე და დროულად გამომყენებელი. როგორც ნესტორ ესებუასი, მისი ყველაზე შთამბეჭდავი, რეზონანსული ორთაბრძოლაც სწორედ კულა გლდანელთან გამართულა 1882 წელს. მან მოახერხა პირველმა ბეჭდაუდებელი კულას მუხლზე წაჩოქება. იაკობი ბრძოლის დაწყებისთანავე დაწინაურებულა და რამდენჯერმე დაუცია თურმე გლდანელი. მართალია, ბევრი ძლიერი ფალავანი ჰყოლია დამარცხებული, თუმცა მხოლოდ უძლეველი ფალავნის სახელის მქონეებს ეჭიდებოდა, ამიტომ იშვიათად გამოდიოდა თურმე არენაზე საბრძოლველად. თავიდან მეტოქეებს თავის ძმებს დააჭიდებდა, რომლებიც ასევე ძალიან კარგი, ცნობილი ქართულის ოსტატები ყოფილან: უფროსი - ზაქარია, მომდევნონი - მიხაკა, იაკობი, იასე და კიკა. ესენი ყველანი კარგი მოკრივენიც ყოფილან თავის მხრივ. თუ რომელიმე მათგანს ჭიდილში ვინმე დაამარცხებდა, მხოლოდ მერეღა გადიოდა საჭიდაოდ იაკობი და თითქმის ყოველთვის გამარჯვებული ტოვებდა არენას.

იაკობ ეგნატაშვილი გარდაიცვალა 1930 წელს თბილისში და ანდერძის თანახმად მშობლიურ გორში დაუკრძალავთ დიდი პატივისცემით. იაკობის ვაჟი ალექსანდრე (საშა) ეგნატაშვილიც კარგი მოჭიდავე ყოფილა, მამამისივით ახოვანი და ძლიერი. მოსკოვში სწავლობდა და ცხოვრობ-

და, ამიტომ ქართულს თავისთავად იქ ვერ იჭიდავებდა. ზოგადად, უნდა აღინიშნოს, რომ გნებავთ ზემოთ ჩამოთვლილი ფალავნებისა, გნებავთ ქვემოთ ჩამოსათვლელის, საჭიდაო “აკვანი” ქართული ჭიდაობა გახლდათ, თუმცა, ვინც საერთაშორისო ასპარეზზე გაითქვა სახელი, ისინი, რაღა თქმა უნდა, ფრანგულში ან სხვა რომელიმე სახეობაში ჭიდაობდნენ, თუმცა მათი გამარჯვების საწინდარი ჩვენი საუნჯე - “ქართული ჭიდაობა” გახლდათ. სწორედ “ფრანგულ”, დღევანდელ ბერძნულ-რომაულ ჭიდაობაში არაერთი იმდროინდელი განთქმული ფალავანი ჰყოლია დამარცხებული რუსეთში საშა ეგნატაშვილს.

იმ პერიოდის გამორჩეული, სახელგანთქმული გორელი ფალავანი ყოფილა გიორგი მჭედელი, რომელზეც ამბობდნენ, არსენა ოძელაშვილის ტოლ-სწორი ჭიდაობაში მხოლოდ იგი იყო. ასევე ლუკა დადიანიძე, როგორც ფალავანი ისე წარმატებული მწვრთნელიც ყოფილა.

გორის რაიონის უკლებლივ ყველა სოფელში ნახერხმოყრილ არენებზე სისტემატიურად იმართებოდა ქათული ჭიდაობები, ასევე გორის “ახალ ბაღში” საჭიდაო არენაზე უმაღლესი კლასის ჭიდაობები ტარდებოდა ყოველ უქმეებზე, რომლებიც მეორე მსოფლიო ომის დროსაც კი არ შეწყვეტილა. ამ შეჯიბრებებში, რა თქმა უნდა, მხოლოდ მოზარდები და ქარმაგი მოჭიდავენი ერკინებოდნენ ერთმანეთს. სწორედ მაგ საჭიდაოზე გამართულ ასპარეზობას წააწყდნენ ამერიკელები შემთხვევით - მწერალი ნობელის პრემიის ლაურიატი ჯონ სტეინბეკი და ფოტოხელოვანი რობერტ კაპა. მწერალს საკმაოდ პროფესიონალურად აქვს გადმოცემული თავის წიგნში ქართული ჭიდაობის ორთაბრძოლა და აღფრთოვანებული წერს ქართველებზე: “ისინი ცხოვრობენ განგებისგან ბოძებულ მიწაზე, რომლისთვისაც, სავსებით ცხადია, უნდა ებრძოლათ ორი ათასი წლის განმავლობაში”. რობერტ კაპამაც გორის ბაღში ჭიდაობის ამსახველი რამოდენიმე ფოტო გადაიღო, რომლებიც საკუთარ გამოცემულ ალბომში უკვდავყო. ქართული ჭიდაობის მრავალი ძველი ოსტატის გვარი შემოგვრჩა გორიდან: ვასილ ღონღაძე, ვახტანგ ნასყიდაშვილი, იასონ ტიელაძე, გიგუცა შავარდენიძე, ალექსანდრე შახნაზაროვი, იაკობ მდინარაძე, ვანო ტლაშაძე, კულა გოგლიძე, არტაშ მიხანაშვილი, გიორგი ღვინიაშვილი, ვასო გოგლიძე, მიხა ხახუტაშვილი, გიგუცა კალატოზი, ლექსო ბუთხუზი, შაქრო წიწკაშვილი, ანზორ ბაბერაშვილი, მენა სვენელი, მიხეილ და იასონ ბერელაშვილები, სანდრო ნაკაშაშვილი, გოგია და ვანო გურასპაშვილები, ალექსი კაპანაძე, კოტე ქარსელაძე, გიგო მსუქნიშვილი, ვახტანგ სიმონიშვილი, გიორგი დოთიაშვილი, არჩილ იასაშვილი, ირაკლი ოქროპირიძე, რუბენ ჯანეზაშვილი, მორდეს მამისტვალოვი, შაქრო მერაბაშვილი, სოგრბა ტატიაშვილი, მიხაკო გორელი, საბა გუნდიშვილი, შურა სამადალაშვილი, ოთარ აბუაშვილი, გოგი ლოცულაშვილი, აბრამ წკრიალაშვილი.

მათ ნაკვალევზე უამრავი მარგალიტი წამოიზარდა ოლიმპიური, მსოფლიო, ევროპის, საბჭოთა კავშირის ჩემპიონ-პრიზიორები. სიამაყით მევსება დღეს გული, როდესაც გორში მიწვეს ჩასვლა და გნებავთ ძიუდოს, გნებავთ თავისუფალი სტილით მოჭიდავეთა დარბაზში ცოცხალ რიგს წავაწყდები ხოლმე, მრავალი უცხო ქვეყნის ნაკრებისას. ჩვენს ბიჭებთან სასპარინგოდ, ოსტატობის დასახვეწად ჩამოსულნი როგორ ელოდებიან

ერთმანეთს ქართველ ფალავნებთან დასაჭიდებლად. რომელი ქვეყნის საჭიდაო ნაკრებს არ შეხვდება კაცი გორის საჭიდაო დარბაზებში, ოკეანისგალმა აშშ-ს ნაკრებსა თუ რომელიმე კლუბს, გინდ მეზობელი აღმოსავლეთ ევროპიდან, გინდ დასავლეთ ევროპის ქვეყნების ნაკრებს, ან თუნდაც ისეთი ქვეყნის წარმომადგენლებს, როგორც შორეული ინდოეთია, ან ახლო აღმოსავლეთის რომელიმე ქვეყნის გუნდს.

შედარებით ნაკლები მაშტაბისა, მაგრამ კარგი რიგიანი ჭიდაობები ტარდებოდა საქართველოს თითქმის ყველა ქალაქსა და რეგიონში: თელავში, ქუთაისში, ბათუმში, ფოთში, სამტრედიში, სენაკში, ზუგდიდში, ზესტაფონში, მცხეთაში, კასპში, თიანეთში, ახმეტასა და ა. შ. ჩვენ ამ წიგნში სურვილის მიუხედავად ყველა იმ დროის გამოჩენილ ფალავანზე ცალკე თავად ვერ გიამბობთ, სამწუხაროდ, რამეთუ მეტი წილი მათგანის ისტორია დაკარგულია ან რთულად მოსაძიებელი. ამიტომ მათი მხოლოდ მცირე ნაწილით შემოვიფარგლებით, ნაწილისა კი გვარ-სახელების ხსენებით.

დედაქალაქის საჭიდაო არენებზე თბილისელებთან ერთად სხვადასხვა თემიდან თუ ქალაქიდან ჩამოსული ისეთი ქართული ჭიდაობის დიდოსტატები გამოდიოდნენ, როგორებიც იყვნენ: დათა ხიზანბარელი, კულა გლდანელი, კოსტა მაისურაძე, შაშო ვერელი, მიხა ქურხული, ვანო ქიზიყელი, სანდრო კანდელაკი, გოგლა ლამისყანელი, პატარა ხანდაკელი, გიორგი ჭიბგირი, ათოლა გლდანელი, იაკობ ეგნატაშვილი, გიორგი ვერელი, ნესტორ ესებუა, ყვანყვალა ვეძისელი, კოლია ქვარიანი, სულხან დალაქი, პოხრო აფთარი, სოლომონ დალაქიშვილი, სარქისა ავლაბრელი, გიორგი დოთიაშვილი, ლევან დიღმელი, გიორგი ოდიშვილი, იოსებ მეჭვრისხეველი, მიხა ნახალოვკელი, კოტე და ვასო ცალქალამანიძეები, ნიკო თილაშვილი, მიშა გძელური, პატარა მთაწმინდელი, იოსებ ჭიჭიაშვილი, ხუნწა ფშაველი, ამბროსი



ძმები ეგნატაშვილები  
გორელი ფალავნები

გაგნიძე, პეტრე მარღანიძე, ვანო მედელაური, დათა რუსიშვილი, ყასაბი მიტრო, გიგოლა თებელი, ნიკა მეტეხელი, თედო წილკნელი, პატარა ნასიბოვი, ვასო კანდელაკი, ნიკოლა დაბლიშვილი, თედო დიდლილოელი, თომა მეტეხელი, გაიოზ კახელი, ბენინა მთიელი, იოსებ ცერაძე, ლოხოშა, ჭიანჭუა, კუნძუა, ქორია, ყოჩინიკუა, გიჟ-ვანუა, კურკა თუ ვინ მოსთვლის კიდევ რამდენი ღირსეული ვაჟკაცი. ბევრი ქართული ჭიდაობის ოსტატის სახელი ისტორიამ საერთოდ არ შემოგვინახა, თუმცაღა დიდი პატივითა და მოკრძალებით ქედს ვიხრი მათი ნათელი სულის წინაშე. ერთი რამ კი ცხადია, რომ სწორედ მათმა ჭიდაობამ ხშირ შემთხვევაში ულამაზესმა ქარ-

თულმა სტილმა, ფანდებმა და ილეთებმა, მათივე მოგონილმა ხერხებმა, არენაზე რაინდულმა საქციელმა მისცა უდიდესი ბიძგი ჩვენი ეროვნული საუნჯის, ქართული ხალხური ჭიდაობის დახვეწასა და წინსვლა-განვითარებას.



1946 წელი. გორის ბაღი, ქართული ჭიდაობა.  
ამერიკელი ფოტოგრაფის რობერტ კაპას მიერ გადაღებული ფოტო

## “ქართული ჭიდაობის სრულყოფა-განვითარება”

უპირველესი ოფიციალური სკოლები, წრეები, როგორც ზემოთ მოგახსენეთ, სახელოვანმა ფალავნებმა გახსნეს თბილისსა და სხვა ქალაქებში, თუმცა საჭიროება უფრო მეტისა იყო და ჯერ კიდევ დამოუკიდებლობის იმ მცირეხნიან პერიოდში (1918-1921 წწ.), სპორტ-საზოგადოება “შევარდენი” შეიქმნა და მის ბაზაზე 1921 წელს გაიხსნა პირველი ოფიციალური სექცია ქართულ ჭიდაობაში. შემდეგ იყო მცირე პაუზა გასაგებ მიზეზთა გამო (ოქტომბრის რევოლუცია) და 1925 წელს დაიწყო საფუძვლიანი ზრუნვა ქართულ ჭიდაობაზე, კერძოდ ვანო გლდანელის(წამალაშვილი), ამბროსი გაგნიძისა და მათი თანამოზრეების მიერ შემუშავდა სხვადასხვა რეგულაციები, მაგალითად, დროის რეგლამენტი, მსაჯების ინსტიტუტის ჩამოყალიბება, წონით კატეგორიებად დაყოფა – რომელთა ნაწილიც დღევანდელი გადასახედიდან ცოტაოდენ ირონიულადაც კი ჟღერს: ბუზის წონა, მამლის წონა, ფრთის წონა, მსუბუქი წონა, ნახევრად საშუალო, საშუალო წონა, ნახევრად მძიმე წონა.

ქართული ჭიდაობის განვითარებაში ძალიან ბევრი ავტორიტეტული მეცნიერი ისეთი ენთუზიაზმით ჩაერთო, რომ შეიძლება ვივარაუდოთ, თითქოს სუვერენიტეტისა და დამოუკიდებლობის დაკარგვით მიყენებული სულიერი ზიანის კომპერსირებას სწორედ ამ ეროვნული საქმის კეთებაში ინაზღაურებდნენ. 1928 წელს საქართველოს “გასაბჭოების რესპუბლიკურ

დღესასწაულზე” გასამართ ღონისძიებათა პროგრამაში შეატანინეს “ქართული ჭიდაობა”, სწორედ აქედან იღებს სათავეს “საქართველოს აბსოლუტური ფალავნობა” (ფალავნობაზე და ფალავნებზე ცალკე თავში ვისაუბროთ).



სანდრო კანდელაკი, ვანო წამალაშვილი

მიუხედავად კომუნისტური უკეთურებისა და ბოროტმოქმედი რეჟიმისა, კონკრეტულად სპორტსა და მის ხელშეწყობა-განვითარებაში, ვთვლი, რომ კომუნისტურ სისტემას ბადალი არ ჰყავდა. კომუნისტების ორიენტირი, აქცენტი სპორტში მიმართული იყო მასობრიობაზე და რაც მთავარია, იყო ყველასათვის ხელმისაწვდომი ანუ აბსოლუტურად უფასო. ამ მასობრიობამ, რა თქმა უნდა, მალევე დიდი შედეგი გამოიღო, როგორც კი გამონდენ მაშინდელი საკავშირო სპორტსმენები საერთაშორისო ასპარეზზე, განსაკუთრებით პირველად ოლიმპიურ თამაშებზე (ჰელსინკი, 1952 წ), მას მერე პირველობა არ დაუთმიათ (ერთი-ორი გამონაკლისის გარდა) საბჭოეთის ისტორიის არსებობის ბოლომდე. უფრო მეტიც, წარმოიდგინეთ, ხელოვნურად გახლეჩილი გერმანიის სოციალისტური ნაწილი (გდრ) ისეთ შედეგებს დებდა, რომ თვით აშშ-საც კი უსწრებდა ხანდახან, როდესაც დღეს ან უკვე გაერთიანებულ გერმანიას აროფიციალურ გუნდურ ჩათვლაში ოლიმპიადებზე ხუთეულში შესვლაც კი უჭირს.

გავანებოთ დროებით თავი ოლიმპიურ სტატისტიკას და ქართულ ჭიდაობას მივუბრუნდეთ. სწორედ ამ პერიოდში, ამ რეჟიმის დროს გაიფურჩქნა ქართული ჭიდაობა. მასზე პატრონაჟი, კონტროლი 1930-იანი წლებიდან ჩაებარა სპორტსაზოგადოება “კოლმეურნეს”, სწორედ ამ პერიოდში, რომელზეც ახლა ვსაუბრობთ, გნებავთ მთელი კომუნისტური რეჟიმის არსებობის დროს, ქართულმა ჭიდაობამ ძალიან დიდი პროგრესი განიცადა, ყველანაირი ხელშეწყობით სარგებლობდა. “კოლმეურნეს” ეგიდით

ტარდებოდა შეჯიბრები მთელი საქართველოს მაშტაბით, ყველა სოფელი, დაბა და ქალაქი ჩართული იყო ამ ტურნირებში. გამოიცა პირველი სახელმძღვანელო, თითოეულ სოფელში ინიშნებოდა ქართული ჭიდაობის მწვრთნელი და ინსტრუქტორი, გაიშალა სასელექციო მუშაობა და ა. შ. ყველაფერმა ამან და კომპეტენტური ხალხის წინამძღოლობით გატარებულმა სხვა ღონისძიებებმა ნაყოფი გამოიღო და ქართულმა ჭიდაობამ განვითარების ზენიტს მიაღწია.

ქართული ჭიდაობის თვითმყოფად სპორტის სახეობად ფორმირებაში განსაკუთრებული წვლილისთვის სამი პიროვნება მინდა გამოგარჩიო, რომლებმაც ტიტანური შრომა გასწიეს ჩვენი ეროვნული ჭიდაობის განვითარებაში. ესენი არიან: მიხეილ ხერხეულიძე, ილო თომაშვილი და სიმონ მაისურაძე.



სხედან: ზუკაკიშვილი, ელერდაშვილი, ნინაშვილი, იანგარაშვილი, მიშიკო მახაბელი, ბორია შაიჭაძე, დავით ციმაკურიძე



ვეტერანი ფალავნები



ფალავნობის ღვანღმოსილი სტუმრები

## მიხეილ ხერხეულიძე (1893-1958 წწ.)

მიხეილ ხერხეულიძე წარმოშობით სამაჩაბლოდან (დგვრისიდან) იყო, დაიბადა 1893 წელს თბილისში. 1915 წელს დაამთავრა თბილისის სათავადაზნაურო გიმნაზია და ამავე წელს ჩაირიცხა ტარტუს უნივერსიტეტის იურიდიულ ფაკულტეტზე. 1928 წლიდან მუშაობდა გორში იურისტად, სწორედ იქ დაუკავშირდა იგი ქართულ ჭიდაობას და მთელი ცხოვრება მიუძღვნა მას. იგი იყო მრავალმხრივ განათლებული ინტელექტუალი, სწორედ ასეთი ხალხის ნაკლებობას განიცდიდა მაშინ ქვეყანა და ნიშანდობლივია, რომ მან თავისი მრავალმხრივი ნიჭიერების უდიდესი ნაწილი სწორედ ქართულ ჭიდაობას შესწირა.



ხერხეულიძე აქტიურად მონაწილეობდა სპორტის ეროვნული სახეობების განვითარებაში, ასევე თარგმნიდა ლექსებს, აქტიურად იყო ჩაბმული თეატრალურ ცხოვრებაში. დიდა მისი ღვაწლი ქართულ ჭიდაობაში, განსაკუთრებით მსაჯობის კუთხით, ყველა დიდ ღონისძიებას ხომ თავად მსაჯობდა და ხელმძღვანელობდა, ასევე რეგულარულად ატარებდა მსაჯთა მოსამზადებელ სემინარებს, 300-მდე მსაჯი ჰყავს ქართული ჭიდაობისა მომზადებული. იყო მწვრთვნილი-სელექციონერი, აღზრდილი ჰყავს არაერთი მაშინდელი გამორჩენილი ქართულის მოჭიდავე, ეწეოდა ქართული ჭიდაობის პოპულარიზაციას, პერიოდ-

ულად ბეჭდავდა რეცენზიებს, როგორც ისტორიული ხასიათის ქართულ ჭიდაობაზე, ასევე ჭიდაობის წესებისა და მსაჯობის შესახებ. კონსერვატორულად უდგებოდა ქართულ ჭიდაობასთან დაკავშირებულ საკითხებს, მაგალითად, ამბობდა, რომ არანაირ საჭიროებას არ წარმოადგენს სხვა ჭიდაობის ილეთების, ელემენტების დამატება, ისედაც მდიდარია ჩვენი ეროვნული საუნჯე ამ კუთხით. ასევე დიდი დავა ჰქონია ქართული ჭიდაობის ჩოხის ფორმის შეცვლის მხარდამჭერებთან, რომლებმაც ნაწილობრივ მიაღწიეს კიდევ და შეცვალეს ჩოხა იმხანად, ინიციატორები მოითხოვდნენ, ქართულ ჩოხაზე მკლავების დაგრძელებას იმ მოტივით, რომ მიახლოვებოდა ჩვენი ეროვნული ჭიდაობა სამბოს, რათა გაადვილებოდათ ქართულის ოსტატებს საერთაშორისო სარბიელზე ასპარეზობა, ბატონი მიხეილი თვითმყოფადობის შენარჩუნების პრინციპიდან გამომდინარე და საბოლოოდ დაარწმუნა კიდევ ოპონენტები და ქართული ჭიდაობის ჩოხა უცვლელი დარჩა. იგი 30 წელი მოღვაწეობდა ქართული ჭიდაობის საბჭოში (ფედერაციაში) ერთ-ერთ ხელმძღვანელ თანამდებობაზე. მიხეილ ზურაბის ძე ხერხეულიძეს უდიდესი ამაგი აქვს ქართული ჭიდაობის წინაშე, ამიტომ მას სიყვარულით ხალხმა “ქართული ჭიდაობის პროფესორი” შეარქვა!



ილო თომაშვილი

## ილო (სვანელი) თომაშვილი (1898-1965 წწ.)

ილო თომაშვილი თბილისში დაიბადა 1898 წელს. გაიზარდა სვანეთის უბანში და მცირე ასაკიდანვე ეზიარა ეროვნულ ჭიდაობას, შეიყვარა და სიცოცხლის ბოლომდე არ უღალატია ქართული ჭიდაობისთვის. აინტერესებდა და ერკვეოდა ქართული ჭიდაობის ყოველ წვრილმანში. კარგი, რიგიანი მოჭიდავის სახელიც ჰქონდა. თომაშვილმა ქართულ ჭიდაობაში პირველ წარმატებას რომ მიაღწია, მაშინდელი ტრადიციისამებრ ფსევდონიმი აირჩია და “სვანელი” დაირქვა (სვანეთის უბნიდან გამომდინარე). წარმატებით გამოდიოდა ფრანგულ ჭიდაობაშიც, იყო ქართული ჭიდაობის ერთ-ერთი პირველი მწვრთნელი. იგი გახლდათ, ფაქტობრივად, საქართველოში სამბოს მესაძირკვლე, სამბოს პირველი მწვრთნელი და პირველი მსაჯი საქართველოში. ილო თომაშვილი იყო მსოფლიოსა და ოლიმპიური თამაშების ჩემპიონის - არსენ მეკოკიშვილის პირველი მწვრთნელი სამბოში.

პროფესიით აგრონომი იყო, პოეზია და გან-

საკუთრებით "ვეფხისტყაოსანი" უყვარდა. იყო კარგი ორატორი. უყვარდა ხეზე კვეთა, კულინარია და თამადაობაც კარგად ეხერხებოდა. ჰქონდა მდიდარი პირადი ბიბლიოთეკა, რომელიც მოგვიანებით საჩუქრად გადასცა საჯარო ბიბლიოთეკას. ოთხი წელი მუხლჩაუხრელად იმუშავა ფიზ-კულტურის სამეცნიერო კვლევით ინსტიტუტში მეცნიერ-მუშაკად სპეციალურად ქართული ჭიდაობის სიღრმისეულად, სამეცნიერო დონეზე შესასწავლად და 1940 წელს გამოსცა პირველი სრულყოფილი სახელმძღვანელო ჩვენი ეროვნული ჭიდაობისა - "ტექნიკა, ტაქტიკა, მეთოდისა", რომელიც შემდგომ კიდევ ორჯერ გამოიცა ცოტაოდენი ცვლილებებით გამდიდრებული, ილუსტრირებული სახით 1950 და 1957 წლებში. ფასადაუდებელია ბატონი ილო თომაშვილის შეტანილი წვლილი ქართული ჭიდაობის განვითარებაში!

## სიმონ მაისურაძე. (1926-2012 წწ.)

სიმონ მაისურაძე დაიბადა 1926 წელს ახმეტის რაიონის სოფელ ჩაბინაანში. ქართულ ჭიდაობას სულ პატარა ასაკში ეზიარა და ბოლომდე მისი ერთგული დარჩა. მხოლოდ ერთხელ უცდია ბედი სამბოში და ეს იყო და ეს, მას შემდეგ სხვა საჭიდაო ტანისამოსი ქართული ჩოხის გარდა არ მოურგია ტანზე. ასპარეზიდან წასვლის შემდეგ დაამთავრა თბილისის სახელმწიფო უნივერსიტეტის სოფლის მეურნეობის ეკონომიკის ფაკულტეტი. მცირე ხნით



სპეციალობით იმუშავა, თუმცა მალევე დაუბრუნდა დედა-ჭიდაობას და აღარც მოსცილებია გარდაცვალებამდე. 1979 წლიდან სპორტის დეპარტამენტში მუშაობდა ქართული ჭიდაობის გენერალურ მდივნად და შემდეგ ვიცე-პრეზიდენტის თანამდებობაზე. იყო საქართველოს 11-გზის ჩემპიონი ქართულ ჭიდაობაში, საქართველოს აბსოლუტური ფალაგანი (1952 წ.), სპორტის ოსტატი ქართულ ჭიდაობაში. 1968 წელს ვახტანგ ბალაგაძესთან ერთად გამოსცა სახელმძღვანელო "ქართული ჭიდაობის წესები", 1984 წელს კი დამოუკიდებლად - "ქართული ჭიდაობა", რომელიც მეორეა ამ კუთხით და ასევე უკანასკნელიც, პირველი ასეთი სახელმძღვანელო ილო სვანელს ეკუთვნის. იყო საქართველოს ფიზიკური კულტურისა და სპორტის დამსახურებული მუშაკი. ქართულ ჭიდაობაში შეტანილი განსაკუთრებული წვლილისთვის 1997 წელს დაჯილდოვდა ღირსების ორდენით. ხატოვნად რომ ვთქვათ, სიმონ მაისურაძე გახლდათ ქართული ჭიდაობის ძველი თაობის წარმომადგენელთაგან "უკანასკნელი მოჰიკანი".

## საქართველოს აბსოლუტური ფალავანი!

საქართველოს აბსოლუტური ფალავნის ტიტული - ეს გახლავთ უმაღლესი მწვერვალი ქართულ ჭიდაობაში. უპრიანი იქნება, ორიოდ სიტყვით ჯერ თავად სიტყვა „ფალავნის“ წარმოშობაზე ვთქვათ. „ფეხლევანი“ სპარსულიდან მომდინარეობს და უწინარესად იხმარებოდა, როგორც გამარჯვებულის, გოლიათის, გმირის დამახასიათებლად, ასევე ზოგადად ათლეთის, სპორტსმენის სინონიმდაც გვხვდებოდა. თუმცა ქართულში „ფალავანი“ უფრო, მოჭიდავის, მეტადრე თავგამოჩენილი, წარმატებული მოჭიდავის შესატყვისად იქცა.

საქართველოს „აბსოლუტური ფალავნობა“ დაიწყო 1928 წლიდან და ტარდება რეგულარულად, თუ არ ჩავთვლით რამდენიმე გამონაკლისს წელიწადს, როდესაც ფალავნობის ჩატარება მიზეზთა გამო ვერ მოხერხდა. აკი ვთქვით, რომ თავიდან ქართულ ჭიდაობაში წონით კატეგორიებად დაყოფა არ არსებობდა. სტაჟიან გულშემატკივარს ახსოვს, საჭიდაოზე ჯერ პოტენციურ მეტოქეებს ერთმანეთს ვიზუალურად დაანახებდნენ, შემდეგ ამას ტრადიციული კითხვა მოსდევდა - „დაეჭიდები?“, ურთიერთთანხმობის შემთხვევაში კი მიდიოდა ორთაბრძოლა.

ასე რომ, ქართულ ჭიდაობაში აბსოლიტური პირველობა ნაწილობრივ თავისთავად შემოიჭრა. 1928 წლიდან კი ეს ულამაზესი, ურთულესი წონითი კატეგორია განცალკევდა და ქართული ჭიდაობის გვირგვინად იქცა. დღევანდელი წესებითა და რეგლამენტით, აბსოლუტური ფალავნის ტიტულისთვის ასპარეზობა შეუძლიათ წონითი კატეგორიიდან იმ ოთხ მოჭიდავეს, რომელიც საკუთარ წონაში პირველ ოთხ ადგილს გადაინაწილებს. მცირეოდენ გადავხვევ და ვიტყვი, რომ ძიუდოშიც არსებობდა ანალოგიური ასპარეზობა, სტაჟიანი გულშემატკივარი დამეთანხმება, რომ ეს წონითი კატეგორია ფრიად თვალსასეირო და კარგი სანახავი იყო. კლასიკური აბსოლუტური ასპარეზობა, რომელშიც მსუბუქ წონებსაც შეუძლიათ ასპარეზობაში ჩართვა, დღეს ძიუდოში ოფიციალურ ტურნირებზე აღარ არსებობს, ამოღებულია, თუმცა უნდა აღინიშნოს, რომ ძიუდოს ფუძემდებლები, იაპონელები აბსოლუტურ კატეგორიაში შიდა პირველობას დღემდე ცალკე ტურნირად ატარებენ. საქართველოში მრავალი საუკუნე მომდინარეობდა ნებისმიერი წონის მოჭიდავეთა ერთმანეთში გაჭიბრება, აი, ოფიციალურად კი 1928 წლიდან მოყოლებული უკვე 71-ჯერ ჩატარდა „აბსოლუტური ფალავნობა“. მარტივ არითმეტიკას რომ მივყვეთ, წესით 89-ჯერ უნდა ჩატარებულიყო, მაგრამ სუბიექტური თუ ობიექტური მიზეზთა გამო 18 წელი ვერ მოხერხდა ესოდენ ძვირფასი ტურნირის გამართვა. შეიძლება საწყის ეტაპზე ჩატარდა კიდევ რამდენიმე მათგანი, მაგრამ სამწუხაროდ გამარჯვებულის ვინაობა ისტორიამ ვერ შემოინახა. ისე, ცოტაოდენ რთული წარმოსადგენია არჩატარების მიზეზი, რამეთუ ისეთი ძნელბედობის ჟამსაც კი, როდესაც მე-2 მსოფლიო ომი მძვინვარებდა, ჩატარებულა „აბსოლუტური ფალავნობა“, მაგალითად, 1944 წელს ფალავანობაზე არჩილ ონაშვილს (საგარეჯო) გაუმარჯვია. ეჭვი მაქვს 1928 წლიდან 1931 წლამდეც უნდა ჩატარებულიყო, მაგრამ აბსოლიტური ფალავნის ვინაობა არ არის ცნობილი, ასევე 1931-დან 1934 წლამდე და 1949-დან 1951 წლამდეც წყვეტა გვაქვს და აბსოლუტური ფალავნის ვინაობა, თუ იყო ვინმე ასეთი,


არ მოიძებნება. რაც შეეხება ჩვენს ხელთ არსებულ ინფორმაციას, აბსოლუტურ ფალავანთა სიას 11 რაიონისა და ქალაქის მკვიდრის 41 გვარი ამშვენებს. ამ უმნიშვნელოვანეს ასპარეზობაზე გამარჯვებულთა შორის რაიონებისა და ქალაქების მიხედვით სტატისტიკაზე თუ ვიმსჯელებთ, ტოლს არავის უდებს ახმეტა, თქვენ წარმოიდგინეთ, 22-ჯერ აქვთ ეს უმაღლესი ტიტული ახმეტელ ფალავნებს მოგებული, 5-5-ჯერ ზაქარია ბაკურაძეს და ანზორ კიკნაძეს, პირადი გამარჯვებებით კი ალექსი დავითაშვილს 8-ჯერ აქვს აბსოლუტური ფალავნობის ტიტული მოპოვებული და ამ მხრივაც აბსოლუტური რეკორდსმენია. ასე რომ, ამ კომპონენტში ახმეტელებს ბადალი არ მოიძებნებათ.

ახლა გადავხედოთ იმ მოჭიდავეებს, რომლები წონის სიმსუბუქით იყვნენ გამორჩეულნი. აქ ჯერ იმას აღვინშნავ, რომ ბოლო ოთხი აბსოლუტური ფალავნობაა, რაც არა მძიმე წონოსანი მოჭიდავე იმარჯვებს, არამედ ქვემძიმეწონოსანი პირველობს: 2013-დან ბექა და პაატა ღვინიაშვილები (ქარელი) 90 კგ.-ში ასპარეზობდნენ და სწორედ ისინი დომინირებდნენ სამი წლის განმავლობაში, ბოლო ფალავნობის გამარჯვებული გიორგი კაციაშვილი (კასპი) კი საერთოდ 80 კილოგრამს იწონიდა. 80 კილოგრამზე ნაკლებს იწონიდა 1978 წლის ფალავანი აბესალომ წიკლაური (მცხეთა), ამ მხრივ გამოყოფის ღირსია 1990 წლის აბსოლუტური ფალავანი - გიორგი გაჩეჩილაძე (ბესტაფონი), რომელიც ერთი, რომ პირველი იყო დასავლეთ საქართველოდან, ვინც ამ უმაღლეს მწვერვალს შესწვდა ქართულ ჭიდაობაში და თანაც იმ მომენტისთვის 84 კილოგრამს იწონიდა, არადა უძლიერესი მძიმეწონოსანი კონკურენტები იყვნენ ტიტულის მაძიებლებში აღმოსავლეთ საქართველოდან იმ წელს. შთამბეჭდავი გამარჯვებისა და წარმომავლობის გამო მას მაყურებელმა ხატოვნად “ბაში-აჩუკი” შეარქვა. აქვე დავამატებ, რომ დასავლეთ საქართველოს მხოლოდ ორი აბსოლუტური ფალავანი ჰყავს დასაბამიდან დღემდე, გაჩეჩილაძეზე უკვე მოგახსენეთ, მეორედ კი ლერი ჟორჯოლიანმა (მესტია) „იფალავნა“ 1991 წელს.

მსუბუქ წონებზე საუბარი რომ დავასრულოთ, ამ კომპონენტში ყველაზე გამორჩეული 1952 წლის აბსოლუტური ფალავანი სიმონ მაისურაძე (ახმეტა) გახლავთ, რომელიც იმ მომენტისათვის სულ რაღაც 72 კილოგრამს იწონიდა თურმე!

ამერიკის 44-ე პრეზიდენტის, ჯონ კენედის სიტყვებია: “ქვეყნის სიძლიერე გამოიხატება ატომური ბომბებისა და ოლიმპიური ჩემპიონების რაოდენობაში”. ატომური ბომბებისა რა მოგახსენოთ და აბსოლუტური ფალავნობის უმაღლესი ტიტულის მოგებულთაგან სამი მოჭიდავე თავის მხრივ ასევე ფლობს უმაღლეს სპორტულ ტიტულს - ოლიმპიურ ჩემპიონობასაც. არადა ბევრ ჩვენზე მრავალრიცხოვან ქვეყანას მთელი ოლიმპიადების ისტორიის მანძილზე ჯამში არ აქვს მოპოვებული იმდენი ოქროს მედალი, რაც ცალკე ალებულ ჩვენს ეროვნულ სახეობაში, ქართულ ჭიდაობაში გამობრძმედილმა ფალავნებმა აიღეს. ესენი არიან: არსენ მეკოკიშვილი (3-გზის აბსოლუტური ფალავანი 1936, 1937 და 1939 წელს) - თავისუფალი ჭიდაობა, შოთა ჩოჩიშვილი (2-გზის ფალავანი 1972 და 1977 წლებში) და შოთა ხაბარელი (1981 წლის გამარჯვებული) - ძიუდო. სხვათა შორის, ორივე მათგანი ჯერ ოლიმპიური ჩემპიონი გახდა და შემდეგ აბსოლუტური ფალავანი. მრავალი მსოფლიოსა და ევროპის

ჩემპიონიც არის ამ რიგებში სხვადასხვა ჭიდაობის სახეობებიდან: თემურ ხუბულური, ჯემალ მჭედლიშვილი (2-გზის), მალხაზ ბერუაშვილი (5-გზის), პაატა ღვინიაშვილი (2-გზის), ანზორ კიკნაძე (5-გზის) ადამ ოქრუაშვილი (4-გზის). ასევე ბევრ მსოფლიოსა და ევროპის ჩემპიონს თუ პრიზიორს მიუღია მონაწილეობა აბსოლუტურ ფალავნობაზე, თუმცა ვერ გაიმარჯვა და აბსოლიტური ფალავნის ტიტული შეუწვდენელ ოცნებადღა დარჩა. ამ ჩამონათვალიდან და ციფრებიდანაც კარგად ჩანს რაოდენ პრესტიჟულია ქართულ ჭიდაობაში საქართველოს აბსოლუტური ფალავნის ტიტული, რომელსაც “ფალავანთა ფალავანსაც” უწოდებენ ხალხში.




## **საქართველოს აბსოლუტური ფალავნები 1928-2016.**

1928 წელი – შალვა რჩელიშვილი (თბილისი), 1931 – გიორგი რჩელიშვილი (გორი), 1934 – ვახტანგ ჭიჭინაძე (თბილისი), 1935 – სანდრო ნაკაშაშვილი (გორი), 1936-1937-1938 – არსენ მეკოკიშვილი (საგარეჯო), 1944 – არჩილ ონაშვილი (საგარეჯო), 1945-1946-1947-1948-1949 – ზაქარია ბაკურაძე (ახმეტა), 1952 – სიმონ მაისურაძე (ახმეტა), 1954 – როსტომ ბერძულიშვილი (ლაგოდეხი აფენი), 1957 – ზაქარია მუხიაშვილი (გარეუბანი), 1958 – ამირან ვარდოშვილი (კასპი), 1959-1960-1961-1962-1964 – ანზორ კიკნაძე (ახმეტა), 1963 – ანზორ ზურაბაული (საგარეჯო), 1967 – ბულდან ბალაკაშვილი (გორი), 1969 – გივი კახაბრიშვილი (თბილისი), 1970-1971 – შოთა გულიაშვილი (კასპი), 1972-1977 – შოთა ჩოჩიშვილი (ქარელი), 1973-1975 – ოთარ ყურაშვილი (კასპი), 1974 – იგორ ძეგლიგაშვილი (ახმეტა), 1976 – თემურ ხუბულური (გორი), 1978 – აბესალომ წიკლაური (მცხეთა), 1979-1982-1984-1987-1989 – მალხაზ ბერუაშვილი (ქარელი), 1980 – ტარიელ მუთოშვილი (ახმეტა), 1981 – შოთა ხაბარელი (ქარელი), 1983 – დავით დავითაშვილი (ახმეტა), 1985-1986 – ჯემალ მჭედლიშვილი (ქარელი), 1988

– გელა ბერუაშვილი (ქარელი), 1990 – გიორგი განჩინილაძე (ზესტაფონი), 1991 – ლერი შორშოლიანი (მესტია), 1992 – არმან ჯალაბაძე (გორი), 1993 – კობა კუპატაძე (საგარეჯო), 1994 – ვანო გამხიტაშვილი (კასპი), 1995 – ვალერი პარუნაშვილი (თბილისი), 1996-1998-1999-2000-2002-2003-2004-2008 – ალექსი დავითაშვილი (ახმეტა), 1997 – გიორგი წმინდაშვილი (თელავი), 2006 – ზვიად ხანჯალიაშვილი (თელავი), 2007 – ლაშა გუჭეჭიანი (თბილისი), 2009-2010-2011-2012 – ადამ ოქრუაშვილი (მცხეთა), 2013-2015 - შაბატ ღვინიაშვილი (ქარელი), 2014 - ბექა ღვინიაშვილი (ქარელი), 2016 - გიორგი კაციაშვილი (კასპი).



2016 წლის აბსოლუტური ფალავნობის ფინალი.  
კაციაშვილი – ბულაძე




საქართველოს 1935 წ.  
აბსოლუტური ფალავანი  
სანდრო ნაკაშვილი (გორი)




საქ. 3-გზის აბსოლუტური ფალავანი  
არსენ მეკოკიშვილი (საგარეჯო)



საქ. 1944 წ. აბს. ფალავანი  
არილ ონაშვილი (საგარეჯო)



საქ. 5-გზის აბს. ფალავანი  
ზაქარია ბაკურაძე (ახმეტა)




საქ. 1952 წ. აბს. ფალავანი  
სიმონ მაისურაძე (ახმეტა)




საქ. 1957 წ. აბს. ფალავანი  
ზაქარია მუხიაშვილი (გარეუბანი)




საქ. 1958 წ. აბს. ფალავანი  
ამირან ვარდოლაშვილი (კბსპი)




5 – გზის აბს. ფალავანი  
ანზორ კიკნაძე




საქ. 1963 წ. ფალავანი  
ანზორ ზურაბაული (საგარეჯო)



საქ. 2-გზის აბს. ფალავანი შოთა  
გულიაშვილი (კასპი 70-71წ.წ.)




საქ. 2-გზის აბს ფალავანი  
შოთა ჩოჩიშვილი (გორი 72-77 წ.წ.)




საქ. 2-გზის აბს. ფალავანი  
ოთარ ყურაშვილი (კასპი 73-75 წ.წ.)




საქ. 1974 წ. აბს. ფალავანი  
იგორ ძეგლიაშვილი (ახმეტა)




საქ. 1976 წ. აბს. ფალავანი  
თემურ ხუბულური (გორი)



საქ. 1978 წ. აბს. ფალ.  
აბესალომ წიკლაური (მცხეთა)



საქ. 5-გზის აბს.ფალ.  
მალხაზ ბერუაშვილი (ქარელი)




საქ.1980 წ. აბს. ფალ.  
ტარიელ მუთოშვილი (ახმეტა)



1981 წ. აბს. ფალ.  
შოთა ხაბარელი (ქარელი)




საქ 2-გზის აბს. ფალავანი ჯემალ  
მჭედლიშვილი (ქარელი 85-86 წ.წ.)



1988 წ. აბს.ფალ.  
გელა ბერუაშვილი (ქარელი)



საქ. 1990 წ. ფალავანი  
გიორგი გაჩეჩილაძე (ზესტაფონი)




საქ. 1991 წ. აბს. ფალ.  
ლერი შორშულიანი (მესტია)



საქ. 1992 წ. აბს.  
ფალ. არმან ჭალაბაძე (გორი)




საქ. 1994 წ. აბს. ფალ.  
ვანო გამხიტაშვილი (კასპი)



საქ. 1997 წ. აბს. ფალ.  
გიორგი ჯინდავაძე (თელავი)



საქ. 1967 წ. აბს ფალავანი  
ბულღან ბალაკაშვილი (გორი)



საქ. 2006 წ. აბს. ფალ.  
ზვიად ხანჭალიაშვილი (თელავი)




საქ. 8-გზის აბს. ფალ.  
ალექსი დავითაშვილი (ახმეტა)




საქ. 1993 წ. აბს. ფალ.  
კობა კუპატაძე (გორი)



საქ. 2007 წ. აბს. ფალავანი  
ლამა გუჭეჯიანი. (თბილისი)



1983 წ. აბს.  
ფალ დავით დავითაშვილი (ახმეტა)



ლეგენდარული ქუთაისელი ფალავანი  
კოლა ქვარიანი



საქ. 4-გზის აბს. ფალ.  
ადამ ოქრუაშვილი (მცხეთა)



საქ. 2-გზის აბს. ფალ. პაატა  
ღვინიაშვილი (ქარელი 2013-15 წ.წ.)



საქ. 2014 წ. აბს. ფალ.  
ბექა ღვინიაშვილი (რუისი)



საქ. 2016 წ. აბს. ფალ.  
გიორგი კაციაშვილი (კასპი)

ავტორის შენიშვნა: ფალავანთა გამარჯვების წლები და ქალაქები მოყვანილია ოფიციალური წყაროდან, რომლის სისწორეზეც ავტორი პასუხისმგებლობას ვერ იღებს.

## მუსიკა - "საჭიდაო"

აღბათ ერთადერთი ერი ვართ მსოფლიოში, რომელმაც სპორტის სახეობას, ყოველ შემთხვევაში კონკრეტულად ჭიდაობას, სიმფონიური ნაწარმოები მიუძღვნა. ჩვენმა სასიქადულო კომპოზიტორმა რევაზ ლალიძემ, ქართულ ხალხურ "საჭიდაოს" მელოდიაზე დაყრდნობით შექმნა ეს კლასიკური ნაწარმოები - "სურათი", "სიუიტა". სხვათა შორის, როდესაც მან "საჭიდაო" კომპოზიტორთა პლენუმზე მოსკოვში (1976 წ.) წარადგინა (მაშინ ასე ხდებოდა - მოსკოვი ამტკიცებდა ყველაფერს), დამსწრე საზოგადოება, კრიტიკოსებიც აღფრთოვანებულნი დარჩნენ. განხილვისას კომპოზიტორ პავლე ხუჭუას უხუმრია კიდევაც, ბატონი რეზო "ბოროტმოქმედი", თავის მოზღვავებულ ნიჭს ნადირობაში და თევზაობაში ტყუილურალოდ ფლანგავსო, უნდა ჩაკეტო ოთახში და მუსიკა აწერიო. ამაზე თურმე თანამედროვეობის უდიდესი კომპოზიტორს სტანისლავ როსტოპოვიჩს სიტყვა მოუთხოვია და უთქვამს, მეც სიამოვნებით ვივლიდი სათევზაოდ, თუ ასეთი ოქროს თევზი მოჰყვება ბადეში, როგორიც "საჭიდაო" არისო.


არანაკლებ უნიკალურია სულხან ცინცაძის შექმნილი "საჭიდაო" მუსიკაც, რომელიც ოდნავ განსხვავებული ვარიაციაა ლალიძისა და ასევეა ოთარ თაქთაქიშვილის "საჭიდაოს" სიმფონიური ვარიანტი. რალა თქმა უნდა, სამივე ავტორის ნაწარმოები ქართული ჭიდაობის ხალხური მელოდიების მიხედვითაა შექმნილი.

სპორტისა და მუსიკის ასეთი სინთეზი ერთობლივობად იშვიათად, მაგრამ სხვა სპორტის სახეობებშიც გვხვდება, მაგალითად ფიგურულ სრიალში, სინქრონულ ცურვაში, მხატვრულ ტანვარჯიშში, თუმცა ქართული ჭიდაობის "საჭიდაო" აღბათ ერთ-ერთი პირველია ამ მხრივ მსოფლიოში და აბსოლიტურად უნიკალური პრეცედენტია სპორტში, ამიტომ ჩვენი მხრიდან ღირსეულ დაფასებას იმსახურებს.

დღეს ქართულ ჭიდაობას მუსიკოსთა სამკაცციანი ანსაბლი - ტრიო ემსახურება, რომელსაც "დასტა" ეწოდება. მის გარეშე თითქმის წარმოუდგენელია ქართული ჭიდაობა. უწინ ცოცხალი მუსიკაც ყოფილა ინსტრუმენტის გარეშე, სადაც მომღერალთა გუნდი "გარეკახურ" ან "შიდაკახურ" საჭიდაოს ასრულებდა. დღევანდელი მუსიკოსთა "დასტა" შედგება ორი მეზურნისა და ერთი მედოლისაგან. ზურნა აღმოსავლური ჩასაბერი საკრავია, შედგება სამი ნაწილისაგან: ბეჩა, წივილა, ტარი. ქართულად ზურნას "წივილასაც" ეძახიან, მზადდება გარგრის ან კაკლის ხისგან, ღეროს სიგრძე 280-300 მმ, ზედ ამოჭრილია 7-8 თვალი. საქართველოში პოპულარული გახდა 17-18 საუკუნეში. 1-ლი მეზურნე (უსტაბაში) წამყვანია ანუ ანსამბლის სოლისტი, ის კარნახობს ჯგუფის წევრებს ტემპსა და რითმს. მე-2 მეზურნე (დამქაში) "უსტაბაში" ტონის მიმცემია, ანუ "ბანი", თუ გამოცდილი ანსამბლია, მე-2 მეზურნესაც შეუძლია წამყვანობა იტვირთოს.

ქართული დოლი დასარტყამი საკრავია - ხის კორპუსზე ორივე ბოლოდან ტყავები აქვს გადაკრული, ტყავები დამაგრებულია თასმებით, რომლებიც რკინის რგოლებშია გაყრილი, სიმაღლე შეფარდებითია პროპორციულად ზედაპირის დიამეტრთან 3-1. "საჭიდაოს" მედოლე იწყებს, ის ჭიდაობის მსვლელობისას მკაფიოდ უსვამს ხაზს ჭიდაობის რითმს,

დოლის “გახურებით” მედოლეს ყველაზე უკეთ შეუძლია მოჭიდავეები საჭიდაო იშტაზე მოიყვანოს. განსაკუთრებით, თუ წკირების გარეშე, ხელით უკრავს. ეს იშვიათად გვხვდება, როცა ზურნის მაგივრად დუდუკებით უკრავენ საჭიდაოს, რაც ვფიქრობ ბევრად უფრო სასიამოვნო მოსასმენია, თუმცა დუდუკს ზურნასთან შედარებით დაბალი ხმა აქვს, ამის გამო ხალხმრავალ მაყურებელში ხმა იკარგება, ამისათვის ხმის გამაძლიერებელი მიკროფონია საჭირო, რისი უზრუნველყოფაც ღია არენაზე რთულია. ამ მიზეზითვე ჩაენაცვლა ზურნა სალამურსაც, ძველად, როგორც ამბობენ, ჩასაბერი საკრავი საჭიდაოზე ქართული სალამური ყოფილა, თუმცა მიუხედავად უაღრესად ტკბილი უღერადობისა, ხალხის, მაყურებლის სიმრალემ გამოიწვია ის, რომ სალამურიცა და დუდუკიც ზურნამ ჩაანაცვლა. რაც უფრო პოპულარული ხდებოდა ჭიდაობა და მეტ მაყურებელს იზიდავდა, მით უფრო იზრდებოდა მოთხოვნილება ძლიერუღერადი ინსტრუმენტისა. ვისაც ამაზე არ უფიქრია ან ვინც ქართულ ხალხურ “საჭიდაოს” მუსიკალურ დეტალებს არ ჩაღრმავებია, მათთვის ვიტყვი, რომ ძალზე მნიშვნელოვანი მისია აკისრიათ დღეს ქართული ჭიდაობის მუსიკოსებს. მრავალსაათიანი დაკვრა მოითხოვს უდიდეს ძალისხმევას, ძალიან დიდ ფიზიკურ გამძლეობას, მათი პროფესიული საქმიანობა არა მარტო კარგ მუსიკოსობას, არამედ ქართული ჭიდაობის ნიუანსების უზადო ცოდნასაც გულისხმობს და შესაბამისად ერთობ რთული პროფესიაა. ასე რომ, მათი ღვაწლი ქართულ ჭიდაობაში ძალზე დიდია, მათ გარეშე, ქართული “საჭიდაოს” გარეშე, აბსოლუტურად წარმოუდგენელია ჩვენი ქართული ჭიდაობა და ამ პროფესიის ხალხი, რომელიც სამწუხაროდ ბევრი აღარ შემოგვრჩა, უდიდეს მოფრთხილებასა და პატივისცემას იმსახურებს.



აღმოავლური ზურნა



ქართული დოლი

## წარსული, აწმყო და მომავალი.



ლეგენდარული ქართული ჭიდაობის მუსიკოსები. ანსამბ. „სონინარი“

გამორჩენილ ფალავნებზე ბევრი ვთქვით, ზოგზეც ვერ შევძელით, რაზეც ბოდის მოვითხოვ და ქედს ვიხრი ყველა მათგანის წინაშე, მაგრამ ახლა მეტი აქცენტი არა მოჭიდავე ფალავნებზე, არამედ საზოგადოების იმ ნაწილზე მინდა გავაკეთო, რომელიც რუდუნებით, უანგაროდ ემსახურებოდა, მზრუნველობის ხელს არ აკლებდა ქართულ ჭიდაობას და ლოგიკური ჯაჭვი გავაბა წარსულს, აწმყოსა და მომავალს შორის.

მანამ ახლო წარსულზე გადავალთ, ერთ საინტერესო ისტორიულ ფაქტზე მინდა შევაჩერო თქვენი ყურადღება, რომელიც საკმაოდ მრავლისმეტყველად მომეჩვენა. მე-13 საუკუნის შუაწელში, 1246 წელს, მონღოლთა “დიდი კრება” იმართებოდა. დიდი ყაენის - ჩინგიზ ხანის - შვილიშვილი გუიუქი ადიოდა ტახტზე. მრავალრიცხოვან სტუმრებში ჩვენი მეფეები - დავით ულუ და დავით ნარინიც ერივნენ. კრებას ესწრებოდნენ საგანგებოდ მიწვეული, რომის პაპის მიერ წარგზავნილი ელჩები - ჯოვანი პლანო კარპინი და ფრანცისკელი ბერი ასცელი. ჯოვანი პლანო თავის ამ “დიდი კრების” ამსახველ წიგნში წერს:

“გამართული სანახობების ფარგლებში ჩატარდა ჭიდაობაც, სადაც მონღოლი მოჭიდავეები ყველას ჩაგრავენ, თუმცა ქართველთაგან გამოსულმა ორმა მოჭიდავემ ყველა მონღოლი პირწმინდად დაამარცხა ისე, რომ მეტოქეთათვის გარდა დამარცხებისა, არანაირი ფიზიკური ზიანი არ მიუყენებიათ (ანუ პროფესიონალურად უმარჯვიათ, შეიძლება ასეც ითქვას). გამწარებულმა, ამპარტავნობით, მედიდურობით შეპყრობილმა მონღოლებმა ორსავე ქართველ ფალავანს ხელი მოგლიჯეს და მოამტვრიეს.”

ასე იხსენებდა ამ მომენტს რომის პაპის ელჩი ჯოვანი პლანო კარპინი. იტალიელი ელჩის ეს ნაამბობი რომ გავაანალიზოთ, თავისუფლად შეიძლება ფიქრი იმისა, რომ მონღოლები საუკეთესოთა შორის საუკეთესო ფალავნებს გამოიყვანდნენ ასეთ პომპიზურ ღონისძიებაზე საასპარეზოდ, თანაც “საკუთარ კედლებში”. კარპინის ნახსენებ ქართველებზე რომ ვთქვათ, ქართველები არა სპეციალურად მოჭიდავეებით დაკომპლექტებულნი წარდგებოდნენ დიდი ყაენის კარზე, არამედ, სავარაუდოდ, ძალზე მცირე მხედრობით იქნებოდნენ ჩასულნი მეფის თანმხლებ ამაღლაში. აქედან შეგვიძლია დასკვნა გავაკეთოთ, თუ ჯერ კიდევ მაშინ რა დონეზე ჰქონდა ქართველ ჯარისკაცს “შეიარაღებაზე” აყვანილი ჩვენი ეროვნული ქართული ჭიდაობა!

## ახლო წარსული

როცა ერსა და ბერს სჭირდებოდა, ქართულმა ჭიდაობამ ღირსეულად გასწია ქვეყნის ერთიანობისა და დამოუკიდებლობის ქაპანი, როდესაც თავად ქართულ ჭიდაობას დასჭირდა, სპორტის სახეობად ფორმირების პროცესში, პირიქით - მთელი საქართველოს ნაღები საზოგადოება ერთად ჩადგა ქართული ჭიდაობის სამსახურში, რომ იტყვიან, ერი და ბერი გაერთიანდა, როგორც ინტელექტუალური, ისე ტექნიკური თვალსაზრისით. მაგალითად, აკადემიკოსი სიმონ ყაუხჩიშვილი ილო თომაშვილს (სვანელს) უნიკალური სახელმძღვანელო წიგნის გამოცემისას კონსულტაციას უწევდა ტექნიკური ტერმინების ქართულად სრულყოფაში, ამავდროულად წიგნში კი საჭიდაო მუსიკა კომპოზიტორმა აკაკი ანდრიაშვილმა ნოტებში გამოსახა. საჭიდაო არენებზე მსაჯობდნენ ისეთი გამოჩენილი მამულიშვილები, როგორებიც იყვნენ მომღერალი ვანო სარაჯიშვილი და იეთიმ გურჯი (დაბლაშვილი), ხშირად გამოდიოდა საჭიდაოდ ესტრადისა და შემდგომ ოპერის ცნობილი მომღერალი ლადო კავსაძე, რესპუბლიკის დამსახურებული არტისტი გიორგი ჩხირაძე (ტუხო) არ თაკილობდა მუსიკოსთა დასტაში მედოლედ დამდგარიყო, ფალავნებზე თხზავდა და მღეროდა სახელგანთქმული აშული საიათნოვა, გაზეთებში “ივერია” და “დროება” რეცენზიებს წერდნენ ილია ქავჭავაძე, აკაკი წერეთელი. დიდი ილია, ზოგადად, ქართული ჭიდაობის დიდი მოამბაგე, მეცენატი და პოპულარიზატორი იყო, არაერთი ჭიდაობა თავად ჩაუტარებია და ბევრ მოჭიდავე ფალავანსაც დახმარებია ფინანსურად. სახალხო მგოსანმა აკაკი წერეთელმა, რომელსაც ერთ-ერთი ფსევდონიმიც “ძველი მოჭიდავე” ჰქონია, ქართულ ჭიდაობას რამდენიმე ნაწარმოებიც მიუძღვნა. გამოჩენილ ფალავანთა ბიოგრაფიებს წერდნენ სერგი მესხი, დანიელ ჭონქაძე, ანტონ ფურცელაძე, ლექსებს თხზავდნენ გოგლა ლეონიძე, იოსებ ნონეშვილი, შოთა ნიშნიანიძე და სხვა კლასიკოსები, ქართული ჭიდაობის ისტორიას იკვლევდნენ ისეთი ქართველი მკვლევარები, როგორებიც იყვნენ ივანე ჯავახიშვილი, აკაკი შანიძე, სერგი მაკალათია, სიმონ ყაუხჩიშვილი და ბევრი სხვა ისტორიკოსი. ქართული ჭიდაობის უდიდესი ქომაგნი, გულშემატკივარნი და გვერდში მდგომნი გახლდნენ: გრიგოლ ორბელიანი, მიხეილ ჯავახიშვილი, შალვა დადიანი, ალექსანდრე იმედაშვილი, იოსებ გრიშაშვილი, მიხეილ ჭიაურელი. ვაჟა-ფშაველა, იროდიონ ევდოშვილი და მიხა ხელაშვილი კი არა მარტო ქომაგნი და დამფასებლნი, არამედ თავადაც კარგი, რიგიანი მოჭიდავეები იყვნენ. ქართული ჭიდაობის პირველ ადმინისტრაციულ წარმონაქმს - “საბჭოს” - აკადემიკოსი ნიკო კეცხოველი ჩაუდგა სათავეში და ვინ მოთვლის კიდევ რამდენი გამორჩეული, დამსახურებული პიროვნება შეიძლება დავასახელოთ, ყველა მათგანი თავისებურად ზრუნავდა ქართული ჭიდაობის განვითარება-პოპულარიზაციისთვის.

თავის მხრივ ქართული ჭიდაობაც არ რჩებოდა ვალში, იმ პერიოდში ამ მოამბაგე ხალხის მიერ ორგანიზებული ჭიდაობებიდან შემოსული თანხის დიდი ნაწილი ქველმოქმედებაში იხარჯებოდა, მაგალითად ქვეყნის მაშტაბით ვერ მოიძვედა კაცი ვერც ერთ “წერა კითხვის გამავრცელებელ საზოგადოებას”, რომელშიც ქართულ ჭიდაობაზე აკრეფილი თანხებიდან

არ ყოფილიყო გვარიანი თანხა შენაწირი. ასევე აქ აგროვილ თანხებს უნაწილებდნენ სკოლებს, უმაღლეს დენესებულებებს, შეჭირვებულ სტუდენტებსა თუ გლეხებს.



## ანგეო

დღეს ქართულმა ჭიდაობამ დროის გამოწვევას ფეხი რომ აუწყო, მეტი ძალისხმევა და ისეთივე კონსოლიდირება სჭირდება, როგორც წინა საუკუნის დასაწყისში გამოავლინეს ჩვენმა სახელოვანმა წინაპრებმა. მართალია, ქართული ჭიდაობის ეროვნული ფედერაცია, სპორტის სამინისტროს, სახელმწიფოს, დახმარებით დღეს ორმოცდაათამდე შეჯიბრებას ატარებს სხვადასხვა ასაკობრივ ჯგუფებში წლის განმავლობაში, თავის დაგვირგვინებით - აბსოლუტური ფალავნობითურთ, მაგრამ ვფიქრობ ეს საკმარისი არაა, უფრო მეტად ზედაპირულია და უყაირათო. ამ შეჯიბრებებზე მონაწილე მოზარდები ძირითადად არიან ძიუდოს სექციებში დაკავებული ბავშვები, რაც თავისთავად ძალიან კარგია, ცუდი ისაა, რომ სხვა ჭიდაობაში მოგარჯიშე მოზარდებს ვეღარ შეხვდებით, მაგალითად თავისუფალი სტილის მიმდევრებს, რომლებიც უხვად გვხვდებოდნენ წარსულში ქართული ჭიდაობის არენებზე.

ქართული ჭიდაობის ნიუანსების ცოდნა ხომ მისწრებაა მომავალი თაობების ჩამოყალიბებისთვის, დღეს მოზარდებისთვის უცხოა და ახსნა გვიწევს ისეთი ელემენტარული ქართული ჭიდაობის უნარ-ჩვევებისაც კი, როგორცაა, მაგალითად, მისალმება, ჩოხის შეკვრა, ქულათა შეფასების სისტემა და სხვა. აქ ლაპარაკია საშუალო ასაკის მოზარდ თაობაზე, არადა ვისაც ახსოვს, არც თუ დიდი ხნის წინ, 4-5 წლის ბავშვებმა ისეთი

ნიუანსები იცოდნენ მისალმებიდან დაწყებული, რომ ავ თვალს შემურდებოდა მათი ხილვა. ნახერხზე ფეხადგმული ქართულის ნორჩი მოჭიდავეები საჭიდაო ინტელექტს, უნარ-ჩვევებს ნაზიარებნი, უკვე გამზადებულები შედიოდნენ სხვადასხვა ჭიდაობის სექციებში და არა მარტო ჭიდაობის, სხვა სპორტის სახეობებშიც წარმატებით აგრძელებდნენ სპორტულ კარიერას. უშუალოდ მარტო ქართულის მოჭიდავეს ხომ საერთოდ ველარ შეხვდება კაცი, არადა უამრავნი იყვნენ ასეთები, რომლებიც მხოლოდ ქართულით, დედა-ჭიდაობით იყვნენ დაკავებულნი და რომელთა ბევრი გამარჯვებაც გვინახავს სხვადასხვა ჭიდაობის სახეობებში გამობრძმედილ, უკვე მსოფლიო მასშტაბით ტიტულოვან ფალანგებთან. სოფლად, სადაც იშვა ეს ჩვენი ეროვნული საუნჯე, თითქმის მოკვდა ქართული ჭიდაობა ან სადაც ჯერ კიდევ სულდგმულობს, იქაც სულს ღაფავს. თუ ადრე ზაფხულის პერიოდში ასარჩევად ჰქონდა კაცს, თავის სოფელში დარჩენილიყო თუ სხვა რომელიმე ახლომდებარე სოფლად წასულიყო უკეთესი ჭიდაობის საცქერლად, დღეს უკვე ასარჩევი არაფერია, სეზონი ისე გაივლის, არა თუ ქართული ჭიდაობის ტრადიციულ სოფელში, არამედ ზოგიერთ რაიონულ ცენტრშიც კი შეიძლება ქართული ჭიდაობა საერთოდ არ ჩატარდეს. ნებისმიერ ქართული ჭიდაობის ტრადიციის მქონე სოფელს თავისი გუნდი (კედელი) გამოჰყავდა, ახლა კი ერთი რიგიანი მოჭიდავის გამოყვანა უჭირთ, არა თუ გუნდის.

ქალაქებშიც და სოფლებშიც არსებობენ ქართული ჭიდაობის მწვრთნელები. ერთია, რომ მათი ხელფასი მიზერულია, მაგრამ მეორეა მათი კომპეტენცია და მუშაობა, სამუშაო პირობები ხშირ შემთხვევაში კრიტიკას ვერ უძლებს. ეს ინსტიტუტი აპრიორშივე არ არის სწორად მოწყობილი, რადგან მათ ნიშნავს და ხელფასს უხდის ადგილობრივი მუნიციპალიტეტი, მაგრამ სამწვრთნელო კომპეტენციას არ უმონებს (ეს არც არის მათი საქმე), არც შედეგს სთხოვს ვინმე ამ ხალხს, არადა თანხები მცირე რაოდენობით, მაგრამ იხარჯება. მათი დანიშვნა ხდება არა მწვრთნელის ავტორიანობის გარკვევის შედეგად, არამედ უფრო “დედა-ჭიდაობის” ავტორიტეტის ხათრით ანუ პრინციპით, რომ უნდა არსებობდეს ქართული ჭიდაობის მწვრთნელი. ეს მიდგომა კი არაფერს იძლევა, პირიქით აზიანებს, რადგან ფორმალურად ვითომ არის, სინამდვილეში კი თავს ვიტყუებთ, თუ რამდენიმე გამონაკლის მწვრთნელს არ ჩავთვლით, ამ კუთხით თავის საქმისა და ქართული ჭიდაობის ერთგულსა და ენთუზიასტს. სხვა დანარჩენ შემთხვევაში ეს ქართული ჭიდაობის მწვრთნელებისა და ინსტრუქტორების ინსტიტუცია ამ ფორმით სრულიად კონტრ-პროდუქტიულია.

ასევე არიან რეგიონალური ფედერაციის პრეზიდენტებიც, ზოგიერთი გამონაკლისის გარდა არც აკეთებენ და არც არავინ სთხოვს რამეს. ამ ხალხის დანიშვნა და კომპეტენციის მოკითხვა უნდა ხდებოდეს ქართული ჭიდაობის მცოდნეთა მხრიდან (ეროვნული ფედერაციის, სპორტის სამინისტროსგან) და არა მხოლოდ მუნიციპალიტეტების შერჩევით, რომლებიც ხან ახლობლობა-შინაურობაზე დაყრდნობილი და ხან რაზე, მთლიანობაში კი ფულის გადაყრა ხდება ხშირ შემთხვევაში ტყუილუბრალოდ, როცა ამ მცირე თანხებითაც შეიძლება რაღაცის გაკეთება და ეს ხალხი უნდა იყოს სწორედ პასუხისმგებლები იმაზეც, რომ ქალაქებსა თუ სოფლებში ქართულის მოჭიდავის აღზრდაც შეიძლოთ და საკუთარ სოფელში

ჭიდაობის გამართვის ორგანიზების შნოცა და მარიფათიც ჰქონდეთ. ამისათვის ახალი ველოსიპედი ნამდვილად არ გვაქვს გამოსაგონებელი, ჩვენი წინაპრების პრიორიტეტი ამ კუთხით იყო პატიოსანი, ავტორიტეტული, ქართული ჭიდაობის მოამაგე ხალხი, ასეთები დღესაც არსებობენ თითქმის ყველა სოფელში და ეს ხალხი უნდა გამოირჩეს. ამ ორი კომპონენტის არქონა, მწვრთნელთა კვალიფიკაციის სიმწირე და შეჯიბრის არჩატარება მთავარი მიზეზი გახლავთ დღეს ქართული ჭიდაობის დაღმასვლისა.



## მომავალი

ვფიქრობ, საჭიროა ინტელექტუალური რესურსის მეტი მობილიზება - ამ საუკუნეში ერთი განახლებული სახელმძღვანელო, ბროშურაც კი არ გამოცემულა არც ქართული ჭიდაობის უნიკალური ილეთებისა და არც შეჯიბრების ჩატარების წესებისა, არც საგანმანათლებლო სხვა სახის აქტივობა ყოფილა რამე. ფიზ-კულტურის ინსტიტუტში აღარ არსებობს ქართული ჭიდაობის სპეციალიზაცია, სადაც მწვრთნელებს ამზადებდნენ, კარგი იქნება, თუ აღდგება. პასიურია კერძო სექტორიც, მათი წახალისება უნდა მოხდეს სახელმწიფოს მხრიდან. სისტემატურად უნდა ტარდებოდეს მსაჯთა სემინარები, გადამზადება, რაც ასევე ძალიან მნიშვნელოვანია, კვალიფიციური მსაჯების ნაკლებობას განვიცდით. სახელმწიფო, სპორტისა და ახალგაზრდობის სამინისტრო ქართულ ჭიდაობას დიდ ფინანსური დახმარებას უწევს ბოლო წლებში, რაზეც მაღლობის მეტი რა გვეთქმის, თუნდაც ის, რომ ბოლო ორი წელიწადია (2015-2016) აბსოლუტურ ფალა-

ვანს დედაქალაქში საცხოვრებელი ბინით ასაჩუქრებენ, რად ღირს. ყველა წონაში ჩემპიონ-პრიზიორებს საკმაოდ სოლიდური ფულადი პრიზები ეძლევათ, საპრიზო ფონდი 100 000 ლარამდე გაიზარდა. ასევე სახელმწიფო ხარჯებით ხდება მსგავსი ეროვნული ჭიდაობების მქონე ქვეყნების მოჭიდავეთა გუნდების ჩამოყვანა. ესეც საკმაოდ ფინანსურ ასიგნებებთან არის დაკავშირებული. უკვე მოხერხდა არამართო მეზობელი, “პოსტ საბჭოთა” ქვეყნების მოჭიდავეების ჩამოყვანა “აბსოლუტურ ფალავნობაზე” მონაწილეობის მისაღებად, არამედ ისეთი ქვეყნების მოჭიდავეებიც გვეწვივნენ, როგორებიცაა საფრანგეთი და გერმანია.

ეს ყველაფერი ძალიან მისასალმებელია და კარგია, მაგრამ ხომ არ ატობებს, ჯერ გაგვერკვია, რა არის გასაკეთებელი დღეს ქართული ჭიდაობისათვის და ამოცანა რაში მდგომარეობს, რა არის მიზანი? დასხდნენ კომპეტენტური ხალხი, პრიორიტული რა არის, ჯერ ამაზე ჩამოვყალიბდეთ და ამის მიხედვით გაიწეროს ის ფინანსები, რომლებიც დღეს რეალურად იხარჯება. პირველ რიგში, სოფელს უნდა დაგუბრუნოთ ქართული ჭიდაობა! ამ და კიდევ უამრავი სხვა პრობლემის გადაწყვეტაა საჭირო. თორემ მოჭიდავეები საბედნიეროდ კვლავ გვეზრდება საქართველოში, აკი ზემოთ ვილაპარაკეთ, რამდენი შრომა ჩადეს და რამხელა მემკვიდრეობა შემოგვინახეს ჩვენმა ბუმბერაზმა წინაპრებმა და მათი დინებით მოვდივართ დღესაც, თუმცა უშრეტეი დინება არ არსებობს.

## **ქართულ-ჭიდაობაში-განხორციელებული მნიშვნელოვანი თარიღები!**

1899 წ. - ფრანგმა ეთნოგრაფმა, მწერალმა ბარონ დე ბაიმ თავის წიგნში “კავკასიის ქედის სამხრეთით” ქართული ჭიდაობის ხასიათი აღწერა. (ქართული ჭიდაობა მან იხილა ალავერდობის დღესასწაულზე, ილია ქავჭავაძისა და აკაკი წერეთლის მასპინძლობით, ეს იყო პირველი საერთაშორისო აღიარება ქართული ჭიდაობისა);

1918 წ. - ჯერ კიდევ საქართველოს დამოუკიდებლობის მცირე სამწლიან პერიოდში სპორტ-საზოგადოება “შევარდენი” შეიქმნა. 1921 წელს მის ბაზაზე გაიხსნა ქართული ჭიდაობის პირველი ოფიციალური სექცია;

1925 წ. - უკვე საბჭოეთის პერიოდში ვანო წამალაშვილისა (გლდანელი) და ამბროსი გაგნიძის თაოსნობით განისაზღვრა შეჯიბრების ჩატარების წესები: დრო, მსატობა, წონითი კატეგორიები და სხვა რეგულაციები;

1928 წ. - ქართული ჭიდაობა შეაქვთ რესპუბლიკის დღესასწაულის პროგრამაში. აქედან იწყება საქართველოს აბსოლუტური ფალავნობის ჩატარების ოფიციალური ტრადიცია;

1930 წ. - სპორტსაზოგადოება “კოლმეურნეს” ევალება ქართულ ჭიდაობაზე პატრონაჟი და იხსნება ქართული ჭიდაობის სექციები მთელი რესპუბლიკის მასშტაბით, ინიშნებიან მწვრთნელები, მეთოდისტები, ტარდება შეჯიბრებები ყველა რაიონსა და ქალაქში;

1933 წ. - თბილისის ფიზკულტურის ტექნიკუმში ისწავლება ქართული ჭიდაობა;

1935 წ. - ფიზკულტურულმა საბჭომ გამოსცა “ქართული ჭიდაობის შეჯიბრების ჩატარების წესები”;

1938 წ. - გაიხსნა “საქართველოს ფიზიკური კულტურის ინსტიტუტი”, რომელშიც მწვრთნელთა ფაკულტეტზე სხვადასხვა ჭიდაობის სასწავლო პროგრამაში ისწავლებოდა ქართული ჭიდაობის ილეთები;

1940 წ. - გამოიცა ქართული ჭიდაობის პირველი ოფიციალური სახელმძღვანელო “ტექნიკა, ტაქტიკა, მეთოდიკა” ილო თომაშვილის (სვანელი) მიერ. წიგნის განახლებული რედაქცია შემდეგ წლებში კიდევ გამოიცა უფრო დახვეწილი სახით (1950-57 წწ.);

1945 წ. - იქმნება ქართული ჭიდაობის საბჭო (ფედერაცია), პირველი თავმჯდომარე - აკადემიკოსი ნიკო კეცხოველი;

1950-იანი წლები - აშენდა ხუთი სუფთა ქართული ჭიდაობის უნიკალური წრიული არენა: მცხეთაში, გორში, კასპში, ქედასა (კახეთი) და ქუთაისში;

1965 წ. - იაპონიაში შეიქმნა ქართული ჭიდაობის ასოციაცია. აქვე ვთქვათ, რომ საქართველოს გარეთ მსგავსი ინსტიტუციები არსებობს: საბერძნეთში (2002 წლიდან ქართული ჭიდაობის ფედერაცია), რუსეთში (2005 წლიდან ქართ. ჭიდ. ფედერაცია), აშშ-სა და უკრაინაში 2012 წლიდან ასევე ქართული ჭიდაობის ფედერაცია. უნდა აღინიშნოს, რომ მათგან ქმედითია და ფუნქციონირებს მხოლოდ უკრაინაში “სრულიად უკრაინის ქართული ჭიდაობის ფედერაცია”, ხელმძღვანელი - ფედერაციის პრეზიდენტი რევაზ შიშინაშვილი;

1968 წ. - გამოიცა “ქართული ჭიდაობის წესები”, ავტორები - ს. მაისურაძე, ვ. ბალაგაძე;

1981 წ. - საქართველოს ფიზიკური კულტურის ინსტიტუტში დაემატა ცალკე სპეციალიზაცია - ქართული ჭიდაობა;

1981-84 წწ. - სახელმწიფო ტელევიზიით გადაიცემოდა ქართული ჭიდაობის გაკვეთილები;

1984 წ. - გამოიცა ქართული ჭიდაობის სახელმძღვანელო “ქართული ჭიდაობა”, ავტორი - ს. მაისურაძე;

1991 წ. 22 მაისი - შეიქმნა ქართული ჭიდაობის ეროვნული ფედერაცია. პირველი პრეზიდენტი - ნიკო იაშვილი;

1994 წ. - ცვლილებები შევიდა და ხელმეორედ გამოიცა “ქართული ჭიდაობის წესები” იური იმერლიშვილის-რედაქტორობით (ეს არის ბოლო სახელმძღვანელო, სამწუხაროდ, განახლებული რედაქცია დღემდე აღარ გამოცემულა);

2005 წ. - გაეროს პროგრამაში “განათლება სპორტის საშუალებით” საქართველოს მთავრობის მიერ წარდგენილი ნომინაცია “ქართული ჭიდაობა”, აღიარებული იქნა საუკეთესო პრაქტიკად და მემკვიდრეობად;

2009 წ. - ქ. თბილისის მუნიციპალიტეტმა შეიმუშავა “ბავშთა სპორტის განვითარებისა და პოპულარიზაციის პროგრამა”. ამ პროგრამის ფარგლებში ხდება, როგორც ქართული ჭიდაობის მწვრთნელების ანაზღაურება, ასევე 18 წლამდე წარმატებული ქართულის მოჭიდავე ბავშვების ფულადი წახალისება;

2013 წლიდან მოყოლებული საქველმოქმედო ფონდი “ქართუს” დახმარებით რესპუბლიკის მაშტაბით აშენდა 22 (ღია – გადახურული ტიპის) საჭიდაო არენა;

2014 წ. - ქართული ჭიდაობის ეროვნულმა ფედერაციამ შეიმუშავა ქართული ჭიდაობის განვითარების პროგრამა (2014-2020 წწ.), რომელიც სპორტის და ახალგაზრდობის სამინისტროს მიერ წარედგინა საქართველოს მთავრობას და დამტკიცებულ იქნა საქართველოს მთავრობის მიერ (N601, 4.04.2014);

2014 წ. - საქართველოს კულტურისა და ძეგლთა დაცვის სამინისტრომ (N2/130 ბრძანება) “ქართულ ჭიდაობას” მიანიჭა არამატერიალური კულტურულ მემკვიდრეობითი ძეგლის სტატუსი;

2017 წ. - საქართველოს მთავრობის დადგენილებით (#24.01.2017) “ქართულ ჭიდაობას”, როგორც არამატერიალური კულტურული მემკვიდრეობის ძეგლს, განესაზღვრა ეროვნული მნიშვნელობის კატეგორია!

2017 წლის მარტში საქართველოს კულტურისა და ძეგლთა დაცვის სამინისტროსთან არსებული კომისიის მუშა ჯგუფმა დაასრულა მუშაობა იუნესკოს ბარათზე და ქართული ჭიდაობის, როგორც ნომინანტის შესაბამისი დოკუმენტაცია გადაიგზავნა “იუნესკოს” შტაბ-ბინაში, რათა “იუნესკომ” სცნოს და მიანიჭოს “ქართულ ჭიდაობას” მსოფლიო არამატერიალური კულტურული მემკვიდრეობითი ძეგლის სტატუსი! “იუნესკოს” პასუხი იქნება არაუგვიანეს 2020 წლისა და იმედს ვიტოვებთ დადებითად გადაწყდება აღნიშნული საკითხი.

## **ბოლოთქმა (ეპილოგი)**

2016-2017 წლებში მქონდა ბედნიერება, მემუშავა “საქართველოს კულტურული მემკვიდრეობის დაცვის ეროვნულ სააგენტოსთან” არსებული კომისიის მუშა ჯგუფში, სადაც “ქართული ჭიდაობის” წარმოშობის, ხასიათის, განვითარების ისტორიაზე “იუნესკოს” სტანდარტების შესაბამისად მოვამზადეთ “ბარათი ქართული ჭიდაობის შესახებ”. ამ მამულიშვილური იდეის ავტორი გახლავთ ბ-ნი თამაზ თევზაძე. სწორედ მისი და სხვა ერთუზიასტების ძალისხმევით მოხდა ჯერ ადგილობრივ დონეზე აღიარება ჩვენი ეროვნული საუნჯისა, კერძოდ 2014 წელს კულტურისა და ძეგლთა დაცვის სამინისტროს მხრიდან, 2017 წელს კომისიამ დაასრულა მუშაობა და საქართველოს მთავრობამ ქართულ ჭიდაობას ეროვნული მნიშვნელობის კატეგორია განუსაზღვრა. დასრულებული “ბარათი” პრემიერ-მინისტრ კვირიკაშვილის ხელმოწერით გადაიგზავნა “იუნესკოს” შტაბ-ბინაში, რათა ქართულ ჭიდაობას მიენიჭოს მსოფლიო არამატერიალურ კულტურულ მემკვიდრეობითი ძეგლის სტატუსი. “იუნესკოს” აღიარება, როგორც ასეთი, დიდ დივიდენს ვერ მოიტანს, თუმცა იუნესკოს დაცვის ქვეშ ყოფნა უზრუნველყოფს, მაგალითად იმას, რომ ნებისმიერ სოფელსა თუ ქალაქში ყოფილი საჭიდაოს ადგილზე მისი ხელყოფა აღარ შეეძლება არავის, გამოირიცხებენ საჭიდაო არენაზე რაიმე სხვა შენობა-ნაგებობის აშენება, საჭიდაოს მოშლა და ა.შ. დაე, “იუნესკოს” მიერ მსოფლიო აღიარება პირველი ნაბიჯი იყოს იმისაკენ, რომ ქართული ჭიდაობა ღირსეულად გავიტანოთ საერთაშორისო ასპარეზზე, ჩავატაროთ მსოფლიო და ევრო-პირველობები, როგორც ამას სხვა ერებმა მიაღწიეს. დამატებით, ეს იქნება პირველი პრეცედენტი, როდესაც ქართული ეროვნული სპორტული სახე-

ობა ასეთ აღიარებას მოიპოვებს. ჩემთვის ეს იქნება ვალის მოხდა ამ უდიდესი ფენომენის წინაშე, რომელზეც უზომოდ ვარ შეყვარებული და რომლის როლიც განსაკუთრებულად დიდი იყო საქართველოს ისტორიაში და დიდია დღევანდელ რეალობაშიც. ისტორიაში ვგულისხმობ ჩვენი ერის თვითმყოფადობას, დამოუკიდებლობის შენარჩუნებას. დღევანდელ რეალობაში კი ჩვენი ახალგაზრდა დემოკრატიული სახელმწიფოს ატრიბუტიკის კულტივირებას - დროშის აფრიალება, ჰიმნის გახლეჩა, ქვეყნის წარმოჩენა - რაც, დღეს ყველაზე მეტად სწორედ ჩვენს ქართულ ხალხურ ჭიდაობას ძალუძს!



გურამ თუშიშვილის სახ. ტურნირი ქართულ ჭიდაობაში




სოფ. ერთაწმინდა




ძველი თბილისელი მოჭიდავეები







ოლიმპიური ჩემპიონი  
მირიან ცალქალამანიძე



ადამ ოქრუაშვილი, ბექა ღვინიაშვილი



ადამ ოქრუაშვილი




ბექა ღვინიაშვილი



კასპელ მოჭიდავეებს ფოტოს უღებს ლელოს რედაქტორი თენგიზ განენილაძე



ვლადიმერ გოგიბედაშვილი,  
ლევან თედიაშვილი




ანზორ კიკნაძე, ფარნაოზ ჩიკვილაძე




ბრუნი



კასპელი მოჭიდავეები



ნოდარ ნუგბარიშვილი



ბრუნი




კოსტა მაისურაძე



ძველი ფალავნები



ვლადიმერ გოგიბედაშვილი



ოთარ ყურაშვილი,  
მსაჯი აკაკი ნინიაშვილი



ნინიაშვილი, იანვარაშვილი, გოგიბედაშვილი, ვარდოშვილი



ფალავნობის საპატიო სტუმრები



1976 წლის ფალავნობის გამარჯვებულებს ატილდოვებენ გურამ ფანჯიკიძე, ამირან გარდოშვილი.



ფალავნობას მსახობს ანზორ კიკნაძე



1976 წ. ფალავნობის გამარჯვებულები მარცხნიდან;  
წითელაური, ხუბულური, ყურაშვილი



შოთა ზუკაკიშვილი, არსენ მეკოკიშვილი, ქრისტეფორე ნინიაშვილი




ფალავნობის წამყვანი სპორტული ჟურნალისტი ჯამლეთ ხუბაშვილი



ფალავნობის დგანლმოსილი სტუმრები



დათიკო ხელთუბნელი, ლადო გოგიბედაშვილი,  
სანდრო ნაკაშაშვილი, სიმონ მაისურაძე



თბილისის სპორტის სასახლე – ფალავნობა




თბილისის სპორტის სასახლე – ფალავნობა



ამირან კელიხაშვილი, გიორგი ვერელი, გზირიშვილი, ბიჭიკო მარიდაშვილი,  
შოთა გულიაშვილი, გოგი ბასიაშვილი




ივანე ბოჭორიძე, გურამ ფანჯიკიძე, შოთა ცხადაშვილი




ბიძინა მაზიაშვილი, მალხაზ ბერუაშვილი



ვახტანგ ბალაგაძე, დათიკო ხელთუბნელი



ნარსულში ცნობილი მოჭიდავე  
ლაგრენტი კაციაშილი



ვეტერანი ფალავნების  
საჩვენებელი გამოსვლა






უბილეთო მაყურებელი




ნიკოლოზ ნინიაშვილი, ვლადიმერ გოგიბედაშვილი, ვახტანგ ბალავაძე




ვეტერანი ქართულის მოჭიდავე-ფალავნების სამახსოვრო სურათი



5-გზის აბს. ფალავანი  
მაღსაზ ბერუაშვილი




მჭედლიშვილი - ხოდელი



შოთა ჩიქვაშვილი





ოთარ კანდელაკი, შოთა ჩიქვაშვილი, დავით ციმაკურიძე



ფალავნობას მსატობს შოთა ზუკაკიშვილი




არსენ მეკოკიშვილი




ვარლამ ლიპარტელიანი  
გამარჯვების სიხარული



არსენ მეკოკიშვილი და ქრისტეფორე ნინიაშვილი



მსხლადე, გოგოლადე



ოლიმპ. ჩემპიონი და აბს. ფალავანი  
შოთა ხაბარელი




ფალავნობა, ეპიზოდის განხილვა მთავარ მსატან  
ვახტანგ ბალავაძესთან.



ფალავნობა




ერთანმინდა, მსაჯი ვ. იაშვილი



ბურაბ ზვიადური



ადამ ოქრუაშვილი




თემურ ხუბულური




ფალავნობა შოთა ჩორიშვილის გამართვება



საქ. 8 გზის აბს. ფალავანი – ალექსი დავითაშვილი



ჭებალ მჭედლიშვილი



მეკოკიშვილი



ნუგზარიშვილი, ბერუაშვილი, შავიშვილი



დავითაშვილი, კუპატაძე, შორჭოლიანი, ჩორიშვილი



80-იანი წლები ფალავნობის გახსნის ცერემონიალი



სხედან: ზუკაკიშვილი, ელერდაშვილი, ნინაშვილი, იანგარაშვილი,  
მიშიკო მანაბელი, ბორია შაიჭაძე, დავით ციმაკურიძე



ფალავნობაზე მსატობს ლევან თედიაშვილი



ყორით ატილდოვებენ ვანო გამხიტაშვილს



ვეტერანი მოჭიდავე ნუგზარ გოგიბედაშვილი,  
სპ. ჟურნალისტი თამაზ გოგიბედაშვილი.



ა. მეკოკიშვილის 105 წლის მემორიალი. ვეტერანი ფალავნები მაცურებლებში



კობა კუპატაძეს ატილდოვებს რამაზ ხარშილაძე



მაგიდასთან სხედან: გ. მეკოკიშვილი, გ. ონაშვილი.  
დგანან: გ.სალარაძე, თ. გოგიბედაშვილი



მეკოკიშვილის მემორიალი – კვარცხლბეკზე დგანან სეტიელი, კიბორძალიძე, კაციაშვილი. ქვემოთ; რურუა, სალარაძე, ხაბარელი, ხაბელოვი, მეკოკიშვილი, გობეჯიშვილი, გოგიბედაშვილი, ყურაშვილი.



მასურებელი ქართულ ჭიდაობაზე



მეკოკიშვილის მემორიალი – კვარცხლბეკზე დგანან სეტიელი, კიბორძალიძე, კაციაშვილი. ქვემოთ; რურუა, საღარაძე, ხაბარელი, ხაბელოვი, მეკოკიშვილი, გობეჯიშვილი, გოგიბედაშვილი, ყურაშვილი.




აბსოლუტური ფალანგების სამახსოვრო ფოტო



გურამ საღარაძე, თამაზ გოგიბედაშვილი, გოგი მეკოკიშვილი –  
არსენ მეკოკიშვილის მემორიალი



ქართველი გოლიათი  
სანდრო კანდელაკი



კოსტა მაისურაძე




უბილეთო მაცურებელი



ჭიდაობა სოფელ ზ. ხანდაკში მარცხნიდან პროფ. ავთო ციბაძე, ქუდით პოეტი იოსებ ნონეშვილი, ვახტანგ ბალაგაძე, ქრისტეფორე ნინიაშვილი, ლადო გოგიბედაშვილი.



ძველი მოჭიდავე ვანო ქიზიყელი



ოთარ ყურაშვილი




სანდრო კანდელაკი, არსენ მეკოკიშვილი

# ქართული ჭიდაობის ფანდები


## *“ხერხი სტობია ღონესა თუ კაცი მოიგონებსა” ხალხური*

ქართული ჭიდაობის ილეთები თავისი სპეციფიკის მიხედვით შვიდ ძირითად სახეობად იყოფა: 1. კაურები; 2. ცერულები; 3. თეძოები; 4. სარმები; 5. მოგვერდები; 6. კისრულები; 7. ლოჭურები.


ეს ილეთები იმის მიხედვით კლასიფიცირდება, როგორ მოქმედებასთანაც გვაქვს საქმე. მაგალითად, ცერული ცერის მოქმედებას ასახავს, სარმა - სარმის, თეძო - თეძოსი და ა. შ. მათი განლაგება ხდება მარტივიდან რთულისკენ.



### 1. კაურები.



კაურების გამოყენებისას საქმე გვაქვს მოქმედებასთან, როდესაც მოჭიდავე ხელს ავლებს მოწინააღმდეგეს ჩოხის ყურში, მარჯვენა ხელს გადაუტარებს მხარზე და ჩაავლებს ქამარში, ფეხისა და თეძოს ბიძგებით მაღლა ეწევა მოწინააღმდეგეს და აცლის საყრდენს, გამოჰყავს წონასწორობიდან. ამავე დროს მხართან ჩავლებული მარცხენა ხელით თავისკენ მიიზიდავს და შუაკაურით მოწინააღმდეგეს აგდებას




გულაღმა. კაურები თავის მხრივ იყოფა შუაკაურებად და გარეკაურებად. მათ თავის მხრივ აქვთ სხვადასხვა ვარიანტი: ხელმოხვეული შუაკაური წინგდებით და უკუგდებით, ხელგადატარებული შუაკაური უკანგდებით და წინგდებით, მხარილლივი შუაკაური წინგდებით ან უკანგდებით, მკლაური შუაკაური წინგდებით ან უკანგდებით და სხვა. ყოველივე ზემოთჩამოთვლილ ფანდს აქვს საწინააღმდეგო ფანდები. გარეკაური: ხელმოხვეული გარეკაური, მკლაური გარეკაური და სხვა. თავის მხრივ მათაც აქვთ მრავალი დაცვითი და საწინააღმდეგო ფანდები: თეძოს დაჭერა, ფეხის შიგნიდან მოდება, ფეხის გარედან მოდება, ფეხკავი, ფეხის მორიდება, ბრუნი, ლოჭურები და სხვა.

კაურები, შეიძლება ითქვას, ქართული ქიდაობის ღერძია, რომელზედაც აკინძულია ცერულები, სარმები, მოგვერდები, კისრულები, ლოჭურები და ნამგალა. კაურების როგორც საიერიშო, ასევე დაცვითი ფანდების ცოდნა აუცილებელია მოჭიდავისათვის, ვინაიდან ეს ილეთი მრვალფეროვან მოქმედებას მოითხოვს.

## 2. ცერულები.


ცერული ძირითადად ისეთი მოქმედებაა, როდესაც მოჭიდავე ფეხის ტერფის წინა ნაწილით გარედან აწვება მოწინააღმდეგეს წვიგზე, მარჯვენა ხელით მიიზიდავს, ხოლო მხრებთან ჩავლებული მარცხენა ხელით განიზიდავს, ცერულის ზემოქმედებით წონასწორობიდან გამოსულ მოწინააღმდეგეს სარბიელზე გულაღმა დასცემს. - ცერულები



თავის მხრივ იყოფა სხვადასხვა ვარიანტებად: ცერული მხრებში ხელის ჩავლებით, ცერული მხარეთქოს დაჭერით, შიდა ცერი და სხვა. მათ გააჩნიათ თავიანთი თავდაცვითი და საწინააღმდეგო ფანდები: ფეხის მორიდება, ფეხის მეორე ფეხზე გამოკვრა და სხვა.

### 3. თექობი.

თექოს გამოყენება შემდეგნაირ მოქმედებას გულისხმობს: მოჭიდავე მეტოქეს ხელს ავლებს ჩოხასა და ქამარში, ფეხები მხრების სიგანეზე აქვს გაშლილი, მარცხენა ფეხი - ოდნავ წინ, მარჯვენა კი - ოდნავ უკან. მოჭიდავე წონასწორობას გადაიტანს მარცხენა ფეხზე, მარჯვენა ფეხს გადადგამს მეტოქის ფეხებს შუა, მუხლებში ოდნავ მოიხრება, მარჯვენა თექოს მიაყრდნობს მეტოქის მარცხენა ბარძაყს და მუცლის არეს, თექოს უბიძგებს, მუხლებში გაიმართება, მარცხენა ხელით მოიზიდავს, დაიქნევს



და თედოს გადმოტარებით მოწინააღმდეგეს აგდებს გულაღმა.

ხელების ჩავლებიდან და ტანის მოქმედების შესაბამისად თედო თავის მხრივ იყოფა სხვადასხვა ვარიანტად; ხელმოხვეული თედო, მკლავის და ჩოხის დაჭერით თედო, ორმხრივი თედო, შემობრუნებული თედო და სხვა. ყველა ამ ვარიანტს სხვა ილეთების მსგავსად აქვს, როგორც თავდაცვითი, ისე საწინააღმდეგო ფანდები; კისრისა და თედოს დაჭერა, ფეხის ჩადგმა მეტოქის ლაჭებს შუა უკნიდან, ფეხის ტერფის წინა ნაწილის მოდება, ფეხკავი, ფეხის გარედან მოდება.

#### 4. სარმები.

სარმების ძირითადი პრინციპი ფეხის მოდებაა. მოჭიდავე მეტოქეს ფეხს შეუყოფს ფეხებს შუა და ქუსლითა და წვივის უკანა ნაწილით მოსდებს მეტოქეს წვივის უკანა ნაწილს, ამასთანავე, ფეხით თავისმხარეს ეწევა მოწინააღმდეგის ფეხს, ხოლო ხელებით უკან უბიძგებს და გულაღმა აგდებს სარბიელზე. - სარმებს თავის მხრივ აქვთ სხვადასხვა ვარიანტი: ქუსლური შუასარმა, ფეხანეული შუასარმა, ამოსმული შუასარმა, ორმხრივი ამოსმული შუასარმა, მკლავქუსლური შუასარმა, გარესარმა და სხვა.



## 5. მოგვერდები.

მოგვერდის გამოყენებისას მოჭიდავე მეტოქეს ხელს ავლებს ქამარსა და ჩოხის ყურში, ფეხები მხრების სიგანეზე აქვს გადგმული, მარცხენა ფეხი წინ უდგას, მარჯვენა - უკან, წონასწორობა გადააქვს მარცხენა ფეხზე,



მუხლებში ოდნავ მოიხრება, შემობრუნდება მარცხნივ, გვერდს შეაცურებს მეტოქის მუცლის ქვეშ, უბიძგებს მუცლის არეში, მუხლებში გაიმართება და მოგვერდზე გადმოტარებით მეტოქეს აგდებს გულაღმა. მოგვერდის ვარიაციები: მოკლე მოგვერდი, გრძელი მოგვერდი, ხელმოხვეული მოგვერდი, მხარიღლივი მოგვერდი, ზურგ-მოგვერდი, მოგვერდ-სარმა, შებრუნებული მოგვერდი და სხვა. მოგვერდის საწინააღმდეგო ფანდებია: ხელით თეძოს დაჭერა, ფეხკავი, ფეხის წინ ჩადგმა, ფეხის შიგნით ნამგლური მოდება, ფეხის გარედან ნამგლური მოდება, თეძოს ჩადგმა და სხვა.

მოგვერდი ქართულ ჭიდაობაში ერთ-ერთი ცენტრალური ილეთია როგორც მრავალფეროვნებით, ასევე შედეგიანობის მხრივ, ამიტომ მოჭიდავემ განსაკუთრებული ყურადღება უნდა მიაქციოს მის შესწავლას.

***“ხტომა ქვის გდება, რკინობა, მოგვერდი ფანდიც რამ არის”  
- “არჩილიანი”, არჩილ მეფე, XVII საუკუნე.***

## 6. კისრულები.

კისრულის შესრულებისას მოჭიდავე ხელს ავლებს მეტოქეს ჩოხის ყურში, აკეთებს ცრუ მოძრაობას, გამოიყვანს წონასწორობიდან, სწრაფად შემობრუნდება, მხრებსა და წელს შეუცურებს მეტოქეს მუცელსა და მხრებთან, მუხლებში გაიმართება, მოწინააღმდეგეს ზურგზე მოიკიდებს, წინ გადაიხრება და კისერზე გადმოტარებით გულაღმა აგდებს. კისრულის ვარიანტებია: გაქანებით კისრული, ადგილიდან კისრული, ხელჯვარედინი კისრული, ჩოქელა კისრული და მკლაგ-კისრული. ყველა მათგანს გააჩნია თავისი თავდაცვითი და საწინააღმდეგო ფანდები.



## 7. ღოჯურები.

ღოჯურა ეწოდება ფანდს, როდესაც მოჭიდავე ხელებს შემოხვევს მეტოქეს წელზე, თავისკენ მოიზიდავს, აიტაცებს და ტანის მარჯვნივ ან მარცხნივ შემობრუნებით გულაღმა დააგდებს მას სარბიელზე.

აპო. შენიშვნა: კლასიფიკაციისას გამოყენებული გვაქვს სახელმძღვანელო “ქართული ჭიდაობა” ვახტანგ ბალავაძისა და სიმონ მაისურაძის ავტორობით.

## ბრუნები

ბრუნი, ცალკე აღებული, იღეთების კლასიფიკაციაში არ განიხილება, თუმცა აუცილებლად გამოყოფის ღირსია, თანაც სუფთა ქართული ჭიდაობის ხერხია. ბრუნზე განსაკუთრებულ ყურადღება აქვს გამახვილებული სიმონ მაისურაძეს. მაისურაძის აზრით, ბრუნი და ლოჭური ერთმანეთს ავსებენ: “სადაც ბრუნი არ გამოდის, იქ ლოჭურია კარგი და პირიქით - სადაც ლოჭური არ ყოფნის, იქ ბრუნი”.

ბრუნების სხვადასხვა სახეობები გვხვდება: ხელმოხვეული შუაკაურის ბრუნი, ხელგადავლებული შუაკაურის ბრუნი, გარეკაურის ბრუნი, მოკლე ბრუნი, გრძელი კლასიკური ბრუნი, ფეხჩახვეულიდან ბრუნი და სხვა. ბრუნები უმთავრესად გამოიყენება იერიშზე გადმოსული მოჭიდავის მოსაგერიელებლად, მაგრამ ამასთანავე საუკეთესო საიერიშო ფანდიცაა.



## ქართული ჭიდაობა - შეჯიბრების წესები

ავტორის შენიშვნა: ქართული ჭიდაობის ფედერაციის პრეზიდიუმის მიერ დამტკიცებული შეჯიბრების ჩატარების წესები გამოცემულია იური იმერლიშვილის რედაქტორობით (1995 წ.).

## შეჯიბრების ხასიათი

შეჯიბრება ქართულ ჭიდაობაში იყოფა შემდეგ სახეობებად: ა) პირადი; ბ) გუნდური; გ) პირად-გუნდური; დ) საკლასიფიკაციო; ე) აბსოლუტური პირველობა.

1. პირადი შეჭიბრების დროს განისაზღვრება ცალკეულ მონაწილეთა ადგილები ყოველ წონით კატეგორიაში.

2. გუნდურ შეჭიბრებაში განისაზღვრება თითოეული გუნდის მიერ დაკავებული ადგილი.

3. პირად-გუნდური შეჭიბრება ეწოდება ისეთ შეჭიბრებას, რომელშიც განისაზღვრება როგორც ცალკეულ მონაწილეთა, ისე მთლიანად გუნდის მიერ დაკავებული ადგილები.

4. საკლასიფიკაციო შეჭიბრება სპეციალურად ეწყობა მოჭიდავეთა თანრიგის ასამაღლებლად ან დასადასტურებლად. ამგვარი შეჭიბრების დროს პირადი და გუნდური პირველობა არ განისაზღვრება.

5. შეჭიბრების ხასიათი ყოველ ცალკეულ შემთხვევაში განისაზღვრება შეჭიბრების დებულებით.

## **შეჭიბრების ჩატარების სისტემა**

შეჭიბრება ტარდება შემდეგი სისტემით: წრიული, გამოთიშვითი და შერეული.

1. შეჭიბრების წრიული სისტემით ჩატარებისას თითოეული მონაწილე (გუნდი) ხვდება ყველა სხვა მონაწილეს (გუნდს).

2. შეჭიბრების გამოთიშვითი სისტემის ჩატარებისას მონაწილე შეჭიბრებიდან ითიშება მაშინვე, როგორც კი მიიღებს შეჭიბრების ღირებულებით გათვალისწინებულ წამგებიან ქულათა რაოდენობას.

3. შეჭიბრება შერეული სისტემით გულისხმობს, რომ მონაწილეთა წონით კატეგორიებში პრინციპი სხვადასხვაა, სადაც მონაწილეთა რაოდენობა 5-ზე მეტია შეჭიბრება ტარდება გამოთიშვითი სისტემით, სადაც 5-ზე ნაკლებია - წრიული სისტემით.

4. თუ შეჭიბრებაში მონაწილეთა (გუნდთა) რაოდენობა მრავალრიცხოვანია, შეიძლება მათი დაყოფა ქვეჯგუფებად, დაყოფა ხდება იმ ანგარიშით, რომ უძლიერესნი მოხვდნენ სხვადასხვა ქვეჯგუფებში.

5. ქვეჯგუფებში გამარჯვებული მოჭიდავეები (მათი რაოდენობა ყოველი ქვეჯგუფიდან თანაბარი უნდა იყოს) ერთმანეთს ხვდებიან ფინალურ ჯგუფებში და მათ შორის შეხვედრები ტარდება წრიული სისტემით.

6. ფინალში გასული მოჭიდავენი, რომლებიც უკვე შეხვდნენ ერთმანეთს, მეორედ ერთმანეთს აღარ ხვდებიან, მათი შეხვედრის შედეგი ავტომატურად გადადის ფინალში.

7. შეჭიბრების ჩატარების სისტემა ყველა ცალკეულ შემთხვევაში განისაზღვრება დებულებით.

8. აბსოლუტურ პირველობაზე დაიშვებიან უძლიერესი მოჭიდავენი არანაკლებ სამუალო წონისა.

## შეჯიბრების მონაწილენი

მონაწილეთა ასაკი

შეჯიბრების მონაწილეები იყოფიან შემდეგ ასაკობრივ ჯგუფებად:

მოზარდი ჯგუფი	13-14 წწ. ქაბუკები
უმცროსი ასაკის ჯგუფი	15-16 წწ. ქაბუკები
უფროსი ასაკის ჯგუფი	17-18 წწ. ახალგაზრდები
მამაკაცები	18 წლის ზევით

შენიშვნა: უფროსი ასაკის მოჭიდავეებთან შეჯიბრზე ქაბუკები არ დაიშვებიან.

## მონაწილეთა შეჯიბრებაზე დაშვება

1. შეჯიბრებაზე მონაწილეების მისაღებად დაიშვებიან მოჭიდავეები, რომლებმაც გაიარეს სათანადო წვრთნა და აქვთ ნებართვა შეჯიბრებაზე დაშვების შესახებ.

2. განაცხადზე, რომელსაც ადგენს სათანადო სპორტული ორგანიზაცია არსებული ფორმის მიხედვით, სავალდებულოა ექიმის ხელმოწერა და ბეჭედი ყოველი მონაწილის გვარის გასწვრივ.

## წონითი კატეგორიები

შეჯიბრების მონაწილეები იყოფიან შემდეგ წონით კატეგორიებად.

მოზარდები (13-14 წელი) - ქიდაობის ხანგრძლივობა 3 წთ.

1. 1-ლი უმრატესი 30-33კგ; 2. მე-2 უმრატესი 33-36კგ; 3. 1-ლი მრატე 36-40კგ; 4. მე-2 მრატე 40-44კგ; 5. ქვემსუბუქი 44-48კგ; 6. მსუბუქი 48-52კგ; 7. ქვესაშუალო 52-56კგ; 8. საშუალო 56-60კგ; 9. ქვემძიმე 60-65კგ; 10. მძიმე 65-70კგ; 11. ზემძიმე 70კგზე მეტი.

ქაბუკები (უმცროსი ჯგუფი 15-16წლის) - ქიდაობის ხანგრძლივობა 3 წთ.

1. უმრატესი 47-49კგ; 2. მრატე 49-52კგ; 3. ქვემსუბუქი 52-55კგ; 4. მსუბუქი 55-58კგ; 5. ქვესაშუალო 58-61კგ; 6. საშუალო 61-64კგ; 7. ქვემძიმე 64-67კგ; 8. მძიმე 72 კგ-ზე მეტი.

ქაბუკები (უფროსი ასაკის ჯგუფი 17-18 წწ.) - ქიდაობის ხანგრძლივობა 4წთ.

1. ურატესი 49-52კგ. 2. მრატე 52-56კგ. 3. ქვემსუბუქი 56-60კგ. 4. მსუბუქი 60-64კგ. 5. ქვესაშუალო 64-68კგ. 6. საშუალო 68-72კგ. 7. ქვემძიმე 72-76კგ. 8. მძიმე 76-80კგ. 9. მძიმე 80კგ-ზე მეტი.

მამაკაცები (18 წელი და უფროსი ასაკი) - ქიდაობის ხანგრძლივობა 5 წთ.

1. უმრატესი 52-56კგ; 2. მრატე 56-60კგ; 3. ქვემსუბუქი 60-64კგ; 4. მსუბუქი 64-68კგ; 5. ქვესაშუალო 68-72კგ; 6. საშუალო 72-78კგ; 7. ქვემძიმე 78-84კგ; 8. მძიმე 84-90კგ; 9. მძიმე 90კგ-ზე მეტი.

შეტიბრების ყველა მონაწილეს უფლება აქვს იჭიდაოს მხოლოდ იმ წონით კატეგორიაში, რომელშიც მოხვდა ოფიციალური აწონვისას.

## **მონაწილეთა აწონვა და კენჭისყრა**

1. აწონვა ტარდება შეტიბრების პირველ დღეს და იწყება ქიდაობის დაწყებამდე 3 საათით ადრე. აწონვა გრძელდება 1 საათის განმავლობაში.

2. მოჭიდავე, რომელიც დააგვიანებს ან არ გამოცხადდება აწონვაზე, შეტიბრებაზე არ დაიშვება.

3. მოჭიდავე იწონება ტანშიშველი. აწონვის შემდეგ იწერება ოქმში.

4. აწონვას აწარმოებს მთავარი მსაჯის მოადგილე, ორი მსაჯი და შეტიბრების მდივანი. ექიმის დასწრება აწონვაზე სავალდებულოა. აწონვის წინ მონაწილე ვალდებულია წარადგინოს პირადობის დამადასტურებელი დოკუმენტი.

5. კენჭისყრას ატარებს კომისია, რომელშიც შედიან: მთავარი მსაჯი ან მისი მოადგილე, მდივანი და ერთ-ერთი მსაჯი. კენჭი ამოაქვს თითოეულ მონაწილეს წარმომადგენლის ან გუნდის თავის თანდასწრებით.

## **მონაწილეთა უფლება-მოვალეობანი**

1. მონაწილე ვალდებულია დაიცვას შეტიბრების დებულება და წესები.

2. შეტიბრების წესების დარღვევისათვის მონაწილეს ეთვლება დამარცხება.

3. თუ მონაწილე გამოცხადების შემდეგ არ გამოვიდა 2 წუთის განმავლობაში, იგი იხსნება შეტიბრებიდან.

4. მონაწილეს უფლება აქვს მიმართოს მსაჯთა კოლეგიას წარმომადგენლის ან გუნდის თავის მეშვეობით. პირად შეტიბრებაში მონაწილეს უფლება აქვს, მიმართოს მთავარ მსაჯს.

5. მონაწილე, რომელსაც რაიმე მიზეზის გამო არ შეუძლია გააგრძელოს შეტიბრებაში მონაწილეობა, მოვალეა ამის შესახებ აცნობოს მსაჯთა კოლეგიას მანამ, სანამ დაიწყება მორიგი წრის წყვილთა შედგენა.

## **მონაწილეთა ტანსაცმელი**

1. მოჭიდავე ვალდებულია შეტიბრებაზე გამოვიდეს ლამაზი, სუფთა და ტანზე კარგად მორგებული ტანსაცმლით. მას უნდა ეცვას უსახელო ჩოხა იმავე ნაჭრის ქაშრით, ტრუსი, ბანდაჟი. (უფლება აქვს იჭიდაოს ფეხშიშველმაც.)

2. გუნდური შეტიბრების დროს გუნდის წევრებს უნდა ეცვათ ერთნაირი ფორმა და ჩოხა.

## **წარმომადგენელი და გუნდის თავი**

1. შეჯიბრების მონაწილე ყველა გუნდს უნდა ჰყავდეს თავისი წარმომადგენელი.

2. წარმომადგენელი გუნდის ხელმძღვანელია და პასუხს აგებს გუნდის წევრების დისციპლინაზე, უზრუნველყოფს გუნდის დროულად გამოცხადებას შეჯიბრებასა და შეხვედრაზე.

3. წარმომადგენელი მონაწილეობს კენჭისყრაში, ესწრება მსატა კოლეჯის იმ თათბირებს, სადაც განიხილება თავისი გუნდის საკითხი.

4. წარმომადგენელს ეკრძალება, ჩაერთოს მსატა და შეჯიბრების ჩამტარებელ პირთა მუშაობაში. მან საჩივარი უნდა წარუდგინოს მთავარ მსატს, რომელშიც ნათლად იქნება მინიშნებული, თუ წესების რომელი პუნქტია დარღვეული.

5. თუ გუნდს წარმომადგენელი არ ჰყავს, მის მოვალეობას ასრულებს მწვრთნელი ან გუნდის თავი.

6. გუნდის წარმომადგენლებსა და მონაწილეებს უფლება არ აქვთ, იმსატონ იმავე შეჯიბრებაზე.

## **მსატა კოლეჯი**

მსატა კოლეჯის შემადგენლობა

1. შეჯიბრების მთავარ მსატს ნიშნავს შეჯიბრების ჩამტარებელი ორგანიზაცია.

2. მსატა კოლეჯის შემადგენლობაში შედიან: მთავარი მსატი, მთავარი მსატის მოადგილე, შუამავალი მსატი (არბიტრი), გვერდითი მსატი, წამმზომელი მსატი, მსატ-ფარეში (მსატი მონაწილეებთან), შეჯიბრების კომენდანტი, ექთანი და ინფორმატორი.

3. შეჯიბრებას სჯიან მთავარი მსატი ან მისი მოადგილე შუამავალი მსატი (არბიტრი) და სამი გვერდითი მსატი.

4. ყოველი მსატი ვალდებულია, ჰქონდეს შეჯიბრების წესები, მსატა კოსტიუმები და სასტვენი. (მსატი ვალდებულია, ეცვას თეთრი პერანგი, ლურჯი და წითელი ფერის სამკლავურები, შავი შარვალი და რბილძირიანი სპორტული ფეხსაცმელები.)

## **მთავარი მსატი**

1. მთავარი მსატი ვალდებულია, შეჯიბრება ჩაატაროს არსებული წესების ზუსტი დაცვით. მის განკარგულებას ემორჩილებიან მონაწილეები, მსატები და გუნდის წარმომადგენლები.

2. მთავარი მსატი ვალდებულია, შეჯიბრების დაწყებამდე შეამოწმოს შეჯიბრების ადგილი და ინვენტარის ვარგისიანობა და ამის შესახებ შეადგინოს სათანადო აქტი.

3. იგი ამოწმებს და ამტკიცებს დაწყვილებებს წრეების მიხედვით, ანაწილებს მსაჯებს ბრიგადებად.

4. მთავარ მსაჯს უფლება აქვს: ა) გადადოს შეჯიბრება, თუ სპორტული ბაზა და მოწყობილობა მისი ჩატარებისთვის უვარგისი აღმოჩნდა; ბ) შეწყვიტოს ან შეაჩეროს შეჯიბრება, თუ ირღვევა მეტეოროლოგიური პირობების ან სხვა რაიმე მიზეზის გამო; გ) შეიტანოს ცვლილებები შეჯიბრების პროგრამასა და განრიგში, თუ ამისათვის შეიქმნა აუცილებელი პირობები; დ) მოახდინოს მსაჯთა გადანაცვლება შეჯიბრების მსვლელობისას; ე) მოხსნას ის მსაჯები, რომლებიც დაუშვებენ უხეშ შეცდომას ან ვერ შეძლებენ მათზე დაკისრებული მოვალეობის სათანადოდ შესრულებას; ვ) არ დაუშვას შეჯიბრებაზე ის მონაწილეები, რომლებიც ჩაცმულობით, ასაკით ან სპორტული კლასიფიკაციით ვერ პასუხობენ დებულების წესებს; ზ) მოხსნას ის მონაწილენი, რომლებიც იუხეშებენ ან ჩაიდენენ სპორტსმენისათვის შეუფერებელ საქციელს.

5) თითოეული შეხვედრის შემდეგ მთავარი მსაჯი (ან მისი მოადგილე) ამოწმებს ჩანაწერს და იძლევა გამოცხადების უფლებას ან თვითონ აცხადებს მას.

6) არბიტრის მიერ ტექნიკური შეცდომის შემთხვევაში მთავარ მსაჯს უფლება აქვს, დაუყონებლივ შეაჩეროს შეხვედრა და მისცეს არბიტრს სათანადო მითითება.

7) მთავარი მსაჯი მოვალეა, შეტანილი საჩივრის თაობაზე გამოიტანოს გადაწყვეტილება არა უგვიანეს ერთი საათისა მისი მიღებიდან. ცალკეულ შემთხვევაში, თუ საჭიროა საჩივარში აღნიშნული ფაქტების შემოწმება, გადაწყვეტილება აუცილებლად გამოტანილი უნდა იქნეს შემდეგი წრის დაწყვილებამდე.

8) მთავარი მსაჯი ატარებს მსაჯთა კოლეგიის სხდომებს ყოველ ჯერზე შეჯიბრების დაწყებისა და დამთავრების შემდეგ და ასევე იმ შემთხვევაში, თუ ამას მოითხოვს საჭიროება.

9) უბედური შემთხვევისას მთავარი მსაჯი მოვალეა, ამის შესახებ დაუყონებლივ აცნობოს ჩამტარებელ ორგანიზაციას, ხოლო ადგილზე უნდა შეადგინოს სათანადო აქტი ამ შემთხვევის ყველა გარემოების ზუსტი აღნიშვნით.

10) მთავარი მსაჯი მოვალეა, შეჯიბრების დამთავრებიდან სამი დღის განმავლობაში შეჯიბრების ჩატარების შესახებ სრული ანგარიში წარუდგინოს შეჯიბრების ჩამტარებელ ორგანიზაციას.

## **მთავარი მსაჯის მოადგილე**

1. მთავარი მსაჯის მოადგილე ეხმარება მთავარ მსაჯს ყოველგვარ საქმიანობაში და მთავარი მსაჯის არყოფნის შემთხვევაში ასრულებს მის მოვალეობებს.

## არბიტრი - შუამავალი მსაჯი

1. არბიტრი უშუალოდ ხელმძღვანელობს შეჯიბრებას, იგი სასტვენით აძლევს ნიშანს შეჯიბრების დაწყების, შეჩერების, განახლებისა და დასრულების შესახებ.

შეჯიბრების შედეგების გამოცხადებისას, არბიტრი ხელებში მოჰკიდებს ხელს ორივე მოჭიდავეს და მალა აღმართავს გამარჯვებულის ხელს.

2. არბიტრი შეაჩერებს შეხვედრას იმ შემთხვევაში, თუ:

- ა) დამარცდა ერთ-ერთი მოჭიდავე;
- ბ) რომელიმე მონაწილემ იხმარა აკრძალული ხერხი;
- გ) მოჭიდავემ მიიღო დაზიანება და საჭიროა საექიმო დახმარება;
- დ) გაფრთხილებას აძლევენ მოჭიდავეს;
- ე) საჭიროა მოჭიდავის მოხსნა გაუფრთხილებლად;
- ვ) მოითხოვს მთავარი მსაჯი ან გვერდითი მსაჯი;
- ზ) მოითხოვს მოჭიდავე;
- თ) მოჭიდავენი სარბიელს გარეთ გავლენ.

3. შეჯიბრის დროს არბიტრი ვალდებულია, ყურადღებით ადევნოს თვალყური შეხვედრას, შეაფასოს მოჭიდავეთა თითოული ილეთი, გაარკვიოს პირველ წუთებში რომელი მათგანი ჭიდაობს აქტიურად და რომელი - პასიურად. მასზე დიდადაა დამოკიდებული ჭიდაობის მსვლელობა, ამიტომ არბიტრი ვალდებულია, ობიექტურად გამოიყენოს ყველა მინიჭებული უფლება, რათა მოჭიდავეებმა აქტიურად და მიზანდასახულად იჭიდაონ.

არბიტრი ყველა ილეთის შეფასებას ახდენს უესტიკულაციით, იგი ხელით აჩვენებს ერთქულიანია თუ ორქულიანი ილეთი, გვერდითი მსაჯებაც აჩვენებენ თავის შეხედულებას ხელით, ელექტრონათურით ან ფარებით.

თუ გვერდითი მსაჯები არბიტრს დაუდასტურებენ ილეთის შეფასებას, შედეგი შეიტანება წყვილთა შეხვედრის ოქმში, ხოლო თუ არ დაადასტურებენ შეფასებას, შეხვედრა უნდა შეწყდეს შედეგის გასარკვევად. შედეგის დაზუსტების შემდეგ ოქმში შეიტანება მთავარი მსაჯის, არბიტრისა და გვერდითი მსაჯების მიღებული ერთობლივი გადაწყვეტილებით დაფიქსირებული შედეგი.

4. თუ შეჭიდების მსვლელობაში მოხდა დარღვევა, რომელსაც მოცემული წესების თანახმად უნდა მოჰყვეს გაფრთხილება, არბიტრს შეუძლია შეწყვიტოს შეხვედრა, შეუთანხმოს თავისი შეხედულება მთავარ და გვერდით მსაჯებს და მისცეს მოჭიდავეებს გაფრთხილება. მთავარმა მსაჯმა ყოველი გაფრთხილება უნდა გამოაცხადოს დროულად.

5. თუ მოჭიდავე იყენებს აკრძალულ ილეთს, რომელიც არსებულ გავლენას არ ახდენს შეჭიდების შედეგზე, არბიტრმა ჭიდაობის შეუჩერებლად უნდა აღკვეთოს ამგვარი მოქმედება.

6. არბიტრი მოვალეა, ჭიდაობის დროს თვალყური ადევნოს გვერდითი მსაჯების ნიშანს და დროული რეაგირება მოახდინოს წესების შესაბამისად.

## **გვერდითი მსაჯი**

1. გვერდითი მსაჯი განსაზღვრავს შეჭიდების შედეგს, ეხმარება არბიტრს, ანიშნებს მოჭიდავეების მიერ წესების დარღვევის ან შეჭიდების სხვა ისეთი მომენტის შესახებ, რამაც შეიძლება განაპირობოს ასპარეზობის შეწყვეტა.

2. გვერდითი მსაჯები სხედან საჭიდაო სარბიელზე მთავარი მსაჯის პირდაპირ მარჯვენა და მარცხენა მხარეს. ჭიდაობის მსვლელობისას გვერდითი მსაჯი აძლევს ნიშანს შეჭიდების შეჩერების, ერთ-ერთი მოჭიდავის დამარცხებისა ან რაიმე საჭიროების დროს.

## **მდივანი**

1. მდივანი მონაწილეობს აწონვაში, კენჭისყრასა და წყვილების შედგენაში.

2. იგი აფორმებს მსაჯთა კოლეგიის სხდომათა ოქმებს, აწარმოებს მთავარი მსაჯის განკარგულებებსა და გადაწყვეტილებებს, ღებულობს განაცხადებებსა და საჩივრებს და მათ შესახებ აცნობებს მთავარ მსაჯს. მთავარი მსაჯის ნებართვით ცნობებს აწვდის ინფორმატორს, გუნდების წარმომადგენლებსა და კორესპონდენტებს.

3. მდივანი აფორმებს შეჯიბრების ოქმებს, ცხრილებსა და მთელ სამსაჯო მასალას.

4. იგი მოვალეა, შეიტანოს მოჭიდავის სპორტულ სააღრიცხვო ბარათში შეხვედრათა შედეგები და მის მიერ დაკავებული ადგილი.

## **მსაჯ-ფარეში (მსაჯი მონაწილეობთან)**

მსაჯფარეში მოვალეა:

ა) შეჯიბრების დაწყების წინ შეამოწმოს, ადგილზე არიან თუ არა მონაწილენი, წესრიგში აქვთ თუ არა სპორტული ტანსაცმელი. თან იქონიოს ორი განსხვავებული ფერის ჩოხა და ქამრები.

ბ) მოჭიდავეებს გამოუცხადოს ხალიჩაზე გასვლის დრო და რიგი.

გ) აცნობოს მთავარ მსაჯს მოჭიდავის გამოუცხადებლობის ან შეჭიდებაზე უარის თქმის შესახებ.

წამ-მზომელი მსაჯი

1. წამ-მზომელი მსაჯი ზუსტად აღნიშნავს ჭიდაობის დაწყებასა და შეწყვეტას არბიტრის სასტვენის მიხედვით.

2. იგი ჭიდაობისათვის განსაზღვრული დროის დამთავრებას აღნიშნავს სასტვენით.

## **ინფორმატორი**

1. ინფორმატორი მაყურებელს აწვდის ინფორმაციას შეტიბრების მსვლელობისა და შედეგების შესახებ, აცხადებს შეტიბრების პროგრამასა და წესს, ყველა შეხვედრის შედეგს, მორიგი წყვილების შემადგენლობასა და მონაწილეთა სპორტულ დახასიათებას.

2. ინფორმატორი ყოველგვარ ოფიციალურ ინფორმაციას აცხადებს მხოლოდ მთავარი მსაჯის ნებართვით.

## **შეჯიბრების კომენდანტი**

1. შეჯიბრების კომენდანტი უშუალოდ აგებს პასუხს შეჯიბრების ადგილის დროულად და ხარისხიანად მოწყობა-გაფორმებაში.

## **შეჯიბრების ექიმი**

1. შეჯიბრების ექიმი შედის მსაჯთა შემადგენლობაში და მონაწილეობს მის მუშაობაში.

შეჯიბრების ექიმი ასრულებს შემდეგ მოვალეობებს:

ა) ამოწმებს, არის თუ არა განაცხადში ექიმის ნებართვა მოჭიდავის შეჯიბრებაზე დაშვების შესახებ.

ბ) უზრუნველყოფს შეჯიბრების სანიტარულ-ჰიგიენურ პირობებს, მონაწილის ტრავმის ან დაავადების შემთხვევაში უწევს მას სათანადო სამედიცინო დახმარებას.

გ) მონაწილის ტრავმის ან ავადმყოფობის შემთხვევაში განსაზღვრავს შეჯიბრებაზე მისი შემდგომი მონაწილეობის შესაძლებლობას და თუ საჭიროება მოითხოვს, ათავისუფლებს მონაწილეს შეჯიბრებიდან მთავარ მსაჯთან შეთანხმებით. ამის შემდეგ იგი იძლევა დასკვნას, რომელშიც აღნიშნავს მონაწილის შეჯიბრებიდან მოხსნის მიზეზს.

დ) ხელმძღვანელობს შეჯიბრებაში მომუშავე სხვა მედ-მუშაკთა საქმიანობას.

ე) ესწრება მონაწილეთა აწონვას და ყოველ ცალკეულ შემთხვევაში გამოაქვს დასკვნა მონაწილის შეჯიბრებაზე დაშვების შესაძლებლობის შესახებ.

ვ) შეჯიბრების დამთავრებიდან არაუგვიანეს ერთი დღისა ექიმი მოვალეა, წარუდგინოს შეჯიბრების მთავარ მსაჯს სრული ანგარიში მის მიერ ჩატარებული მუშაობის შესახებ.

## **სანივარი**

1. წერილობით სანივარს მდივანს გადასცემს გუნდის წარმომადგენელი, გუნდის თავი ან პირადად მონაწილე (პირადი შეჭიბრის დროს), უშუალოდ შედეგის გამოცხადების შემდეგ მორიგი წრის დაწყებამდე. სანივარს განიხილავს მთავარი მსაჯი. სანივრის გარჩევის დროს გადამწყვეტი ხმის უფლება აქვთ მთავარ მსაჯსა (ან მის მოადგილეს) და იმ მსაჯებს, რომლებიც სჯიდნენ გასანივრებულ შეხვედრას.

## **წიდაობის მსაჯობის წესები**

შეხვედრათა რაოდენობა

1. უფროსი ასაკის (18 წელი და მეტი) მოჭიდავეებს შეუძლიათ, მონაწილეობა მიიღონ არა უმეტეს ოთხ შეხვედრაში, ხოლო ახალბედასა და ქაბუკს - არაუმეტეს სამ შეხვედრაში.

2. მეორე შეჭიდების წინ მონაწილემ უნდა დაისვენოს არანაკლებ 20 წუთი, მე-3 და მე-4 შეჭიდების - წინ 30 წუთი.

## **შეჭიბრების დასაწყისი და დასასრული**

1. შეჭიდების დაწყების წინ მოჭიდავეები დგებიან მოედნის კიდეებზე ერთმანეთის პირისპირ, არბიტრის სასტვენის ხმაზე მოჭიდავეები უახლოვდებიან ერთმანეთს, ხელს ჩამოართმევენ, გადადგამენ სამ ნაბიჯს, მობრუნდებიან მარცხნივ და იწყებენ წიდაობას.

2. შეჭიდების დამთავრების შემდეგ მოჭიდავეები დგებიან საჭიდაო სარბიელის შუაში, არბიტრის ორივე მხარეს, შედეგის გამოცხადებისა და გამარჯვებულის ხელის აწევის შემდეგ მოჭიდავეები ხელს ჩამოართმევენ ერთმანეთს და გადიან სარბიელიდან.

3. მოჭიდავე, რომელიც უარს იტყვის მოწინააღმდეგისთვის ხელის ჩამოართმევაზე, იხსნება შეჭიბრებიდან.

## **შეჭიბრების მსვლელობა და ხანგრძლივობა**

1. შეჭიდება იწყება (მუსიკის თანხლებით), მთავრდება, დაუყონებლივ წყდება და ხელახლა იწყება არბიტრის სასტვენის ხმაზე.

2. წიდაობის ხანგრძლივობა მოზარდთა და ქაბუკთა უმცროსი ჯგუფებისთვის - 3 წთ. ქაბუკთა უფროსი ჯგუფისთვის - 4 წთ. უფროსებისთვის - 5 წთ.

გუნდურ შეჭიბრებაზე და სხვადასხვა თანრიგოსანთანათვის - დაწესებულ დროს.

3. მოჭიდავეებს შეჭიდების მსვლელობის დროს უფლება არ აქვთ, გაიძინონ სარბიელიდან არბიტრის ნებართვის გარეშე.

4. თუ ერთ-ერთმა მოჭიდავემ მიიღო დაზიანება ან მოუწესრიგებელი აქვს ტანისამოსი, წიდაობა შეჩერდება არაუმეტეს 5 წუთისა.

5. თუ 5 წუთის გასვლის შემდეგ მოჭიდავეს არ შეუძლია ჭიდაობის გაგრძელება, მას ჩაეთვლება დამარცხება. თუ ერთი შეხვედრის განმავლობაში შეჭიდება შეწყდება რამდენიმეჯერ, მათი ჯამი არ უნდა აღემატებოდეს 5 წუთს, წინააღმდეგ შემთხვევაში მონაწილე ითვლება დამარცხებულად.

## **შეჭიდების შედეგი**

1. შეჭიდების შედეგს წარმოადგენს ერთი მოჭიდავის გამარჯვება და მეორის დამარცხება.

2. გამარჯვების შემდეგი სახეები არსებობს:

ა) წმინდა გამარჯვება (ზურგზე გდება) - 0:4

ბ) ქულებით გამარჯვება - 1:2 (როდესაც ქულათა სხვაობა არ აღემატება ერთ ქულას ან თანაბარია)

გ) ქულებით გამარჯვება - 1:3 (როდესაც ქულათა სხვაობა აღემატება 1-ს)

დ) მოწინააღმდეგის მოხსნის გამო გამარჯვება (2 გაფრთხილების შემდეგ, რომელიც მის მოწინააღმდეგეს მიეცემა მსაჯთა კოლეგიის მიერ შეჭიდების მსვლელობისას პასიურობისთვის ან წესების დარღვევისთვის და ა.შ.) - 0:4

ე) მოწინააღმდეგის სარბიელზე გამოუსვლელობის გამო (თუ მოწინააღმდეგემ უარი განაცხადა შეჭიდების გაგრძელებაზე დაზიანების მიღების გამო და სხვა) - 0:4

## **წმინდა გამარჯვება**

1. წმინდა გამარჯვება მოჭიდავეს ჩაეთვლება იმ შემთხვევაში, თუ მოწინააღმდეგე სარბიელს შეეხება ორივე ბეჭით ან გადაგორდება ზურგზე ისე, რომ სარბიელზე შეეხება ხდება ერთმანეთზე მიყოლებით, როგორც განუწყვეტელი მოძრაობა, ყოვლის გარეშე.

2. შეჭიდების შედეგად მოჭიდავის გამოუცხადებლობის შემთხვევაში ითვლება წმინდა გამარჯვება. შეჭიდების დრო ამ შემთხვევაში უდრის 00 წუთსა და 00 წამს.

შენიშვნა: მოჭიდავეს, რომელიც შედგება "ხიდურზე", ჩაეთვლება წმინდა დამარცხება.

## **ქულებით გამარჯვება**

1. თუ შეჭიდებისთვის დაწესებული დროის განმავლობაში ადგილი არ ჰქონდა წმინდა გამარჯვებას, მსაჯები გამარჯვებულს გამოავლენენ ჭიდაობის ხარისხით, რაც განისაზღვრება ჩატარებული ილეთის შედეგად დაგროვილი ქულებით.

ა) 1:2 გამარჯვება მიენიჭება მაშინ, როდესაც ქულათა სხვაობა არ აღემატება 1 ქულას.

ბ) 1:3 გამარჯვება მიენიჭება მაშინ, როდესაც ქულათა სხვაობა არ აღემატება ქულას.

გ) თანაბარი ქულების შემთხვევაში უპირატესობა მიენიჭება იმას, ვისაც მეტი ტექნიკური ქულა აქვს (2 ქულიანს უპირატესობა აქვს თითო ერთქულიანთან) გდებით მიღებულ ქულას უპირატესობა აქვს გაფრთხილებით მიღებულ ქულასთან.

დ) თანაბარი საფანდო ქულების შემთხვევაში უპირატესობა აქვს იმას, ვისაც მეტი აქტივობა აქვს, თუ აქტივობაც თანაბარია, უპირატესობა მიენიჭება იმას, ვისაც ბოლო ქულა აქვს მოპოვებული, მნიშვნელობა არ აქვს, ტექნიკურით თუ გაფრთხილებით არის მიღებული.

## ფანდების შეფასება

1. ერთქულიანი იწერება მაშინ, როდესაც შემტევი მოჭიდავე ფანდზე გადმოაგდებს მოწინააღმდეგეს, რომელიც სარბიელზე ეცემა გვერდზე, მუცელზე ან საჯდომზე.

შენიშვნა: ა) გდება უნდა იყოს გამიზნული ზურგზე წასაქცევად.

ბ) როდესაც მოჭიდავე აკეთებს სარმას, მოგვერდს, კისრულს და სხვა, მისი მოწინააღმდეგე თავდაცვის მიზნით ფეხკავს ამოსდებს ან ფეხებს ნამგლურად ამოსდებს და პირქვე დააგდებს, არაფერი არ ეწერება, ხოლო თუ იგივე მოქმედებით გვერდზე დაეცემა, ქულა იწერება.

2. ორქულიანი იწერება მაშინ, როდესაც მოწინააღმდეგე ხალიჩაზე ეცემა ისე, რომ ნახევარი ზურგით ხალიჩას ეხება ან ეცემა გულაღმა და ორივე იდაყვით ებჯინება ხალიჩას, თუ შემტევმა მოჭიდავემ ბრუნის გააკეთა და დაიხურა, მის მოწინააღმდეგეს დაეწერება ქულები ზემოაღნიშნული პირობის დაცვით.

შენიშვნა: თუ ბრუნის ჩამტარებელი პირველი შეეხო ლეიბს, ეს მას ქულის მოპოვების საშუალებას არ უსპობს, ხოლო თუ ორივე ბეჭებით თავად შეეხო ლეიბს და შემდეგ მოწინააღმდეგე წააქცია - წაქცეულად ბრუნის ჩამტარებელი ითვლება.

3. აქტივობა: აქტივობად ითვლება ეპიზოდი, როდესაც შემტევი მოჭიდავე მოწინააღმდეგეს ზურგზე წააქცევს მიზნით ილეთზე გადმოაგდებს ისე, რომ იგი ხელით ან მუხლით ხალიჩას შეეხება, ან ჰაერში აიტაცებს და კრიტიკულ მდგომარეობაში ჩააყენებს - აღინიშნება.

## პასიურობა

პასიურობად ითვლება მოჭიდავის ისეთი მოქმედება, როცა ის თავმდამსხმელს იგერიებს და კონტრ-შეტევაზე არ გადადის, გარბის სარბიელიდან, ან ზოგჯერ მოწინააღმდეგეს გაჰყავს მოედნიდან, ყოველივე ამისათვის არბიტრმა ერთი წუთის შემდეგ უნდა მისცეს შენიშვნა, გამეორების შემთხვევაში კი ორი წუთის შემდეგ - გაფრთხილება. პასიურობად ითვლება განზრახ მუხლზე დაჩოქება, პირქვე დავარდნა ხელებით სარბიელზე და ბჯენი მოწინააღმდეგის ილეთის აცილების მიზნით.

## **გაფრთხილება და დისკვალიფიკაცია**

1. აკრძალული ილეთის გამოყენების, არასწორი ქცევისა ან პასიურობისათვის მოჭიდავეს ეძლევა გაფრთხილება.

2. თუ მოჭიდავეს მიეცა გაფრთხილება, მის მოწინააღმდეგეს ეწერება ერთი მომგებიანი ქულა (ფრჩხილებში ჩასმით).

3. მოჭიდავე დამარცხებულად ჩაითვლება თუ:

ა) უწესოდ ან უხეშად მოეპყრო მოწინააღმდეგეს ან მსაჯებს;

ბ) გამოიყენებს აკრძალულ ფანდს გაფრთხილების შემდეგაც;

გ) განზრახ გამოიყენებს აკრძალულ ფანდს.

4. მოჭიდავის დისკვალიფიკაციის მიზნით არბიტრი წყვეტს შეჭიდებას, ხოლო მთავარ მსაჯს გამოაქვს სათანადო გადაწყვეტილება და აცხადებს მას.

5. მოჭიდავესათვის გაფრთხილების გამოსაცხადებლად საჭიროა გვერდითი მსჯების თანხმობა, რის შემდეგ არბიტრი აჩერებს შეჭიდებას და მთავარი მსაჯი აძლევს გაფრთხილებას. ორი გაფრთხილების შემდეგ მოჭიდავეს ეძლევა დამარცხება.

შენიშვნა: მოწინააღმდეგეს ქამარში დიდხანს (6 წამზე მეტი) ხელის ჩავლებზე და მუცელში ხელის მიბჯენისათვის მოჭიდავეს ეძლევა შენიშვნა, განმეორებით შემთხვევაში - გაფრთხილება.

## **ჭიდაობა მოედნის ნაპირას**

1. თუ ერთ-ერთი ან ორივე მოჭიდავე საჭიდაო მოედნის გარეთ იმყოფება, არბიტრი წყვეტს დაჭიდებას და მოჭიდავეებს აბრუნებს სარბიელზე.

2. საჭიდაო მოედნის გარეთ დამთავრებული ილეთი არ ითვლება.

3. სარბიელის გარე მდგომარეობად ითვლება შემდეგი ვითარებები:

ა) ერთ-ერთი მოჭიდავე ორივე ფეხის ტერფით საჭიდაო მოედნის გარეთ აღმოჩნდება.

ბ) სარბიელზე დაცემისას მოჭიდავის ქვედა ტანი სარბიელს ხაზგარეთ აღმოჩნდება, ფეხები კი სარბიელზე.

4. თუ ერთ-ერთმა მოჭიდავემ ფანდის გაკეთება დაიწყო სარბიელის ნაპირზე და განაგრძობს მოქმედებას ცენტრის მიმართულებით, ჭიდაობა არ უნდა შეჩერდეს.

შენიშვნა: თუ ძირს დაცემული მოჭიდავის ბეჭები სარბიელზეა, ხოლო სხეული - სარბიელს გარეთ, ილეთი ითვლება.

## **აკრძალული ფანდები**

1. ჭიდაობის დროს აკრძალულია:

ა) დაცემულთან ჭიდაობა, მიწოლა, გადაგორება.

ბ) ქამრის ქვევით (ჩოხაში, ტრუსში) ხელის ჩავლება.

გ) ჭიდაობის დაწყებისას ხელის ტაცება, თუ მოწინააღმდეგე ზურგშექცეულია.

დ) ცალ თეძოსთან ორივე ხელის ტყუპად ჩავლება.

- ე) მკლავით, ხელებით ან ჩოხის საშუალებით ყელში წაჭერა.
  - ვ) ფეხზე ფეხის დარტყმა.
  - ზ) თავის გრეხვა ხელებით.
  - თ) ხელხლართულები.
  - ი) თავზე დაგდება ან მოწინააღმდეგისთვის თავის დარტყმა.
  - კ) ცალი ხელით კისრის დაჭერა.
  - ლ) ხელით კისერზე დაწოლა.
  - მ) ხელის მუცელში მიბჯენა.
  - ნ) მატის, თითების, მკლავების გრეხვა სახსრების საწინააღმდეგოდ.
  - ო) მოწინააღმდეგესთან ან მსაჯებთან შელაპარაკება (საჭირო დროს მოჭიდავეს უფლება აქვს, მიმართოს მხოლოდ არბიტრს).
2. აკრძალული ფანდების გამოყენების, წესების დარღვევისა ან სხვა უდისციპლინო საქციელისათვის, ისე როგორც პასიურობისათვის, არაუმეტეს ერთი გაფრთხილება-განმეორების შემთხვევაში, მოჭიდავე იხსნება შეხვედრიდან.
- წესების განზრახ უხეში დარღვევისთვის მონაწილე შეჯიბრებიდან უნდა მოიხსნას გაუფრთხილებლივ.

## **საჭიდაო სარბიელი**

1. საჭიდაო სარბიელის დიამეტრი უნდა იყოს არანაკლებ 10 მეტრი. მოედანი უნდა იყოს სწორი და მოფენილი 20-30 სანტიმეტრი ნახერხით.
2. ლეიბი უნდა იყოს ზომით არანაკლებ 8x8 და არა უმეტეს 10x10მ. დაზღვევის მიზნით ლეიბის ირგვლივ საჭიროა დაიფინოს არა ნაკლებ ერთი მეტრი სიგანის ტანვარჯის ლეიბი. მოედანი, რომელზეც ეწყობა ლეიბები, უნდა იყოს ლეიბზე ფართო. ლეიბისა და მთელი მოწყობილობის ვარგისიანობას განსაზღვრავენ მთავარი მსაჯი, ექიმი და შეჯიბრების ჩამტარებელი ორგანიზაციის წარმომადგენლები. სარბიელის ვარგისიანობა უნდა დაფიქსირდეს სპეციალური მიღების ოქმით.

## **პირადი პირველობის მონაწილეთა ადგილების განსაზღვრა**

1. შეჯიბრების გამარჯვებულად ითვლება ის მოჭიდავე, რომელმაც ყველა შეხვედრის შედეგად მიიღო წამგებიან ქულათა უმცირესი რაოდენობა.
2. თუ ორი მოჭიდავე მოაგროვებს თანაბარ ქულათა რაოდენობას, უპირატესობა ენიჭება ურთიერთშეხვედრაში გამარჯვებულს.
3. თუ სამ მოჭიდავეს (ფინალში ურთიერთშორის გამარჯვებულებს) თანაბარი ქულები აქვთ, უპირატესობა მიენიჭება იმას, ვისაც მეტი წმინდა გამარჯვება აქვს მოპოვებული ფინალში გამოსულ მოჭიდავეთა შორის, თუ ეს მაჩვენებელიც თანაბარი აღმოჩნდა, მაშინ უპირატესობა მიენიჭება იმას, ვინც ნაკლები დრო დახარჯა წმინდა გამარჯვების მოსაპოვებლად, თუ აქაც თანაბარია, მაშინ უპირატესობა მიენიჭება იმას, ვისაც მეტი ფაქტიური შეხვედრა აქვს ჩატარებული. თუ აქაც თანაბარია, მაშინ უპირატესობა

ობა ენიჭება იმას, ვისაც მეტი წმინდა გამარჯვება აქვს ყველა შეხვედრაში, თუ ესეც თანაბარია, მაშინ იმას, ვისაც ნაკლები დრო აქვს დახარჯული ყველა შეხვედრაში. თუ ესეც თანაბარი აღმოჩნდა, მაშინ უპირატესობა ენიჭება იმას, ვისაც ნაკლები საკუთარი წონა აქვს, თანაფარდობის შემთხვევაში გამარჯვებული გამოვლინდება კენჭისყრის შედეგად.

თუ შეჯიბრება ტარდება გამოთიშვითი სისტემით, მონაწილე, რომელმაც მიიღო შეჯიბრების დებულებით გათვალისწინებული ან მსაჭთა კოლეგიის მიერ განსაზღვრული წამგებიან ქულათა რაოდენობა, ითიშება შეჯიბრებიდან.

მონაწილეთა ადგილები (რომლებმაც შეჯიბრი დაამთავრეს დაწყებული წამგებიანი ქულათა რაოდენობით) თავიანთ წონით კატეგორიაში, განაწილდება იმის და მიხედვით, თუ ვინ რომელ წრეში გამოეთიშა. ამასთან ერთ წრეში გამოთიშულნი ითვლებიან, როგორც ერთდროულად შეჯიბრება დამთავრებულნი.

ერთ წრეში გამოთიშულთათვის მიღებულ წამგებიან ქულათა რაოდენობის შემთხვევაში ადგილები განისაზღვრება, როგორც ზემოაღნიშნულ პირადი პირველობის დროს.

თუ მონაწილე შეჯიბრებას გამოეთიშა ავადმყოფობის გამო, მაგრამ გავიდა შემდეგ წრეში, იკავებს ბოლო ადგილს ამ წრეში.

თუ მონაწილე შეჯიბრებიდან გამოეთიშა შეჯიბრებაზე გამოუცხადებლობის გამო ან მოხსნილი იქნა შეჯიბრებიდან მსაჭთა კოლეგიის მიერ, მას ადგილი არ მიეკუთვნება.

ფინალური შეჯიბრების მონაწილეთა განსაზღვრისათვის არსებობს შემდეგი წესები:

სამი მონაწილე, რომელთაც აქვთ წამგებიან ქულათა უმცირესი რაოდენობა, გადის შემდეგ ფინალში: თუ უკანასკნელი წინასწარი წრის შემდეგ რჩება სამ მოჭიდავეზე ნაკლები, მონაწილეთა რაოდენობა იზრდება სამამდე. წამგებიანი ქულების უმცირესი რაოდენობის მქონე მოჭიდავეთა შერჩევის გზით. ამ შემთხვევაშიც კი, თუ მათ მეტი წამგებიანი ქულა აქვთ, ვიდრე გათვალისწინებული იყო ეს შეჯიბრების დებულებით ან მსაჭთა კოლეგიის მიერ.

ფინალში გასულ მონაწილეებს ეხსნებათ წამგებიანი ქულები, რომლებიც მათ მიღებული აქვთ ფინალამდე ქვეტაფურში. ამის შემდეგ ისინი ხვდებიან ერთმანეთს, თუ ისინი ერთმანეთს უკვე შეხვდნენ ფინალამდე, მათი შედეგი ფინალურად ითვლება.

ადგილები ფინალში გასულ მონაწილეთა შორის განისაზღვრება ზემოაღნიშნული წესის დაცვით.

## **პირად-გუნდური პირველობის განსაზღვრა**

პირად-გუნდური შეჯიბრების მონაწილე, რომელმაც თავის წონით კატეგორიაში, დაიკავა პირველი ადგილი, გუნდს აძლევს 1 ქულას, მეორე ადგილზე გასული - 2 ქულას, მესამე - 3 ქულას და ა.შ.

პირად-გუნდური შეჯიბრების გამარჯვებული გუნდები გამოვლინდებიან პირადი შედეგების საფუძველზე შემდეგი თანმიმდევრობით:

1. ქულათა ჯამის უმცირესი რაოდენობის მიხედვით.
2. 1, 2, 3 და ა.შ. ადგილების უმეტესობის მიხედვით.
3. წმინდა გამარჯვებების უმეტესი რაოდენობის მიხედვით.
4. წმინდა გამარჯვებებზე უმცირესი დროის დახარჯვის მიხედვით.

## **გუნდური პირველობის განსაზღვრა**

გუნდური პირველობის დროს, ყოველ წონით კატეგორიაში, მონაწილის წმინდა გამარჯვებისათვის გუნდი ღებულობს 0 საჯარიმო ქულას, ხოლო ქულებით გამარჯვებისათვის - 1 საჯარიმო ქულას, წმინდა დამარცხებისათვის - 4 საჯარიმო ქულას, ქულებით დამარცხებისათვის - 2 საჯარიმო ქულას, თუ ქულებით სხვაობა 1-ს არ აღემატება, ხოლო თუ ქულათა სხვაობა 1-ზე მეტია - 3 საჯარიმო ქულას.

1. გუნდურ შეხვედრაში გამარჯვებულად ითვლება ის გუნდი, რომელსაც მეტი გამარჯვება აქვს ყველა წონით კატეგორიაში.

2. გამარჯვებათა თანაბარი რაოდენობის შემთხვევაში უპირატესობა ენიჭება გუნდს, რომელსაც ნაკლები საჯარიმო ქულა აქვს მიღებული ურთიერთშეხვედრაში.

3. თანაბარ ქულათა შემთხვევაში უპირატესობა ენიჭება იმას, ვისაც მეტი წმინდა გამარჯვება აქვს მოპოვებული.

4. ზემოაღნიშნული პირობების თანაფარდობის შემთხვევაში გამარჯვებულია ის, ვისაც ურთიერთშეხვედრებში წმინდა გამარჯვებებზე ნაკლები დრო აქვს დახარჯული, თუ ესეც თანაბარია, უპირატესობა ენიჭება იმას, ვისაც მეტი მონაწილე ჰყავს წონითი კატეგორიების მიხედვით.

მოჭიდავის არ ყოლის ან გამოუცხადებლობისათვის მოწინააღმდეგე გუნდს ეთვლება წმინდა გამარჯვება. დრო ამ შემთხვევაში უდრის 00 წუთსა და 00 წამს.

გუნდური შეხვედრის მოგება მთლიანად გუნდს აძლევს 0 საჯარიმო ქულას, დამარცხება - 1 საჯარიმო ქულას.

გუნდური შეჯიბრების გამოთიშვითი სისტემით ჩატარებისას გუნდი, რომელსაც აქვს 2 ან 3 დამარცხება (ღებულებით გათვალისწინებული პირობების მიხედვით), ითიშება შეჯიბრებიდან. ამასთან ერთსა და იმავე წრეში გამოთიშულ გუნდებს ეთვლება, რომ მათ შეჯიბრება დაამთავრეს ერთდროულად.

გუნდურ შეჯიბრებაში გამოთიშვითი სისტემით ადგილების განსაზღვრა ხდება შემდეგი თანმიმდევრობით:

1. მიღებული საჯარიმო ქულების უმეტესი რაოდენობის მიხედვით, ხოლო თანაბარი ქულების შემთხვევაში ერთმანეთს შორის შეხვედრაში (2 გუნდს შორის) გამარჯვებულთა მიხედვით.

2. წმინდა გამარჯვებათა უმეტესი რაოდენობის მიხედვით.

3. წმინდა გამარჯვებებზე დახარჯული დროის მიხედვით.

თუ სამ გუნდს აქვს თანაბარი გამარჯვებები და ერთმანეთს შორის მოგებები, უპირატესობა ენიჭება იმას, რომელსაც სამ გუნდს შორის მეტი გამარჯვება აქვს, გამარჯვებების თანაბრობის შემთხვევაში - ვისაც ნაკლები საჯარიმო ქულა აქვს, ქულათა თანაბრობის შემთხვევაში, ვისაც მეტი

წმინდა გამარჯვება აქვს, თუ ყველა ეს კომპონენტი თანაბარია, მაშინ გამარჯვებულია ის, ვისაც ნაკლები დრო აქვს დახარჯული ქმინდა გამარჯვებაში. თუ ეს პირობებიც თანაბარია, უპირატესობა აქვს იმას, ვისაც ნაკლები დრო აქვს დახარჯული. თუ ესეც თანაბარია, უპირატესობა აქვს იმას, ვისაც ნაკლები წონა აქვს, ხოლო თუ ესეც თანაბარია - გამარჯვებული გამოვლინდება კენჭისყრის შედეგად.

## **წყვილების შედგენა**

1. შეჯიბრების წრიული ან დამარცხებულთა გამოთიშვის სისტემით ჩატარებისას თითოეულ მონაწილე გუნდს რიგითი ნომერი განესაზღვრება კენჭისყრით უშუალოდ აწონვის შემდეგ და რჩება შეჯიბრების დამთავრებამდე.

2. შეჯიბრება დამარცხებულთა გამოთიშვითი სისტემით ტარდება შემდეგი პრინციპით:

პირველ წრეში პირველი ნომერი ხვდება მომდევნო ნომერს, ე. ი. 1-2, 3-4, 5-6, 7-8, 9-10 და ა.შ. თუ მონაწილეთა რაოდენობა კენტიანია, უკანასკნელ მონაწილე პირველ წრეში ისვენებს.

3. მეორე წრეში პირველი ნომერი ერკინება უკანასკნელს. მეორე ნომერი ქიდაობს უახლოეს დიდ ნომერთან ე. ი. 1-10, 2-3, 4-5, 6-7, 8-9 თუ მონაწილეთა რაოდენობა კენტიანია, განაწილება ხდება ასე: 1-11, 2-3, 4-5, 6-7, 8-9, მე-10 კი ისვენებს.

4. შემდეგ წრეებში წყვილები შედგება ასე: უმცირესი ზევითა ნომერი ხვდება უახლოვეს დიდ ნომერს, რომელსაც ჯერ არ შეხვედრია.

5. ყველა შემთხვევაში წყვილები უნდა შედგეს ისე, რომ ერთ წრეში ორი მოჭიდავე (გუნდი) არ იყოს თავისუფალი ან ერთი და იგივე მონაწილე (გუნდი) ორჯერ არ ისვენებდეს.

6. თუ შეჯიბრების მოცემულ წრეში უკანასკნელი წყვილი ვერ შევა იმის გამო, რომ ისინი უკვე არიან შეჭიდებულნი, უკანასკნელი ოთხი ნომრისაგან მე-5 პუნქტში მოხსენებული პრინციპით შეირჩევა ორი ახალი წყვილით.

## **მთავარი მსაჯის ანგარიშის სქემა**

ღონისძიების დასახელება, ჩატარების დრო და ადგილი, მთავარი მსაჯი, მდივანი, ექიმი. მათი კატეგორია, მონაწილეთა (გუნდთა) რაოდენობა სპორტ-საზოგადოებათა და უწყებათა მიხედვით, ქალაქებისა და რაიონების მიხედვით: ასაკობრივი შემადგენლობა 14 წლამდე, 17 წლამდე, 20 წლამდე, 24 წლამდე და ა.შ. რამდენი ოსტატი მომზადდა, რამდენი პირველ თანრიგოსანი, რამდენი მე-2 და მე-3 თანრიგოსანი. რამდენი ეროვნება (ქართველი, რუსი, აზერბაიჯანელი და სხვა) ღებულობდა მონაწილეობას, რამდენმა გაიმეორა მიღწეული გუნდური, პირადი შედეგები: საპრიზო ადგილზე გამოსული მოჭიდავეების გვარი, სახელი, დაბადების წელი, თანრიგი, ორგანიზაცია და მწვრთნელი წონითი კატეგორიების მი-

ხედვით. შეჭიბრების ადგილის მოწყობა, გასახდელი, შხაპი, დარბაზის გაფორმება, მაცურებლის დასწრება, ექიმის მოკლე ანგარიში ტრავმების შესახებ მონაწილის გვარის ჩვენებით. საერთო შენიშვნები და წინადადებები ჩატარებული ღონისძიებების შესახებ. შეჭიბრების გახსნასა და დახურვაზე შესრულებული რიტუალები. მსატა კოლეგიის შემადგენლობა - გვარი, სახელი, რაიონი, მსატების კატეგორია და რა მოვალეობა შეასრულა, მათი მუშაობის შეფასება.

*მთავარი მსატის ხელმძღვანელი  
მდივნის ხელმძღვანელი*



## სარჩევი

ავტორისაგან .....	3
წინათქმა (პროლოგი).....	4
ჭიდაობის სახეობების მოკლე ქრესტომატია. ....	5
ბერძნულ-რომაული ჭიდაობა.....	5
თავისუფალი ჭიდაობა .....	7
ძიუდო.....	9
სამბო .....	10
ქართული ჭიდაობა!.....	12
იმ დროის გამოჩენილი ფალავნები, ისტორიები .....	16
“ქართული ჭიდაობის სრულყოფა-განვითარება” .....	24
საქართველოს აბსოლუტური ფალავანი! .....	30
საქართველოს აბსოლუტური ფალავნები 1928-2016.....	32
წარსული, აწმყო და მომავალი.....	45-49
ქართულ-ჭიდაობაში-განხორციელებული .....	50
მნიშვნელოვანი თარიღები! .....	50
ბოლოთქმა (ეპილოგი) .....	52
ქართული ჭიდაობის ფანდები .....	88-94
ქართული ჭიდაობა - შეჯიბრების წესები.....	94-110

დაიბეჭდა შპს „ფავორიტი სტილში“